





Мағжан
ЖҰМАБАЕВ

Жан сөзі







Мағжан
ЖҰМАБАЕВ

Жан соғи

Мыңдағы шындырысынан көтөлдөрдөн күндерінен

Мыңдағы шындырысынан көтөлдөрдөн күндерінен

Мыңдағы шындырысынан көтөлдөрдөн күндерінен

Олендер мен дастандар

Стихи, жазыс.

47622

ЦБ
ҚЫЗЫЛЖАР ОСДХ
ҚЫЗЫЛЖАРСКАЯ ЦБХ



**ББК 84Қаз7-5
Ж80**

**Қазақстан Республикасы Мәдениет, ақларат және спорт
министрлігі бағдарламасы бойынша шығарылды**

Серия 2002 жылдан бастап шығарылып келеді

**Зейнолла СЕРИКҚАЛИҰЛЫНЫҢ
«АЛТЫН ҚОР» кітапханасы**

Көркем безендірмесі негізін салған Александр Тленшиев

Жұмабаев М.

Ж80 Жан сөзі: Өлеңдер мен дастандар. — Алматы: Раритет, 2005. — 256 бет. — «Алтын қор» кітапханасы.

ISBN 9965-663-78-5

Қазақ лирикасында «Абайдан соңғы әдебиетке жаңа түр кіргізіп, сонына шокірт ерткен, мектеп (школ) ашқан күшті ақын Магжан екенінде дау жоқ... Орыстың бейнешілдігін қазақса аударды, олеңді күйге айналдырды, дыбысттан сурет туғызды, соғте жан бітірді...».

М.Жұмабаевтың ақындығы жонінде бұдан сексен екі жылдай уақыт бұрын Жұсіпбек Аймауытов айтқан осы пікір-бай-лам қазір де оз ақиқатын жоғалтпаганына мына кітапты оқыған адамның көзі анық жетеді. Әсіресе, махабbat лирикасы мен ғажайып дастандары әлем поэзиясының інжу-маржаны қатарынан орын алуға әбден-ак лайық.

**Ж 4702250202—06
413(05)—05**

ББК 84Қаз7-5

ISBN 9965-663-78-5

© «Раритет» БК, 2005
© Безендірген Б. Ссрікбай, 2005

МАГЖАННЫҢ АҚЫНДЫҒЫ ХАҚЫНДА

* * *

Магжан — алдымен сыршыл ақын. Магжан сөзіндегі «тілге жүмсақ, жүрекке жылы тиетін» үлбіреген нәзік әуез қазақтың бұрынғы ақындарында болған емес. Ол жүректің қобызын шерте біледі, оның жүрегінен жаса пен қаны аралас шыққан тәтті сөздері өзгениң жүрегіне тәтті у себеді. Магжан не жазса да сырлы, көркем, сәнді жазады. Оқушының жүрегіне әсер етеп алмайтын құргақ өлеңді, жабайы жырды Магжаннан таба алмайсыз. Ол табигатты су-реттей ме, әйелді жаза ма, тарихи адамдарды ала ма, ертегі айта ма, ұран сала ма — бәрінде де ақынның ойлаганы, сезгені, жүрегінің қайғыруы, жанының қүйзелуі, көңілінің кірбеці көрініп тұрады.

Ауыз толатын айбынды асқақ сөз Магжаннан шыгады. Оның сөздері жүректі қытықтап, жыбырлатып қана қоймайды, түбінен сұрып, мейірінді қандырады.

Суретті, кестелі, көркем сөз Магжаннан табылады, Магжан ақынды ақындық жағынан сөзсіз суретші деп айтуга болады. Магжанды Пушкинге теңеуге ауыз барады.

...ақындық жүзінде Абайдан соңғы әдебиетке жаңа түр кіргізіп, соңына шәкірт ерткен, мектеп (школ) ашқан күшті ақын Магжан екенінде дау жоқ. Абайдан соң өлең өлшеулерін түрлендірген тағы да Магжан.

Казақ әдебиетіне Магжанның кіргізген жаңалығы аз емес: орыстың символизмін (бейнешілдігін) қазаққа аударды, өлеңді қүйге (музыкаға) айналдырыды, дыбысташ сурет тұгызды, сөзге жан бітірді, жаңа өлшеулер шыгарды. Романтизмді қүшейтті, тілді ұстартты.

Егер де Магжанның өлеңін әдебиет тарихының көзімен қара-сақ, Магжан өлеңі қазақ әдебиетіне жаңалық тудырады. Казақ әдебиетінде жаңа басталып келе жатқан сезімшілдік, романтизм, сыршылдық дәүірінде Магжанның «Ертегі», «Корқыт», «Батыр Баян» сыйылды поэмалары әдебиетке зор күш беріп, іргелі орын алады.

Магжанның қай өлеңі болса да қазақ әдебиетінің тарихынан қалайда сыйбагалы орын алуы талассыз хақиқат.

Жүсіпбек АЙМАУЫТОВ

* * *

Казақ жазушыларынан, әрине, Абайды сүйемін. Менің бала күнімнен ішкен асым, алған нәрімнің барлығы да Абайдада...

Бұдан соң Магжанды сүйемін. Европалығын, жарқырагын, әшекейін сүйемін. Казақ ақындарының қара қордалы ауылында туып, Европадағы мәдениет пен сұлулық сарайына барып, жайлалуы жа-расқан арқа қызын көріп-сезгендей боламын. Магжан — культура-сы зор ақын. Сыртқы кестенің келісімділігі мен күйшілдігіне қара-ғанда, бұл бір заманның шегінен ақсандай. Сезімі жетілмеген қазақ қауымынан ертерек шыққандай, бірақ түбінде әдебиет тарату-шылары газетпен қосақталып, күнделігі өмірінің тереңінен терген ақын болмайды, заманынан басы озық, ілгерілеп кеткен ақын болады. Әдебиет — әдебиет үшін деген таңба айқын болмай, нәрлі әде-биет болуга жол жоқ. Сондықтан бүгінгі күннің бар жазушылары-ның ішінен келешекке бой ұрып, артқы қунге анық қалуга жарай-тын сөз — Магжанның сөзі. Одан басқамыздікі күмәнді, өте сенімсіз деп білемін.

Мұхтар ӘҮЕЗОВ

* * *

...Магжан Жұмабаевтың қазақ әдебиеті тарихында оқшау тұратын ақындығы хақында ой тебеткенде байқайтынымыз: ол бұрынғы әдеби сарыжүрт дәстүрлерді сағалай беруден сақтанды. Өзі басып өткен ізді де қайтып шыырламауга тырысты... саясат айқайына айқай қосып, ел ішін таптық қанжоса қыргынга шақы-рып, тамагы қарлыққанша өзеуреп ұрандайтын үгіт дейтін өлеңге сырт берді.

Есесіне, әлем әдебиеті жаңалықтарына көз тікті. Әсіресе, өзіне тосын жаңалық көрінген символизм ағымына бой үрді.

Шеріаздан ЕЛЕУКЕНОВ

ӨЛЕҢДЕР

ТУҒАН ЖЕРІМ – САСЫҚКӨЛ

Алыстан мұнарланып шалқыған көл,
Бетінде күннің нұры балқыған көл.
Жарысып саф құмістей ақ көбігің,
Мап-майда мөлдірінде қалқыған көл.

Жанында жас балалар ойнаған көл,
Жан-жануар сүйнды ішіп, тоймаган көл.
Көз салып жалтырыңа, мұнға батып,
Фашықтар жарын іздең, ойлаған көл.

Шешініп қызы-келіншек су алған көл,
Әр жанды мөлдірінен суарған көл.
Масайрап, суға тойып төрт тұлік мал
Дөніне ойнақ салып, куанған көл.

Сыртында ақбоз үйлер жарасқан көл,
Байларың кедейлерге қарасқан көл.
Ағайын тату-тәтті — қоныс бірге,
Саулықты сағат сайын сұрасқан көл.

Тұрлі құс өуез қосып, шулаған көл,
Шуакта балықтарың тулаған көл.
Сапырып сары қымыз ертеңді-кеш,
Басында кеңес құрып, дулаған көл.

Сасық деп еркелетіп ат қойған көл,
От-суға иен түгіл, жат тойған көл.
Назданып, жүйрік мініп, тарлан шүйіп,
Көкселдір тұс-тұс жақтан ат қойған көл.

Кір жуып, кіндік кесіп, сенде өскен көл,
Құрбымен ойнап-құліп, кел дескен көл.
Жарысып, тайға мініп, батпаққа аунап,
Қүресіп күн батқанда белдескен көл.

Айдын көл, ата қоныс, құт болған көл,
Сусын боп сұрағанға, от болған көл.
Кеше бірлік, ынтымақ түгел шақта
Бейне бір сенің басың үшіп болған көл.

Білмеймін не боларың, қайран көлім,
Жарайды тең болмаса күн мен түнің.
Итиіп қарашекпен келіп қонса,
Басыңдан құсың үшып кетер сенің.

БІР КҮНІ

Бір күні, ерте оянып, жаттым ойлап,
Көп шыбын өрмелеген уық бойлап,
Ұшқан боп жақындастып бір-біріне,
Тайдырып, орнын қозғап, түртіп ойнап.

Қарадым, қалың тұман ойға түстім,
Уыққа қарауымды дереу кестім.
Шыбындаій бір-бірімен талас қылған
Адамзат баласына енді көштім:

«Япыр-ай, осындай-ау адам-дағы,
Бірі күшті, біреуі жаман-дағы.
Қүштісі әлімжеттік қылғаннан соң,
Дүние де жақсылықтан аман-дағы.

Күшсіздер, сорлыларға атар таң жоқ.
Көрінген бақ-дәулеттен ұшқан шаң жоқ.
Жиганы, бар тапқаны — басқанікі,
Керек десе, тәнінде жалғыз қан жоқ!» —

Деп ойлап, қалың ойда жатыр едім,
Көп ойлап, ой дәмінен татып едім.

Естілді үй сыртынан апам даусы:
«Ноқта апар, неғып тұрмай, жатып едің?».

Төсектен мең-зең болып әрең тұрдым,
Ноқта алып, желі жаққа қарай жүрдім.
«Күшсіздер, сорлыларға атар таң жоқ!» —
Деп ойлап, баяғы ойға қайта кірдім.

Қыздырып Күн, ойлауға ерік бермеді,
Мал шулап, ойлауды еп көрмеді.
«Күшсіздер де тырыссын, қатар болсын! —
«Таста енді жоқ ойды», — деп қол сермедин!

ҚАРАҒЫМ

Қарағым, оқу оқы, босқа жүрме!
Ойынға, құр қаларсың, көңіл бөлме.
Оқымай, ойын құған балаларға
Жолама, шақырса да қасына ерме!
Кідірме, аялдама, алға үмтыйл,
Алам деп көктен жүлдyz, қолың серме.
«Қарманған қарап қалмас» деген рас,
Тоқтамай істер болсаң батып терге.
Жасынан оқу оқып, өнер құған
Жан жетпес көңілі жүйрік кеменгерге...
Білімсіз, құр қалтақтап жүргенменен
Ерте өлген, көмілулі қара жерге.

Жастық, байлық, қол қусырып бос журу
Жас өспірім үмітті ерте бұзады.
Тер ағызып, өліп-талып табылған
Ата дәulet быт-шыт болып тозады.

ОРАЛ ТАУЫ

Таласқан аспанменен көкпеңбек тас,
Қарасаң төбесіне, айналар бас.
Жасаған мейірімі кең қадір Тәңірі,
Шығарған сол тауынан алтын, алмас.
Жіп-жіі, шытырманды түрлі агаш,
Тұрганы мұнарланып есіп жалғас.
Қарағай, шырша-батыр бір қалыпта:
Шілде, жаз, қысын, күзін есіне алмас!
Ішінде аю, қасқыр, түрлі аң толған,
Адамзат батып жалғыз аяқ салмас.

Бір күнде сенің иең түрік еді,
Орын ғып көшіл-қонып жүріп еді.
Қорықпайтын таудан, тастан батыр түрік
Койныңа жайыменен кіріп еді...
Ер түрік ен далана көрік еді,
Отырса, көшсе, қонса — ерік еді.
Тұрганда бақыт құсы бастарында,
Іргесі, жел-күн тимей, берік еді.

Тұрақсыз бұл жалғанда опа бар ма,
Сақтан, алдар, бой салып жақын барма!
Бүгінгі күн жан досың болып жүріп,
Құлатып кетер ертең сені жарға.

Қарашы төңірекке мойның бұрып,
Алтай, Орал бойында тұрган түрік
Аты да, заты да жоқ, дыбысы жоқ,
Жоғалған әлдекайда іріп-шіріп...

Осындай атамекен жерлеріне,
Қасиетті атаниң көрлеріне
Аузы түкті шет елдер ие болып,
Көрсетіп түр қысымды ерлеріне.

Анамыз бізді өсірген, кайран Орал,
Мойның бүр түңғышына, бермен орал!
Қосылып батыр түрік балалары,
Таптатпа жолын кесіп, тізгінге орал.

ЕСІМДЕ... ТЕК ТАҢ АТСЫН!

Ол күнді ұмытқам жоқ, өлі есімде,
Таянып келгенінде күн бесінге,
Кең дала ұсал тұрды қол тимеген
Керілген кербез сұлу ақ төсіне.

Құйылып тұрды қектен жұмақ нұры,
Құбылып хор даусындаі құстар жыры,
Таласып аспан-көкке алтын тауы,
Арқаның суы — күміс, жібек — қыры.

Сайланып сол мезгілде шықтық жонға,
Қыранша көз жүгіртіп оң мен солға,
Ақ найза алты құлаш белге байлап,
Айнымас алдаспанды алып қолға.

Қанатты, қажымайтын тұлпар міндік,
Жібекпен жетпіс қабат белді будық.
Құрсанып қылыш өтпес мұздай темір,
Қиядан қыран құсса жауға ұмтылдық.

Аспаннан сорғаласа суга сұнқар,
Сұңгімей үйрек сорлы нағып тұрап!
Ақырган арыстанның айбатына
Шыдар ма қоян жүрек қорқақ құлдар?!

Жау қашты құр қарадан быт-шыт болып,
Қайратқа дene, отқа жүрек толып,
Ауыздан «а» дегенде жалын шығып,
Арқада жаттық сайран, сауық құрып.

Бақ шіркін бір күн қонып бауырыңа еніп,
Кетпек қой ертеңіне-ақ алдап, күліп.
Алтын Күн аспандағы қайдан білсін
Қаптарын қапылышта қара бұлт!

Жолбарыс жүргенінде маң-ман басып,
Жүрегі, қайратына көңілі тасып,
Ойлай ма, қу қаңбақты таса қылып,
Жатқанын жасырынып мерген пасық?!

Еліктің еркетайы, ардақтысы,
Алтайдың ақиығы — алғыр құсы,
Алаштың¹ Арқада еркін ойнақтаған,
Жол тосқан жауыз жауда болды ма ісі?

Мас болып күш пен қайрат, қалың буға,
Алданып ойын-күлкі, сауық-шуға,
Сергімей жата беріп, сезбей қаппызыз,
Жақындал барып қапты Күн батуға.

Күн алтын жан-жағына сәуле шашты,
Жарық пен қараңғылық араласты.
Сәулесі қызыл алтын — сәлемі еді,
«Көргенше қош, алаш!» — деп амандасты.

Ай туып, Күн орнына көкте қалқып,
Гүлдерден мас қыларлық иіс аңқып,
Төңірек тыныш үйқыға батқан шақта
Кетіппіз біраз ғана біз де қалғып.

Сужүрек мана қашқан жасырынып,
Жақындал келген бопты андып тұрып —
Қорқақ құл үрлықты да ерлік санап,
Қуанып алласына басын ұрып.

Мезгілше, мейлі келсін, тісі батсын,
Сүр жылан, езі оятар, қатты шақсын.
Жаңадан жолбарыстай ұмтылармыз,
Көрелік төңіректі, тек таң атсын!

¹ Алаш — қазақ деген мағынада.

ГҮЛСІМГЕ

Жұмақтағы жібек желден,
Мәңгі жайнап түрған гүлден
Жаратылған әйел сұлу!
Тұрмыс деген бір тұзакқа,
Азға емес, тым ұзакқа
Кез болыпты — ішіпті у.
Әйел атын Гүлсім дейді,
Тұрмыс атын тылсым дейді.

Жұмақтағы кәусар судан,
Бетіндегі алтын будан,
Періштелердің жырынан,
Жұмақ сұы сылдырынан,
Жапырағының сыйбырынан,
Тәңірінің дәл өз нұрынан
Жаратылған періште еді,
Мекені оның гарышта еді.

Алмас қанат періште еді,
Мекені оның гарышта еді,
Жерді көрді қанға батқан.
Жүргіне қанжар кіріп,
Жапан түзде андай ұлып,
Елді көрді зарлап жатқан.
Елді көрді — жерге тұсті,
Жерге тұсті — көрге тұсті.

Елді көрді — жерге тұсті,
Қақты қанат, кезді, ұшты,
Кім зарласа, соны сүйді.
Құлгенменен бірге құліп,
Өлгенменен бірге өліп,
Күйгенменен бірге күйді.
Жабыққанға жәрдем етті,
Қара да, ақ та теңіз өтті.

Алдап, меруерт көбік шашар,
«Кел, — деп, — бері!», қойнын ашар

Тұрмыс — теңіз бір тұнғыық.
Теңізге кім басар қадам,
Басса, басар оған адам
Жанын сатып, жанын қызып!
Тұрмыс — теңіз сылқ-сылқ құлді,
Сұлу суға кірді де өлді.

Өлді сұлу — өтті жылдар,
Өлді сұлу — бітті жырлар,
Жалғыз ерте кескі таңмен,
Қанды жерге көзін салып,
Көкті ойлап қүйіп-жанып,
Қоңырлатқан мұнды әнмен
Ұшады екен қанат қағып,
Көзінен ыстық жасы тамып.

Жан толқытар жыр іздеген,
Әдемілік нұр іздеген,
Қиял құлы — мен бір ақын.
Тұрмыста тар, тайғақ жолға,
Түсіп келе жатып орга,
Күні кеше кешке жақын
Батқан күннің таңын кордім,
Сол сұлудың жанын көрдім.

Күні кеше жанның жырын,
Жүзіндегі жұмақ нұрын
Естіп, көріп, елжіредім.
Жан-жүргім, қолым беріп,
Қан аралас жасым төгіп:
«Жолым баста, келші!» — дедім.
Қайырылып та қарамады,
Жас жүргім жарапады...

«Мен бір жанмын өлген, — деді, —
Періштелер көмген!» — деді,
Бір қарады, кете барды.
Жүзіндегі жұмақ нұры,
Аузындағы мұнды жыры

Жүргіме сіңіп қалды.
Жүргімнен кетпес бұл жыр,
Құбылса да мыңға өмір.

Періштeler лебізінен,
Шын махабbat теңізінен
Жаратылған әйел сұлу!
Тұрмыс деген бір тұзаққа,
Азға емес, тым ұзаққа
Кез болыпты — ішіпті у!
Әйел атын Гүлсім дейді,
Тұрмыс атын тылсым дейді...

ОТ

Күннен туған баламын,
Жарқыраймын, жанамын,
Күнге ғана бағынам.
Өзім — күнмін, өзім — от,
Сөзім, қысық көзім де — от,
Озімек өзім табынам.
Жерде жалғыз Тәңірі — от,
Оттан басқа Тәңірі жоқ.

Жалынмен жұмсақ сүйеді,
Сүйген нәрсе күйеді,
Жымып өзі жорғалар.
Ұшырағанды шоқ қылар,
Шоқ қылар да, жоқ қылар,
Мұның аты От болар.
Мен де отпын — мен жанам,
От — сен, Тәңірім, табынам.

Әдемі отпен аспаның,
Бәрі жасық басқаның,
Жалын жұтам — тез тоям.
Әулием, ием, құтыма,
Теңсіз Тәңірім — отыма
Әлсін-әлсін май құям.

Май құямын — өрлейді,
Құлашын көкке сермейді.

Кейде жылан арбайтын,
Кейде аждаға жалмайтын,
Сескенбес, сірө, кім сенен!
Шынында, менің өзім де — от,
Қысылған қара көзім де — от,
Мен — оттанмын, от — менен.
Жалынмын мен, жанамын,
Оттан туған баламын.

Қараңғылық бүкқанда,
Қызырып күн шыққанда,
Күн отынан туғанмын;
Жүргегімді, жанымды,
Иманымды, арымды
Жалынменен жуганмын.
Жүргегім де, жаным да — от,
Иманым да, арым да — от.

Жарқырап от боп туғаннан,
Белімді бекем буғаннан,
Қараңғылық — дүшпаным.
Сол жауызды жоюға,
Соқыр көзін оюға
Талай заулап үшқанмын.
Әлпігे¹ барғам Алтайдан,
Балқанға барғам Қытайдан...

Заулап, өрлеп аспанга,
Әлпіден әрі асқан да
Отты Атилла, Баламер
Мен едім. Тағы барғанда
Ойран салып Балқанға
Жолбарыс Жошы, Сұбітай ер
Шалғай-шалғай жер шалып,
Басылдым біраз от алып...

¹ Альпі — асқар таудың аты (М. Жұмабаевтың ескертпесі).

Кеше маған тіл келді,
Күнбатыстан жел келді,
 Қараңғылық қаптады.

Үяттан әсер қалмады,
Идеялды — Алланы
 Қарын деген таптады.

Күнім, заулап жана гөр,
Күнбатысқа бара гөр.

Енді заулап жанайын,
Күнбатысқа барайын,
 Бір шетінен тиейін.

Қараңғы тас қаласын,
Жалмауыз жауыз баласын
 Жалынмен жалап, сүйейін:


Не қалар екен қаладан,
Жалмауыз жауыз баладан?!

Күннен туған баламын,
Жарқыраймын, жанамын,
 Күнге ғана бағынам.

Өзім — күнмін, өзім — от,
Сөзім, қысық көзім де — от,
 Өзіме өзім табынам.

Жерде жалғыз Тәңірі — от,
Оттан басқа Тәңірі жок.

47622



ПАЙҒАМБАР

Устремляя наши очи
На бледнеющий Восток,
Дети скорби, дети ночи,
Ждем, не придет ли наш Пророк.

Д. С. Мережковский.

Күнбатысты қараңғылық қаптаған,
Күні батып, жаңа таңы атпаған.
Тұнеріп жұр түннен туған перілер,
Тәңірісін табанына таптаған.

Күнбатысты қараңғылық қаптаған,
Көгінде жоқ жалғыз жүлдyz батпаған.
Тұн баласы Тәңірісін өлтіріп,
Табынатын басқа Тәңірі таппаған.

Күнбатысты қараңғылық қаптаған,
Жалғыз жан жоқ қараңғыда лақпаған.
Білген емес — иман деген не нөрсе,
«Қарын» деген сөзді ғана жаттаған.

Тұн баласы... Тұн жолына түскен ол,
Сақаусың деп Мұса тілін кескен ол,
Тәңірінің сүйікті ұлы Айсаның
Тітіркенбей ұрттал қанын ішкен ол...

Тұн баласы түнерген тұн жамылған,
Аллаға емес, әзәзілге табынған.
Інжілді өртеп, табанға сап құранды,
Әділдікті құткен ессіз қарыннан.

Тұн баласы өмірінде араз таңменен,
Қабыл ұлы ауызданған қанменен.
Табынатын құр денеге жануар,
Болған емес жұмысы оның жанменен.

Төгілмей ме кемерінен аскан су,
Өлтірмей ме жайылған соң күшті у.

Тұн баласы тұнеріп түр өлгелі,
Көзінді сал — құнбатыста қанды шу.

Көзге тұртсе көрінбейтін қара тұн,
Құнірене ме, құле ме әлде әлдекім?
Жылайды да, шулайды да ұлиды,
Бұл кім? Бұл ма — тұн баласы түссіз жын.

Қап-қара тұн. Тұн баласы құніренед,
Құніренумен бір-біріне үн беред.
Сөгінеді, сүрінеді, жығылад,
Қара тұнде көр көзімен не көред?!

Қап-қара тұн. Толқындары қара қан,
Қара тұнде өңшең соқыр шұбырган.
Сол шұбырган сансыз соқыр алдында
Ентелеген кәдімгі Иван есалан.

Қап-қара тұн. Шегір көзді жындар жүр,
Қап-қара тұн. Қайғы мен қан ойнап түр.
Қайғы менен қара қанға тұншығып,
Тұн баласы ауыр ойлар ойлап түр.

Қап-қара тұн. Уақыт ауыр өтеді,
Ой артынан ойлар келіп кетеді.
Тұн баласы көр көзінен жас төгіп,
Құншығыстан бір пайғамбар күтеді...

Ерте күнде жоқ бар еді тұн туған,
Қап-қараңғы тұн ішінде Күн туған.
Отты Күннің сәулемесінен от алтын
Отты көзді, отты жанды Гун туған.

Ерте күнде отты Күннен Гун¹ туған,
Отты Гуннен от бол ойнап мен туғам.
Жүзімді де қысық қара көзімді
Туа сала жалынменен мен жуғам.

¹ Гун — түріктің арғы атасы (М. Жұмабаев ескертпесі).

Қайғыланба, соқыр сорлы, шекпе зар,
Мен — Күн ұлы, көзімде Күн нұры бар.
Мен келемін, мен келемін, мен келем —
Күннен туған, Гүннен туған пайғамбар.

Соқыр сорлы, көрмей ме әлде көзің көр?
Күншығыстан таң келеді, енді көр.
Таң келеді, мен келемін — пайғамбар,
Күт мені сен, «лахауланды» оқи бер.

Күншығыстан таң келеді — мен келем,
Көк күніренед: мен де қектей күніренем.
Жердің жүзін қараңғылық қаптаған,
Жер жүзіне нұр беремін, Күн берем!

Қап-қара түн. Қайғылы ауыр жер жыры,
Қап-қара түн. Күніренеді түн ұлы.
Күншығыста ақ алтын бір сзызық бар:
Мен келемін, мен пайғамбар — Күн ұлы.

КҮНШЫҒЫС

Қысық көзді Күншығыс,
Бұл түруың қай тұрыс?
Серпіл енді, алыбым!
Күнірентіп жерді ыңыраншы,
Күнбатысқа көз салшы,
Көрдің бе қанның жалынын?

Күнбатысты шаң басқан,
Шаң емес, қара қан басқан,
Тарсыл-күрсіл, қанды атыс.
Көп білем деп — бөлуге,
Көп күлем деп — өлуге
Жақын қалды Күнбатыс.

Дария еді ол өкірген,
Шапшып көкке лепірген,
Жемірілді кемері.

Өлгелі жатқан құрт ауру,
Жан-жаққа сүзіп көз салу —
Колынан енді келері.

Ібіліске ерген есерлер,
Өзімшіл кеуде кеселдер
Тұншықсын, қанға боялсын.
Оның өлген үнімен,
Қанды батқан күнімен
Күншығысым оянсын!

Қысық көзді Күншығыс,
Болсын соңғы бұл жүріс,
Күнбатысқа жүрелік.
Желкілдеген туменен,
Жер күніренткен шуменен
Қаласына кірелік.

Құл қылайық қаласын,
Құл қылайық баласын.
Жоқ, жоқ! Ашу басалық!
Гүл қылайық қаласын,
Ұл қылайық баласын,
Мейірім есігін ашалық.

Мұндарларды адасқан,
Айрылып естен шатасқан
Күншығыстың жолына
Салайық, шетсің демейік,
Аямайық, көмейік
Күншығыстың нұрына...
Терен теңіз тебіренді,
Күншығысым күніренді,
Қырағы көзім көреді:
Желкілдеген туменен,
Жер күніренткен шуменен
Қара бұлт қаптап келеді.
Әй, сен, кесел Күнбатыс!
Бұл жатуың қай жатыс,

Жоғал жылдам жолымнан!
Болмаса, қорықсан өлімнен,
Үмітің болса өмірден,
Ұста менің қолымнан!

АЛЫСТАҒЫ БАУЫРЫМА

Алыста ауыр азап шеккен бауырым,
Қуарған бәйшешектей кепкен бауырым.
Қамаған қалың жаудың ортасында
Көл қылып көздің жасын төккен бауырым.

Алдыңды ауыр қайғы жапқан бауырым,
Өміріңше жапа шеккен жаттан бауырым.
Тұксиген, жүргегі тас жауыз жандар
Тірідей терің тонап жатқан бауырым.

Япырмай, емес пе еді алтын Алтай
Анамыз бізді тапқан, асау тайдай
Бауырында жүрмеп пе едік салып ойнак,
Жұзіміз емес пе еді жарқын Айдай?!

Алалы алтын сақа атыспап па ек,
Тебісіп бір төсекте жатыспап па ек?
Алтайдай анамыздың ақ сүтінен
Бірге еміп, бірге дөмін татыспап па ек?

Тұрмап па ед біздің үшін мәлдір бұлак
Сылдырап сылқ-сылқ құліп таудан құлап?
Даяр боп үшқан құстай соққан құйын,
Тілесек бір-бір түлпар бейне пырақ!

Алтайдың алтын күні еркелетіп,
Келгенде жолбарыс боп жаңа ер жетіп,
Ақ теңіз, Қара теңіз ар жағына,
Бауырым, мені тастап, қалдың кетіп!

Мен қалдым — жас балапан қанат қақпай,
Ұшам деп үмтыйлсам да дамыл таппай.

Жөн сілтер, жол көрсетер жан болмады,
Жауыз жау қойсын ба енді мені атпай?!

Қорғасын жас жүрекке оғы батты,
Күнәсіз таза қаным судай ақты.
Қансырап, әлім құрып, естен тандым,
Қараңғы абақтыға берік жапты...

Көрмеймін кеше жүрген қыр-сайды да,
Күндіз — Күн, түнде — күміс нұрлы Айды да,
Ардақтап, шым жібектей арайға орап
Өсірген алтын анам Алтайды да.

Япырмай, айрылдық па қалың топтан,
Шабылып қайтпайтүғын жауған оқтан
Түріктің жолбарыстай жүрегінен,
Шынымен қорқақ құл боп жаудан бүккан?!

Шарқ ұрып ерікке үмтүлған түрік жаны
Шынымен ауырды ма, бітіп халы?!
От сөніп жүректегі, құрыды ма
Қайнаған тамырдағы ата қаны?!

Бауырым! Сен о жақта, мен бұ жақта,
Қайғыдан қан жұтамыз. Біздің атқа
Лайық па құл боп тұру? Жұр, кетелік
Алтайға, ата мирас алтын таққа.

ТЕЗ БАРАМ

Қыранымын сары сайран даланың,
Қос қанатым — алтын Алтай, Оралым.
Еркін дала ардақтысы, еркесі —
Бетім қайтпай өскен батыр баламын.

Асқан алып — ата затым сұрасаң,
Асқан дана — ана затым сұрасаң.
Шашып жалын жас жолбарыс үмтүлса,
Қорқақ құлдар, қалай қарсы тұрасың?!

Тұлпар мініп, туды қолға алайын,
Суырып қылыш, қан майданға барайын.
Жердің жүзі кім екенім танысын,
Жас бөрдей біраз ойын салайын.

Тірілтейін алып атам аруагын,
Тазартайын Сарыарқамның топырағын.
Жан-жағына тегіс билік жүргізіп,
Кемеліне келсін кейінгі үрпағым.

Дүғада бол, алтын Алтай — қарт анам,
Алып ата, қуды жолың ер балаң.
Ақ шашынды, кекірегінді иіскеуге,
Тәнірі жазса, сәuletпенен тез барам.

ҚАЗАҚ ТІЛІ

Күш кеміді, айбынды ту құлады,
Кеше батыр — бүгін қорқақ, бұғады.
Ерікке ұмтылған үшқыр жаны кісенде,
Қан суынған, жүрек солғын соғады.

Қыран құстың қос қанаты қырқылды,
Күндей құшті құркіреген ел тынды.
Асқар Алтай — алтын ана есте жок,
Батыр, хандар — асқан жандар ұмытылды!

Ерлік, елдік, бірлік, қайрат, бак, ардың —
Жауыз тағдыр жойды бәрін не бардың...
Алтын Күннен бағасыз бір белгі боп,
Нұрлы жұлдыз — бабам тілі, сен қалдың!

Жарық көрмей жатсан да үзак, кен-тілім,
Таза, терен, өткір, құшті, кең тілім,
Таралған түрік балаларын бауырыңа
Ақ қолыңмен тарта аларсың сен, тілім!

ЖЕР ЖҰЗІНЕ...

Жер жұзіне ер атағым жайылған,
Жан емеспін оттан, судан тайынған.
Қайраты мол қандыбалақ қыранмын,
Күн болған жоқ жаудан жүрек шайылған.

Еркін ыргып шыққам асқар Алтайға,
Қырда тұрып садақ тартқам Қытайға.
Талай тайғақ, тар кешуде таймаған
Батыр жүрек, қайрат енді алдай ма?!

Талмай, қайтпай, қамал бұзған кеменғер,
Арыстанға қарсы ұмтылған мендей ер.
Бір барқылдақ жалпылдаған төбеттен
Қорқар болсам, жұтсын мені қара жер!

МЕН ЖАСТАРҒА СЕНЕМІН

Арыстандай айбатты,
Жолбарыстай қайратты,
Қырандай күшті қанатты —
Мен жастарға сенемін!

Көздерінде от ойнар,
Сөздерінде жалын бар.
Жаннан қымбат оларға ар,
Мен жастарға сенемін!

Жас қырандар — балапан,
Жайып қанат, ұмтылған.
Көздегені көк аспан,
Мен жастарға сенемін!

Жұмсақ мінез жібектер,
Сүттей таза жүректер,
Қасиетті тілектер —
Мен жастарға сенемін!

Тау суындаі гүрілдер,
Айбынды алаш елім дер,

Алтын Арқа жерім дер,
Мен жастарға сенемін!

Қажу бар ма тұлпарға,
Талу бар ма сұңқарға?!

Иман күшті оларда,
Мен жастарға сенемін!..

Алаш — айбынды ұраны,
Қасиетті құраны.

Алаштың олар құрбаны,
Мен жастарға сенемін!

Мен сенемін жастарға:
Алаш атын аспанға
Шығарап олар бір таңда,
Мен жастарға сенемін!

...ға

Мейірімсіз тағдыр құрган торға түсіп,
Жапанда жатыр едік біз оқقا ұшып,
Кеудеден таза ыстық қан сорғалап,
Қайрымсыз қара салқын жерді құшып;
Айрылып алтын ерік, ар-намыстан,
Қайрылмай қанат қағып бақ құсы ұшып,
Тас жүрек, көңілі қара жауыз жаудың
Қолынан құлдық, қорлық уын ішіп;
Жан таппай төніректен жәрдем қылар,
Өмірден енді алдағы үміт кесіп, —
Қайратты ер, сын-бәйгеге тігіп басың,
Сол кезде ауыр жолға қадам бастың —
Құтқарып келімсектен, тірілтпекке
Көз жетпес кен, бай Сібір сар даласын.

Үмтылған ізгі жолда тілегіне,
Түссе де темір шынжыр білегіне,
Қасіретті, қара күнде жанды сүйген
Қонған жоқ кіршік таза жүрегіне.

Сол жолда қайғы жүтқан бізді көрдің,
Бауырдай бірге туған қолың бердің —
Есіркеп, жаның ашып, жақын тартып,
Жазуға сыртқы, ішкі қалың шерден.

Баладай еркелеткен қолыңа алдың,
Жұбаттың, еске салып өткенді алтын.
Тіледің таза жүрек, ақ көңілмен
Болсын деп баяғыдай жүзің жарқын.

Ардақты ер! Ұмытылмас еткен ісін,
Күні ертең айбынды алаш жинап есін,
Көксеген көп заманнан тілегінді
Жарыққа шыгаруға жұмсар күшін.

ӨТКЕН КҮН

Еділ, Жайық, Сырдария —
Белгілі жұртқа ескі су,
Тәтті, дәмді, тармақты
Ұзын Ертіс, Жетісу.
Осы бес су арасы
Сарыарқа деген жер еді,
Тұып-өскен баласын
Айбынды ер Алаш дер еді.
Еркін шауып ойнақтап,
Тілеген отын жер еді.
Қонысы — жібек ну тоғай,
Айдын шалқар көл еді.
Есіл менен Нұрадай
Екі енеге телі еді.
Қой үстіне бозторғай
Жұмыртқалап ол күнде,
Жарлы жан жоқ Алашта,
Бай пейілі кең еді.
Қайыры көп ағайын,
Кедейде жоқ уайым —
Керек болса, бір тайын
Сұраусыз ұстал мінеді.

Болсын жаты, жақыны,
Жоқ асынан тартыну.
Жылы жұзді бәйбіше
Керсендей үлкен аяқпен
Ұстата саумал береді.
Шыға қалса бір жұмыс,
Ұзап кетпек — артық іс,
Бітімге биге келеді.
Қасымның қасқа билігі,
Есімнің ескі билігі
Алдында сайрап жатқан соң,
Көпті көрген көне би
Қара жолмен желеді.
Бір тыны паралу жоқ,
Қисыққа құлак салу жоқ,
Туралық, шындық — екеуін
Қаз-қатар ғып жегеді.
Сол екеуі алдында
Бір бұлтармай жүреді.
Ақназар сынды әділ хан,
Абылай сынды ер сұлтан,
Қаракерей Қабанбай,
Қанжыгалы Бөгенбай
Ақ наизаның ұшымен,
Ақ білектің күшімен
Дүшпанға қысым көрсеткен,
Қаз дауысты Қазыбек,
Қара палуан Жәнібек
Жалғанда тумас ер еді.
Кеше Шөже, Орынбай,
Жанақ, Біржан, Наурызбай —
Бір сөзі мың ділдалық,
Алты алашқа атакты
Бәрі ақын, сері еді.
Шілдеде самал ескенде,
Жайлауға ауыл көшкенде,
Ат-айғырға мінісіп,
Қыз-бозбала жарасып,
Тереннен әзілдескенде,

Тісі меруерт тізілген,
Белі қыпша үзілген,
Хор сықылды сол сұлу
«Ха-ха-ха!» деп құлгенде,
Бүйық жатқан кең дала
Бейне бір жаны енеді.
Сылдырап аққан өзенге
Үй тігіп, дереу қонысып,
Бұрала басып былқылдап,
Әзілдесіп, сыңқылдап,
Жас келіншек, жас қыздар
Кереге жайып, уық байлар,
Үйден үйге жүрісіп.
Откен күнді ойласам,
Ойга терең бойласам,
Кешегі қайран қазактың
Сәулеті мен дәулеті
Көз алдыма келеді...
Күшің кеткен баяулап,
Жұрсің атсыз, жаяулап.
Ит надандық желкенде
Шабайын деп андып тұр,
Қылышын ұстап таяулап.
Арыстаным, сұнқарым,
Қажымас, талмас тұлпарым,
Басың котер, тұр енді!
Батқан екен ол күнің,
Жеткен екен бұл түнің.
Откенді ойлад қайғырма,
Әр кәмалға бір зауал
Ежелден болмақ емес пе?
Ескіше тұрып егеспе,
Заман — тұлқі, тазы бол,
Базарша дүкен құр енді.

АЙФА

Күн батып, қарандылық қанат жайды,
Аспанда сансыз жұлдыз жарқырайды.
Отырган қаранды үйдің терезесінен
Көремін мұнды, нұрлы толған Айды.

Қайғылы Ай, тұрсың көкте түсің қашып,
Қайғылы жер жүзіне нұрың шашып.
Жылжисың ақырынғана қорыққан жандай,
Жүргендей жол таба алмай бейне адасып.

Бір жауыз сөндірмек пе әлде нұрың?
Үстіңе кигізбек пе қара құрым?
Жоқ әлде қазіргімен жұмысың жоқ,
Қайғыға түсіре ме өткен күнің?

Кім білед, өткен күнің алтын шығар?
Ажарың бейне күндей жарқын шығар?
Көп жұлдыз — әлде күшпен, әлде іспен
Еріксіз артыңа ерткен халқың шығар.

Жоқ шығар ешбір бөгет онда жолда,
Еркінмен құлаш жайып оң мен солға,
Мезгілмен толу, солу билігі де
Ол уақыт емес шығар басқа қолда?

Қайғылы Ай, мен де сенің қайғыңа ортақ,
Менде де бұрын бар еді тәж бенен тақ.
Жас едім, жалынды едім, батыр едім,
Қолыма қонып еді ол уақыт бақ.

Кең дала, көресің ғой, ана жатқан
Жібектей жасыл шөптер бетін жапқан.
Асқар тау, балдан тәтті сулары бар,
Әне, сол анам еді мені тапқан.

Салушы ем асай тайдай қойнында ойнақ,
Жүруші ем ертенді-кеш ылғи ойнап.

Ішуге ас, мінуге ат — бәрі даяр,
Көрмеп ем өмірімде қайғы ойлап.

Дариға, жауыз тағдыр қатты аллады,
Бақ-дәулет — алмағаны еш қалмады.
Тас жүрек көзім нұры — анамды алып,
Еңіреген мен жетімге көз салмады.

Мінекей, қамаудамын тар үңгірде,
Мұнысы — көмгені ғой тірі көрге.
Мейірімді Ай, мені-дағы жаныңа алшы,
Болайық екі мұндық біздер бірге.

Ант етіп айрылмасқа бірігейік,
Ас-сусыз, мың бейнетпен жол шегейік.
Тыңдайтын бар ғой тілек әділ Алла,
Көл қылып қан аралас жас төгейік.

Сұрасақ, тілек қабыл болмас па еken?
Жолымыз жылап шеккен оңбас па еken?
Кеше үшқан басымыздан бақыт құсы
Тағы да қайта айналып қонбас па еken?

ЖҰМБАҚ

Сап-сары бел,
Еседі жел,
 Еседі.
Еседі жел,
Көшеді ел,
 Көшеді.

Дала бүйық,
Бала түйық —
 Екі ұнсіз.
Дала — жұмбак,
Бала — жұмбак
 Шешусіз.

Сап-сары бел,
Еседі жел,
Жел есед.
Дала — жұмбак,
Бала — жұмбак,
Кім шешед?

АЙДА АТЫНДЫ, СӘРСЕМБАЙ

Айда атынды, Сәрсембай,
Ағарып алтын таң атпай
Шығайық қырға, далаға.
Шу-шу-шу...
Әттең ғана бұл оқу!
Келмес едім қалаға.

Қараши кейін бұрылып:
Таудай болып созылып
Қала — бір жатқан дәу peri.
Айналасы — тұман, тұн,
Дем алысы — от, тұтін,
Жарқ-жүрқ етер көздері.

Сөзі у-шу, ың да жың,
Сасық иіс ауыр тым,
Тұншықтым гой, Құдай-ай!
Кейін қарап нетеміз,
Ауылға қашан жетеміз,
Айдашы атты, Сәрсембай!

Әйелдері үятсыз,
Күнде сүйгіш, тұрақсыз,
Қылмындаасар, керілер.
Жұздерінің қаны жок,
Көздерінің жаны жок,
Еркектері — «перілер».

Оларда отты жүрек жок,
Тамақтан басқа тілек жок,

Қорсылдаған «доңыздар».
Тұн баласы перілер,
Жұмақтан артық көрінер
Оларға сасық үңгір тар.

Көкті көрмес көр олар,
Қараши, қанша жұлдыз бар,
Күліп қана жүзеді Ай.
Қалаға келіп қаңғырдым,
Сар даламды сағындым,
Айда атынды, Сәрсембай!

Әлде үйқың келе ме?
Сәрсембай-ау, сен неге
Шырқап бір ән салмайсың?
Жетесің туған жеріңе,
Еркелеткен еліңе,
Жүргегім, неге жанбайсың?!

Сарыарқамның топырағы —
Менің жаным шырағы,
Кеудемді тәсеп жатамын.
Оның жібек желінің,
Тәтті, кәусар көлінің
Қазір дәмін татамын.

Қайрылып кейін қараман.
Шықтық па ұзап қаладан,
Айтшы, жаным ағатай?
Кейін қарап нетеміз,
Ауылға қашан жетеміз,
Айдашы атты, Сәрсембай!

БЕСІК ЖЫРЫ

Күнім, айым,
Еркетайым,
Бөлейін енді.

Тыста дауыл,
Жатқан ауыл,
Ұйқың да келді.

Жұмсақ бесік,
Жылы тәсек,
Жатағой, қозым.
Әлди, бөпем,
Әлди, бөпем,
Ұйықта, жұм көзің.

Құлышақтар,
Қозы, лақтар —
Бәрі де үйқыда.
Сен — жұлдызым,
Сен — көз нұрым,
Кір тәтті үйқыға.

Сая жаным,
Балапаным,
Соқсын дауыл, жел,
Болма алан,
Сүйген анаң
Сақтар, анық біл.

Бәу-бәу, бөпем,
Бәу-бәу, бөпем,
Әлди, әлди-ай!
Сәулем, еркем,
Күні ертең
Толарсың сен-ай.

Пісіп алмам,
Толып бағлан,

Жүгіріп жүрерсің.
Сұлу сүйрік,
Жорға, жүйрік
Тайға мінерсің.

Қара жарғақ,
Тұлкі тымақ
Шоқтап киерсің.
Қуанып, қалқам,
Ерке марқам,
Қысып сүйермін.

Мініп тұлпар,
Алып сұңқар,
Тауға кетерсің.
Сен боп сезім,
Жасты көзім,
Сағынып күтермін.

Қызық іздең,
Қыздар көздең,
Елдер кезерсің.
Тарлан шүйіп,
Сұлу сүйіп,
Үйден безерсің.

Қуып бақыт,
Тілеп тақыт,
Жолдар шегерсің.
Жүрек жара,
Мен бейшара
Жастар төгермін.

Қайнап қаның,
Батыр жаның
Ерікке үмтылар.
Сен еріме —
Жас бөріме
Қарсы кім тұрап!

Алмас қылыш,
Найза құрыш
 Белге буарсын.
Сен, сырттаным,
Арыстаным,
 Жауды қуарсын.

Тұған жерден,
Өскен елден
 Ерге не қымбат!
Жас жолбарыс,
Жаумен алыс,
 Шанға, қанға бат.

Айбатынды,
Қайратынды
 Көріп карт анаң,
Тәгіп жасын,
Жайып шашын,
 Тілер: «Бол аман!»

Күтем, күйем,
Көрсет, Ием,
 Сол алтын күнін.
Үйқың тәтті,
Үйқың қатты,
 Қозым, құлыным.

Жаным да сен,
Тәнім де сен,
 Қарашиғым-ай!
Әлди, бөпем,
Әлди, бөпем,
 Әлди, әлди, әлди-ай!

СҮЙЕМІН

Күлдей күңгірт шашы бар,
Тоқсан бесте жасы бар,
Көз дегенің — сұп-сұр көр.

Тасбиқ санап бүгіліп,
Жерге қарап ұңіліп,
Көрше ауыр күрсінег
Менің бір қарт анам бар,
Неге екенін білмеймін,
Сол анамды сүйемін!

Көзінде көк нұры жок,
Аузында жұмак жыры жок,
Жалынсыз, усыз құшагы,
Иірілмейді жыландаі,
Сөзі де жоқ құрандаі,
Білгені — қазан-ошағы,
Жабайы ғана жарым бар,
Неге екенін білмеймін,
Сол жарымды сүйемін!

Ұйқы басқан қабағын,
Бастыра киген тымағын,
Жалқаулықты жар көрген,
Жүрген ескі заңымен,
Алдындағы малымен
Бірге жусап, бірге өрген
Алаш деген елім бар,
Неге екенін білмеймін,
Сол елімді сүйемін!

Сағымы сайран құрады,
Бораны ұлып тұрады,
Қыс — ак кебін, жаз — сары,
Орманы жоқ, шуы жоқ,
Тауы да жоқ, сұы жоқ,
Мәңгі өлік сахаrasы
Сарыарқа деген жерім бар,
Неге екенін білмеймін,
Сол Арқамды сүйемін!

МЕН КІМ

Арыстанмын, айбатыма кім шыдар?
Жолбарыспын, маған қарсы кім тұрап?
Көкте — бұлт, жерде — жемін гулеген,
Жер еркесі — желдің жөнін кім сұрап?

Көкте — Күнмін, көпке нұрым шашамын,
Көңілге алсам, қазір ғарышқа асамын.
Шеті, түбі жоқ теңізбін қаракөк,
Ерігемін — толқып, шалқып, тасамын.

Жалынмын мен, келме жақын, жанарсың,
Тұлпармын мен, шаңыма ермей қаларсың.
Құл болсын көк, жемірлісін жер, уайым жоқ,
Көз қырымен құліп қана қаралмын.

Мен өлмеймін, менікі де өлмейді,
Надан адам өлім жоғын білмейді.
Өзім — патша, өзім — қазы, өзім — би,
Қандай ессіз не қылдың деп тергейді?

Мейірленсем — сегіз жұмақ қолымда,
Қаһарлансан — тамүқ даяр құлымда.
Жоқ жақыным, Жасағандай жалғызбын!
Мен бе иілер әлсіз адам ұлына?!

Өзім — Тәнірі, табынамын өзіме,
Сөзім — құран, бағынамын сөзіме!
Бұзушы да, түзеуші де өзіммін,
Енді, ескілік, келдің өлер кезіне!

ЕСКЕНДІРДІҢ ЕКІ МҮЙІЗІ

Болсаң да жалғыз жапанда,
Сырыңа, құрбым, берік бол!
Күбірлесе-ақ ауызын,
Әкетер қағып жүйрік жел.

Ертегі ерте күндерде
Ескендір атты хан болған.
Бесіктен көрге кіргенше,
Көргені қызыл қан болған.

Заманында Ескендір
Жеті ықылымды билеген.
Асқан алып, киелі, —
Түссе де отқа күймеген.

Ескендірдей алыштар
Дүниеге енді туда ма?
Алып адам денесін
Сынап-мінеп бола ма?

Ескендірдің басында
Екі мүйіз болыпты.
Екі мүйізді екенін
Ол жасырып жүріпті.

Ескендірдің басында
Екі мүйіз — нысана!
Жабайы жүртқа көрсетсе,
Қасиеті қала ма?

Қос мүйізін жасырып,
Ескендір ер жасынан
Алмайды екен еш уақыт
Дулығасын басынан.

Ескендірдің басынан
Талай заман көшіпти.
Арыстанның жалындай
Жалпылдал шаш өсіпти.

Күндерде бір күн Ескендір
Шарап ішті, балбырад.
Шашын біраз кесуге
Шаштаразды алдырад.

Келгеннен соң шаштараз,
Дұлығасын алады.
Шаштараз көріп қос мүйіз,
Корқып-сасып қалады.

Айтады оған Ескендір:
«Қорықпа, құлым, бері кел!
Тұрам десен дүниеде,
Аузыңа бірақ берік бол!»

Шаштараз кетті жайына,
Күндер, айлар өтеді.
Шаштараздың жүрегін
Мынау сыр бірақ өртеді.

Аузы-басы жыбырлап,
Сейлегісі келеді.
Сейлесе, сорлы шаштараз
Сол сағатта-ақ өледі.

Енді сорлы не қылмақ?
Барады жанып, іш күйіп.
Бір құдықтың аузына
Жатты келіп еңкейіп.

Жан-жагына қаранып,
Күрсініп бір уhi деп:
«Ескендірдің мүйізі!..» —
Деді ақырын күбірлеп.

Жақын тұрган жас қамыс
Қоя қойып сыбырды,
Түре қойып құлағын,
Тыңдай қалды күбірді.

Мынау сырды білді де,
Қамыс төмен иілді.
Басына түрлі ой келіп,
Тұнжырады, күйінді.

Сол арада сайтандай
Елбелендең жел келді.
Әрине, енді жас қамыс
Жаратпады келгенді.

Жаратпаса, желге не?
Ерегісті жынды жел.
Қамысты алды құшаққа,
Сына жаздад бұран бел.

Қамыс басын шайқады,
Жел өндірді у жырын.
Жырлады, құшты, улады,
Біліп алды бар сырын.

Сырын біліп алды да,
Қоштасып сүйіп, сыйырлап:
«Ескендірдің мүйізі!» —
Деп жөнелді жыбырлап.

Таң атқанша жүйрік жел
Жүгіруден талмады.
Ескендірдің мүйізін
Білмеген жан қалмады.

Таң да атты, жүйрік жел
Баяулады, басылды.
Таң да атты, шаштараз
Дар ағашқа асылды!..

Есің болса, жолдасым,
Бола көрме шаштараз.
Асылмасаң да ағашқа,
Болуы анық дос араз!

ӨТКЕН – АЯУЛЫ

Өткенді мақтар өр адам,
Білмеймін, өткен алтын ба?
Болмаса, мақтау өткенді
Адамзаттың салты ма?

Қариялар отырып,
Баяғыны мақтайды.
Желкілдеген жас заман
Оларға тіпті-ақ жақпайды.

Заң да болған соларда
Тура, әділ, жақсы да,
Аспаннан пері түсірген
Файыпты болжар бақсы да.

«Откен артық» дер адам,
Шеше де өлген баласын
Аузынан, сөйлеп, тастамас, —
Көз ішінде қарасын.

Қылықты да, тәтті де,
Ақылды да ол бала.
Екі жасар күнінде
Пәлен деген — ол дана.

Жалғаны жоқ, адамнан
Жаңаны мақтар санаулы.
Не дұрыс шығар, не теріс,
Әйтеуір, өткен — аяулы.

ҚҰРБЫМ

Бұл жалған ойын емес, бейнет жері,
Қылғанға адал еңбек зейнет жері.
Жалғанның бір мүшесі бола алмассың,
Қиналышп, мандайыңның ақпай тери.

Корықпа, ұмтыл, соқса дауыл, ескегінді ес,
Деп жатпа: «Алма піс те, аузыма тұс!»
Бейнет, еңбек қымасан — босқа өлгенің,
Құргақта қайық жүрмес, ұмтінді кес!

КӨК ТЕКЕ

Айыр сақал көк теке
Деді де бір «Меке-ке!» —
Шықты секіріп қорага.
Жүрді басып алшандап,
Қарнын керіп талтандаپ,
Қаза айдаса, бола ма?

Керді теке көкірек,
Көрінді оған жақын көк,
Сүзейін деп ойлады.
«Меке-ке!» — деп кекірді,
Тұқырып басын, секірді,
Қора ішіне құлады.

Қорада айғыр тұр еді,
Мінілмеген құр еді,
Жаңа ұсталған үйірден.
Текені көріп дұрс еткен,
Бірдеңесі бырс еткен,
Тепті келіп бүйірден.

Қайтсін жануар, күйген соң,
Тастай түяқ тиген соң,
Көк теке мал бола ма?
Айыр сақал көк теке,
Деді де бір «Меке-ке!» —
Қалды сұлап қорада.

ТӨБЕТ

Жарықтық Сәрсен ақсақал,
Жуан қарын, тап-тапал
Асырады бір төбет.
Тырбиған түрін көрсе де,
Шамасы кемін білсе де,
Ойы болды: «Кім білед!...»

Құшық шеке, қайқы бел,
Жуан қарын сзызып жер,
Тып-тып төбет жүреді.
«Қарны толған өнер! — деп, —
Қолынан бір не келер!» — деп,
Мұртынан Сәрсен құледі.

Көрінгенге жалпылдал,
Дамыл алмай барқылдал
Үргенін көріп, қуанды.
«Бар, — деп, — мықты төбетім,
Кім бар маган келетін!» —
Білекті Сәрсен сыбанды.

Жүргенде Сәрсен қуанып,
Уақыт күзге таянып,
Қаранғы бір тұн болды.
Төбетке Сәрсен ас берді,
Үйін-күйін тапсырды,
Төбетке бір сын болды.

Сабалақ жұні жалпылдал,
Бет алдына барқылдал,
Үріп төбет жүр еді.
Күн де еркін батпай-ак,
Сәрсекем де жатпай-ак,
Қотанға құйын келеді.

Көріп келген құйынды,
Тас түйін боп жиынды,
Дүркіреп қойлар үркеді.

Үріккен қойда жұмыс жок,
Төбетте дән дыбыс жок,
 Тапты тапал күркені.

Үріккен қойды дүркіреп
Көріп Сәрсен күркілдеп,
 Қотанга қарай жұғірді.
Қараса қайтып күркені,
Бұғып жатыр шіркіні,
 Төбетінен түңілді.

Жабыны тұлпар қылам деп,
Қарғаны сұңқар қылам деп,
 Талайдың ісі шала ғой.
Не дейін есіл сақалға,
Жуан қарын тапалға
 Сенген Сәрсен — бала ғой!

БҮГІНГІ КҮН ӨМІР, ӨЛІМ — МЕҢІКІ

Басы — сайран, сүм жалғанның соңы — ойран,
Адам өмірі — тағдыр ойыны. Біл де ойлан!
Есіл жастық ескен желдей гүілдеп,
Әлі-ақ кетер жүректен — от, күш — бойдан.

Көздің нұры кеміп, жақтар суалар,
Сүмбіл қара шаш селдіреп қуарар.
Ет таралып, сүйек қалып саудырап,
Тамырларда сасық сары су ағар.

Сүм тағдырдың емес пе бұл мазағы,
Аз өмірде естен кетпес азабы.
Жаты түгіл, жақынына жексүрын
Болып, өзі тілесін деп қазаны!

Қылсын мазақ, мейлі тағдыр ойнасын,
Жалмауыз жер мейлі жұтсын, тоймасын.
Жансыз сұық көзін қадап қу өлім,
«Тез» деп күтіп, тісін шықыр қайрасын.

Не қылса да, өлімнің өз еркі,
Жындандырад мені сұлу көркі.
Құшам, ішем, жынданамын, жылаймын,
Бүгінгі күн өмір, өлім — менікі!

СЫРЫМ

Мен қуансам, жас баладай қуанам,
Көрген адам талай деген: «Есалан!»
Мен қайғырсам, орнатамын киямет,
Жас баламын — тағы да тез жұбанам.

Құлсем егер, есім шығып құлемін,
Жылаганда қап-қара қан төгемін.
Қасым болса, қанын ішкім келеді,
Досым болса, жолында оның өлемін.

Әйел сүйем, бірақ емес сендерше,
Мен сүйемін жан-денесін бергенше.
Жан-денесін бірдей алам, улаймын,
Қысып сүйем құшагымда өлгенше.

Ол құледі, мен де есалан, құлемін,
Ол жылайды, мен де жасым төгемін.
Құшагымда жан-тәнінен айрылып,
Өлед әйел, мен де бірге өлемін.

Тағы көрем, тағы құлем, тірілем,
Есім шығып, тағы тұзаққа ілінем.
Өмір — дала, тапыл басқан мен — бала,
Тапыл-тапыл, дамыл-дамыл сүрінем.

Өмір — өзен, үміт — шабақ ойнаған,
Жел сөзбенен шабақ аулауга ойлаған
Мен — есалан, мен — нәресте, үміт — от,
Жүз күйсе де, қармануын қоймаған.

«Өзім — Тәнірі, өзіме өзім табынам», —
Деп көпіріп, зор Тәніріге шабынам.

Егерде енді ауыңқырап кетсе бас,
Сол Тәңіріге жасым төгіп жалынам.

Міне, оқушым, осы менің бар сырым,
Бояу деген ойымда жок, жоқ сырым.
Сен не дейсің?.. Құлағындағы есектің
Ерініңе құлкі келді-ау, қыртылым!

СҮЙ, ЖАН СӘУЛЕМ

Сүй, жан сәулем, тағы да сүй, тағы да!
Жылы, тәтті у тарады қаныма.
Бұл ләzzаттың бір минутын бермеймін
Патша тағы, бүкіл дүние малына.

Құшақтатып нәзік талдай беліңнен,
Сүйгіз, сәулем, тәтті балдай тіліңнен.
Бой шымырлап, талықсиды жүрегім,
Балқып денем, барам еріп деміңнен.

Кір қойныма, қыпша белің бұралып,
Тарқат шашың, жатсын жібек оралып.
Жаным! Жаным! Тезірек тисін төске төс,
Көз жұмулы, жиі ыстық дем алып.

Шашың — қара, денең — ақ бұлт, жүзің — Ай,
Тісің — меруерт, көзің, сәулем, қуралай.
Ләzzат, ракат, бақыт — бәрі қойнында,
Сұрамаймын енді ұжмақ — жақсы жай!

Сүй, жан сәулем, тағы да сүй, тағы да!
Жылы, тәтті у тарады қаныма.
Жасағаннан бір-ақ нәрсе тілеймін:
Отпесе тұн, атпаса екен таңы да!

ТӨГІЛГЕН ШАШЫ

Төгілген шашы,
Қыылған қасы,
Керілген мандай да.
Тістері — меруерт,
Бейне қар мамық ет,
Кез келсөн мұндайға,
Жалындал күйіп,
Бір ғана сүйіп,
Өлсөң де болмай ма!

КҮМІС НҰРЛЫ АЙ

Күміс нұрлы Ай. Жұлдыздар — алмас, жібек жел,
Сыбырласып жас қайындар бұраң бел...
«Қан қайнады. Жас жүргім ойнады,
Бір сүйейін! Жақында, жаным, бері кел!»

«Сен сүйерсің, мен күйермін, жанармын,
Құшактарсың — мен есімнен танармын.
Өлеңдетіп, жүйрікке мініп кетерсің,
Жүргімде от, жылай-жылай қалармын!»

«Сүйші, сүй!» — деп сыбырлап түр жас терек,
«Құшакта!» — деп асығып түр жас жүрек.
«Ұйқы көрмей, жүйрігімді жаратып,
Келіп тұрмын, енді, сәулем, не керек?»

«Тұсу қын үшар құстың ізіне,
Сене алмаймын жас теректің сөзіне.
Бірақ, сәулем, ерігендей боламын,
Бойым балқып, көзім түссе көзіне!»

«Ыстық құшак, отты сүйіс, балды тіл...
Бірдене деп күбірлейді жібек жел.
Бұл — жастық қой, жасыра гөр, жібегім,
Айтып қойсан, амал қанша... өзің біл!»

ШОЛПЫ

Сылдыр. Сылдыр. Сылдыр...
Қанымды қайнатты құрғыр.
Шық-шық жүрекке тиеді,
Күлпара талқан боп сынғыр!

Сылдыр. Сылдыр. Сылдыр...
Өзекті өртеді құрғыр.
Әдейі іргеден жүреді
Сұлу қызы санадан солғыр!

Сылдыр. Сылдыр. Сылдыр...
Жүректі жандырды құрғыр.
Кеудені кернеді жалын,
Сәулем, періштем, тез кір!

Сылдыр. Сылдыр. Сылдыр...
Есімнен аудырды құрғыр.
Лебізінен еріп барамын,
Жаным-ай, жақында, қол бер!

Сылдыр. Сылдыр. Сылдыр...
Талдым, қалды сұлдер.
Сыбырға айналды сылдыр,
Сылдыр, сылдыр, сылдыр...

СЕН СҰЛУ

Білем анық: жангы жайлы Май сұлу,
Жарқ-жүрқ еткен майда наизағай сұлу.
Қызықты орман, көнілді еркін кең дала,
Күміс табақ көкте жүзген Ай сұлу.

Кешкі ескен жібек, жылы жел сұлу,
Хош иісті түрлі-түсті гүл сұлу.
Әдемі аспан — төбедегі көк шатыр,
Асқар тауы, дариясымен жер сұлу.

Сылқ-сылқ күліп сылдыр қаққан су сұлу,
Көлге қонып қаңқылдаған қу сұлу.
Бейне айнадай жарқыраған айдыннан
Күн шығарда котерілген бу сұлу.

Шаңқай түсте өткір, алтын Құн сұлу,
Жымындаған жулдыздармен тұн сұлу.
Толып жатыр түрлі сұлу дүниеде,
Бәрінен де маган, сәулем, сен сұлу!

БІРАЗ ФЕТШЕ

Жібек тұн —
Бәрі тын.
Сайраған,
Жайнаған.
Екі жас —
Екі мас :
Жүрек мас,
Көзде жас!
Сүттей Ай,
Терең сай:
Бұлбұл,
Гүл-гүл.
Екі жан,
Ыстық қан.
Жан ессіз,
От сүйіс.
Орман
Тынған.
Сылдыр.
Гүлдер.
Күбір,
Сыбыр.
Тұман.
Таң, таң!..

Н...жан, көрмегелі көп ай болды,
Сағындым, жүрегіме қасірет толды.
Ең соңғы көрісім бақшада еді,
Қыс болды, бақша да өлді, гүлдер солды.

Жеті айда жоғалса да талай іздер,
Есімнен неге шықсын соңғы сөздер!
Құндіз-түн жатсам-тұрсам көз алдымда
Улаған жүрегімді қара көздер.

Дарияға дауыл қуып кірген кеме —
Еркі жок, толқын айдал жүрген кеме
Жайнаған жемісі көп бір аралға
Кез келсе, тастап оны кетсін неге?!

Табылған арал тастап не керегі,
Кеткенде толқын оған не береді?
Дауыл мен толқын сырьы белгілі ғой,
Дарияда домалатып төңкереді.

Жан едім терең теңізге ерте кірген,
Өмірде тұщы-ащыны ерте білген.
Алысып долы дауыл толқынменен,
Теңізде талай аунап төңкерілген.

Аз жаста көп сүйіп ем, сүйіліп ем,
Көп улап, көп уланып, күйініп ем.
Желдей жынды жүректің екпінінен
Майысып, сына жаздап, иіліп ем.

Өмірдің толқындары үрған кездे,
Иманнан айрылғалы тұрган кезде,
Жасаған Жәбірәйілін жіберді ғой,
Жолықтым сен сәулеме — нәркес көзге.

Періштем ақ қанатты Н...жаным,
Жанымда жарық берген алтын таңым,

Тілекке қасиетті бірге ұмтылар
Жолдасым, сен — құраным, сен — иманым.

Дарига, көрмегелі айлар өтті,
Сүм тағдыр ойға-қырга тентіретті.
Көре алмай көптен бері, сәулем, сені,
Қасірет жүректі жеп, жанға жетті.

Сүм тағдыр жапан түзге шығарды айдал,
Дауылы ұлып түрган бораны ойнап.
Жанамын, күңіренемін, жұбанамын,
Сенімен бірге жүрген күндерді ойлап.

Омбының у-шуы мол қаласы еді,
Салқындау апрель — май арасы еді.
Көшеге қол ұстасып шыққанымыз
Алтын Күн батуымен талас еді.

Асығып, жүрек ойнап, сыбырластық,
Қыс бойы хаттардағы сөздерді аштық.
Жүгірді қолдан қолға жасырын күш,
Тайынбай, махаббатқа қадам бастық.

Өтсе де, жеті ай тұрсын, дәл ай он бес,
Есімнен бір минут та шықпас-ау еш
Түкпірде, кең бір аулақ кабинетте,
Ішінде «Алтын мүйіз»¹ өткізген кеш.

Ал, қалам, сол кешті жаз, бірақ қызба,
Қызысан, қыз, орны келсе, әдел бұзба.
Ішінде «Алтын мүйіз» отырғанда,
Н...жан, кім бар еді жанымызда?

Есімде... бір қыз бар ед ойлар басқан,
Бетінің солған гүлдей қаны қашқан.
Көз қарас, күлісінде, сөздерінде
Қайғыға қайнар ашу араласқан.

¹ Омбыдағы ресторанның аты («Золотой рог»).

Себеп не сонша түсі қашқанына?
Кім білсін, Тәңірі бағын ашпады ма?
«Сүйем!» — деп әлдебіреу сүйіп жүріп,
Жалт беріп, бейшараны таstadtы ма?!

Жалындаап сүйе алмай һем сүйдіре алмай,
Лебімен сүйіскенде күйдіре алмай,
Өткен бе бар өмірі тайқақтықпен,
Айтуға жүрек сырын тілі бармай?!

Қандырып сүйгеніне су бере алмай,
Тайынбай дұшпанына у бере алмай,
Жолдасы жауға шабам деп келгенде,
Колына қанды найза, ту бере алмай, —

Мінезі дәл осындай болса әгар,
(От пен су бұл жалғанда бола ма жар?)
Бір жігіт сүйіп жүріп сүймей кетсе,
Н...жан, сол жігітте не айып бар?

Не десең де бұл істер саған дайын,
Несіне енді оған мен аялдайын...
Көзінен ұшқын шыққан анау қыз кім?
Белгілі: жан емес қой қарапайым!

Иірілген бүйра толқын шашы қандай,
Иығына екі жылан асылғандай.
Тұңғиық қара судай қара көздер
Қандай сыр болса-дағы жасырғандай.

Қара сұр, сырға берік беті қандай,
Мінезі майда жібек, сөзі балдай.
Бал заты — у, жібек асты — тікенек пе?
Не керек, адамзатты біледі алдай!

Белгілі: болған шығар талайлар жар,
Халық тегіс жалған айтса, Тәңірісі бар.
Жардың көп болуының таңы да жок,
Интернациональный жүргегі бар.

Қытайдан Карпат қаша жеткен жүрек,
Карпат асып, Атласқа кеткен жүрек,
Қазақ, сарт, татар, черкес, орыс, неміс,
Француз, чех... бәрін өзі өткен жүрек.

Досы боп жігіттері Жарты Айдың,
Әнші, ақын, мүшелері құрылтайдың,
Бәрі рас, бірақ «цирк палуаны —
Соловьев!» деген сөзге нана алмаймын.

Соловьев — шикі надан, өгіз ғой нас,
Қалайша оны сүйер осындај жас?!
«Жаншылып»¹ деген сөздің әйтеуірі
Он үште астын сызып қоюы рас.

Айтпақшы, жанымызда бар ғой «граф»,
Отыр ғой қара мұртын сылап, бұрап.
Сұлудың бір білмеген сыры болса,
Алайық біз азырақ содан сұрап.

Жүруші ед қол ұстасып күн батқанша,
Көшесін құзететін таң атқанша,
Сүйгенін қанша сөйлеп ұқтыра алмай,
Мұртына қүректей бол мұз қатқанша.

«Графтай» адал көңіл адам сирек,
Айта ма сұлуға ол сөзді түйреп?!

Күрсініп, көзін сұзіп жүрген кезде,
Қадалып бір «сары маса» қойса керек.

Белгілі, «графқа» емес, жас сұлуға,
Ежелден біреу буга, біреу шуга...
Шет халық әлі жала қып жүрмесін,
Бұл «граф» өзіміздің анық тума.

Білеміз ру, түкым, ата затын,
Өзі таныс, қонысы тағы жақын.

¹ «Салмағыңнан жаншылып, қалсын құмар бір қанып (М.Жұма-баевтың ескертүі).

Елден шығып Омбыға келгеннен-ақ,
Құмар болды көтеруге «граф» атын.

Сейлетіп қоя берсең, сөзге тақ-так,
Күлкісі құміс сылдыр, емес сақ-сақ.
«Философ», «экономист», «артист», «поэт» —
Қайдағы әдемі сөзді алған жаттап.

Жиында иіледі, бүгіледі,
Балаларды ойынқұмар құлдіреді.
Шөп басы қимылдаса: «Пardon, мамзель!»
Тағы да «Аля» деген сөз біледі.

«Графтың» сол сұлуды сүюі рас,
Күрсініп бір қыс бойы күюі рас.
Масаның қадалғанда қатты ызыңы
«Графтың» құлағына тиюі рас.

Бұл емес, талай ызың үдінан былай
«Графтың» құлағына тиген талай.
Сырт тұрсын, көз алдында көлбендейді,
Себебі, «графты» разы қылу оңай:

Сүм сұлу сағынгандай қолын беред,
Қолымен бір сиырдың тілін беред.
Бұл тілді сүйе ме екен я жей ме екен,
Оншасын «мсье», «граф» өзі білед.

Айналсын қолға, тілге, яки басқа,
Қалайда «графтардың» жөні басқа...
Бүгіліп, үңілгендей не болды екен
Дембелше жігітіміз бүйра шашқа?

Талай ел қонып, жайлап көшкен жерден,
Еркімен ерке желдер ескен жерден
Не іздең, мұнша жабысып қалды екен
Көріспіп, есенсіз бе дескен жерден?

Иіліп, сыйырлайды құлағына,
Қарайды көзін алмай тұрағана.

Мінезін, өткен өмірін біліп алып,
Қылмақ па герона драмага?

Дариға, драмалар, драмалар!
Толып түр драмаға абыралар.
Өткізген үйқы көрмей есіл тұндер
Құрысын! Тірі жан жок оқуға алар!

Тағы да есебі жок комедия,
Жетті екен бәріне қалай қара сия?!

Дүниеде драматург ат бермесен,
Қыла ғөр ақиредте жүзін зия.

Жасаган, дүғам осы жолдас үшін,
Жолдасым қараса да жарып ішім...
Есіме жолдастарды аламын деп,
Ұмытып кете жаздым гой «Мүйіз» ішін.

Болған соң сол төртеумен жақын жолдас,
Деп ойлап, есіме алдым, ашуланбас.
Құрбының құрбы өзілін көтермек қой,
Ашуланса, бастары да аман болмас...

.....

Отырдық жақын, қатар тізе тиіп,
Денеге у жайылып, қызып, күйіп.
Жұрт көзі екеумізден ауган кездे,
Қойып ем бауырима қысып-сүйіп.

Қашанда махаббатты көз бастайды,
Білдірмей, ыстық қысып, қол қостайды.
Жалындал асығыстықлен сүйіскенге,
Көз-қолың — біреуі де үйқаспайды.

Ойнайды аласұрып қаның қандай,
Жүргегін сол минутта жарылғандай!
Көзінде от аралас жас мәлдіреп,
Сенделіп түрғандайсың халің қалмай.

Миына ешбір бөтен ой кірмейді,
Көзіңе ешбір нәрсе көрінбейді.
Ақ беті бір ағарып, бір қызыарып,
Жас жарың жас киіктей дірілдейді.

Сол кеште, әлі есімде, Н...жаным,
Аузыннан дәл осылай бал алғаным.
Кім бірақ тояр кәусәр шарабына,
Мен-дағы сол балыңа қана алмадым...

.....
.....
.....

ХОР СИПАТТЫ ҚАРЫНДАС

Хор сипатты қарындас,
Оттай сұлу, ыстық жас.
Құшақта да, қойныңды аш,
Бүғақтан бір сүйейін!
Мен — кобелек, сен — бір шам,
Өзі келген мен құрбан,
Шамға одан не зиян,
Сүйейін де күйейін!

ЖАС СҰЛУҒА

Мен ақынмын — ағынмын,
Сылдыраймын, сүйемін.
Мен ақынмын — жалынмын,
Шапшып көкке тиемін.

Қарақат көзің мөлдіреп,
Көп қарама, жас сұлу.
Сылдырап сипап, сүйген боп,
Алып кетер ағын су.

Алма ернің елбіреп,
«Сүйші, сүй» деп жалынба!
Отты ойынши, дос біліп,
Жақында ма жалынға!

Мен ақынмын — жел жүйрік,
Гүлдеймін, ұшамын.
Мен — ойыншы көбелек,
Көрінген гүлді құшамын.

Бұлдірген бетің сұрланып,
Желге сенбе, жас бала!
Сыбырлар, кетер ұрланып,
Шын жары оның — сар дала.

Көбелекке «кел!» деме
(Елжіреу сонша не керек?).
Кетер ұшып өңгеге,
Балыңнан татса көбелек.

Мен ақынмын, жырлаймын,
Жүрекке жүйрік жел кірсе.
Мен ақынмын, жылаймын,
Жүрекке ауыр шер кірсе.

Жаншыларсың, жыларсың,
Құшақтама белімнен.
Жас дененде улармын,
Сүйгізбеші тіліңнен.

Жас періштем, сұлу қыз,
Сүймеші, сүйме, сұраймын!
Мен ақынмын тұрлаусыз,
Жырлаймын да жылаймын!

К...ге

Күніңмен алтын қуантпай,
Гүліңмен жібек жұбатпай,
Жеттің де, тез өттің, жаз.
Ағаш, шөптер қуарған,
Айдын да құрып суалған,
Қаңқылдар қайда қоңыр қаз?
Өң мен түстей, перизат,

Көріндің де, болдың жат,
Жандырдың, міне, жанымды.
Қараған көктен хор едің,
Көбірек көрсем деп едім,
Көк есігі жабылды...

ГҮЛСІМ ХАНЫМҒА

Бота көз, сиқырлы сөз Гүлсім ханым,
Әр жерде өткізек те өмір таңын,
Кей уақыт көзіңізге көзім түссе,
Ойнайды аласұрып неге жаным?!

Бота көз, сиқырлы сөз ханым Гүлсім,
Көктегі Күн күлмесін, Гүлсім күлсін!
Гүлсім — Күн, көkte ақырын жүзе білед,
Сүйдіріп, күйдіргенін қайдан білсін!

...ға

Жас өмірімнің көгін бүлттар басқан күн,
Қайғы-қасірет тасып, бастан асқан күн.
Жан-жағымнан жылы жүзді жан таппай,
Жақын жандар қастық уын шашқан күн.

Жауыз тағдыр созған қолды қаққан күн,
Жан-тәнімді жылан, шаян шаққан күн.
Жапан түзде қара түнде жалғыз қап,
Қан дария боп көздің жасы аққан күн.

Сен көрдің де, келдің тура қасыма,
Сусын беріп, жастық қойдың басыма.
Мандайымнан сипап, сүйіп, жұбаттың:
«Жаным құрбан, жасыңды тый, жасыма!

Мәңгілікке, міне, қолым беремін,
Тағдыр оғын көтермекке көнемін.
Қайғыланба, атса, атар алтын таң,
Жан жолдасым, өлсөң, бірге олемін!» —

Дедін де сен күліп, жолым бастадың,
Жауын, дауыл, оттан, судан қашпадың.
Қасиетті, сиқырлы сөз күшімен
Міне, азырақ есім жия бастадым...

Алтын сәулем, ақ періштем жан салған,
Кім біледі, айырса егер сүм жалған,
Жұргенімде жер жүзінде тірі бол,
Бағынатын, табынатын сен — Аллам!

ҚАРЫНДАСҚА

Жібек мінез, жігері мол қарындас,
Жүрегінде у менен бал аралас.
Дүние өзгерді, көрмегелі көп болды,
Тәнірі берсін ашық бақыт, ұзын жас.

Қасиетті мақсат алып көнілге,
Таудай талаппен кіріп едің өмірге.
Ұзын жолда ор да, сор да кез келер,
Қарындасым, жасыма да түнілме!

Өмір — өзен, аға бермек сылдырап,
Тұрып болмас жағасында жөн сұрап.
Қамыс бол да, бетінде қалқып аға бер,
Аға алмасақ, бір уақытта дерміз: «Қап!»

Сүм өмірде алданармыз, сүйерміз,
Айрылармыз сүйген жардан, қүйерміз.
Қасірет басар, сарғаярмыз, өлерміз,
Көр құшақтап, бір күн кебін киерміз...

Аз өмірде ойын-қырын, кордім жар,
Талай жандар дос та болды, болды жар.
Асты үс болып, топан неге баспайды,
Өзгеріссіз өмірде не қызық бар?!

Өзгеріссіз өмір сорға айналмақ,
Жүйрік жүрек сүр өмірде байланбақ.

Шын адам сол — ылғи шаттық жырымен
Жүрек қалай қуса, солай айдалмақ.

Мен — жыршы ағаң ешбір уайым білмейтін,
Қажу білмей, қолды кекке сермейтін,
Жігері мол қарындасқа өзіндей:
«Іс істелік, қане, қолың бер», — дейтін.

Өкпе сөзің қатты тиді жүрекке,
Бұдан былай есімде боп жүред те.
Аз өмірде ашыласу деген іс,
Ойла, Күнім, келе ме еken ретке?

Ж...ға

Өмір — көпір, от үстінде салынған,
Діңгектері зәндем отқа малынған.
Корқу білме, аяқтарың таймасын,
Ойнап қана өт, шарпу көрме жалыннан!

Қоңыз да бар, доңыз да бар тұбінде,
Жоққа алданып, жаным, жерге бүгілме.
Болсын көзің көкте, үмітің алдында,
Бақытты бол, қасірет білме, күлімде.

Төменде ылғи тұтін, сасық тұман бар,
Улы жылан, қорсылдаған қабан бар.
Талай жылан арбар, қабан қорқытар,
Корықпа, арбалма, біріне де болма жар.

Өмір — зәндем, қара бұлтты қара тұн,
Естіmessің қара өмірде жылы үн.
Ұзын жолда арып, жасың төккенде,
Жұбататын жақын жолдас, жарың кім?

Жақын емес ата-ана, тугандар!
Көз жасында олардың не ісі бар?
Соқыр олар, жанған жаның көре алмас,
Жыла мейлің, жан-құй отта, шегіп зар.

Жақын жан сол — жақын болсын жанында,
Табынсын ол Тәңірі көріп арыңа.
Ұзын жолда осындай жан ұшыратсан,
Қарашығым, тезірек ал жаныңа.

Өмір — өзен, сылқ-сылқ құлар, сылдырар,
Қайдада агады, оның жөнін кім сұрап?
Аққан сумен біз де ағармыз, кетерміз,
Ағынға ермей, жағасында кім тұrap?

Өтер жылдар — қайғырармыз, құлermіз,
Өтер жылдар — сарғаярмыз, кеберміз.
Өтер жылдар — қартаярмыз, өлерміз,
Бірте-бірте құрып, шамдай сөнерміз.

Өтер жылдар — үлғаярсың, өсерсің,
Өмір — көпір, қалайда оны кешерсің.
Өтер жылдар — ақын ағаң жоқ болар,
Рухым риза, мені есіңе түсірсен.

«Аз өмірінде көп уланған, көп сүйген,
Көп алданған, көп жылаған, көп күйген
Ақын ағам болып еді, — дегейсің, —
Жүргіне өмір оғы көп тиген!»

Иіс шашып, жайнап тұrap түрлі гүл,
Гүл тербетіп кешкі жылы жібек жел.
Күнәсі көп жаны үшін ағаңның
Сол уақытта, қарашығым, дүға қыл!

Әлі жассың, қайғы көрме, бара бер,
Сүм өмірдің құлін көрме, гүлін көр.
Тілегімді келтірем деп орнына,
Қарашығым, қане, маған қолың бер!

Он екі айдың еркетайы — Май келді,
Жұлдыздар да жымыңдайды, Ай құлді.
Қалың қардың құшағынан құтылып,
Сылдыр-сылдыр сылдырады — сай құлді.

Күн батқанда қарашы көк жүзіне,
Қызыл алтын сеуіп қойған ба өзіне?
Майдың айы — Күн, Жер-ана — баланың
Елжіресіп табысатын кезі де.

Бұлдіршін бол киінеді қара жер,
Қарап оған көкте анасы елжірер.
Мұны көріп, жақыны жоқ жолаушы —
Күніреніп, ухілеп жібек жел жүрер.

Өмір осы: аяз қыспақ, қар көмбек,
Сәулесімен жерді сүйіп Күн келмек.
Бір қарасаң — бетін қара бұлт жауып,
Жайнап, ойнап түрган көгің түнермек.

Біреу — бала, анасына еркелер,
Біреу — ана, баласы үшін жан берер.
Біреу сүйген, екіншісі сүйілген,
Жас жүрегі аласұрап, жас төгер.

Біреулер — дос, бір-біріне жақын жар,
Ылғи екеу жалғыздықтан шекпес зар.
Біреуі өлсе, екіншісі де өлмекші, —
Бір-біріне берік берген анты бар.

Өмір — заман. Жазы да бар, қысы бар,
Талай жанның туғаны бар, досы бар.
Тәңірінің дәргаһынан қылған
Жақыны жоқ, досы да жоқ, кісі бар.

Көп туса да жапа-жалғыз туған ол,
Жалғыз жылап, бетін жаспен жуған ол.

**Жұлдыз, Ай да, Күн де көрмей көгінде,
Жалғыз зарлап, жалғыз сағым қуған ол.**

**Бір гүл көрсे, шын елжіреп сүйген ол,
Гүл дегені у боп, жанып-күйген ол.
Жаны бірге, ары бірге жан таппай,
Жас жүрегі құлден кебін киген ол.**

**Мен де жанмын, жапан түзде бір басым,
Жарым да жоқ, досым да жоқ, сырласым.
Аз өмірде көп алданып, у ішіп,
Көп тұндерде тәктім талай көз жасым.**

**Ессіз едім — аспанға өрлеп үшқамын,
Хор дегенім жер болады құшқаным.
Құле кіріп, жан сырымды біліп ап,
Шыға беріп күніренеді достарым.**

**Жақын жан көп, үғушы жоқ шын жанды,
Сенгіш жүрек талай сенді, уланды.
Тұғаны жоқ, тұрағы жоқ жолаушы —
Жел болудан басқа маған не қалды?**

**Өтер жылдар — ұлгаярсың, өсерсің,
Белгілі бір жолга өмірде түсерсің.
Қуанарсың, қайғырарсың, жыларсың,
Ұзын жолда у да, су да ішерсің.**

**Көрерсің сен көптің келіп, көшкенін,
Жоқтың бар боп, бардың өліп-өшкенін,
Өтер күндер, күн батқан соң күніреніп,
Жібек желдің ақырын ғана ескенін.**

**Сол уақытта желге құлақ түргейсің,
Таныстарың еске алып, тергейсің.
Тұғаны жоқ, тұрағы жоқ жолаушы —
Желге айналған мен екенім білгейсің!**

ФАЗИЗАҒА

Фазизажан, қарашығым, бауырым,
Жолықтырып дүшпанның бір жауызын,
Сарғаямын қаранды үйде қамалып,
Ағаң сорлы көрді бейнет ауырын.

Ә дегенде ашу қысып, жанып ем,
Ауыр ойлар басып, назаланып ем.
Мың бейнетпен ұзын күнді өткізіп,
Күнде ертен деп, күте-күте талып ем.

Күндер өтті, жанды жеді абақты,
Қанды сорып, көтертпеді қабақты.
Желдей заулап ескен жүйрік жас жүрек
Көтере алмай қалды сорлы қанатты.

Жан бауырым, қарашығым Фазиза!
Қарлығашым, келдің ұшып, мен риза.
Сорлы ағанды сағыныпсын, ойласын,
Жылар ма едің жүргегіне ой сыйса?

Сені көріп, төбем көкке тигендей,
Маңдайынан болдым иіскең сүйгендей.
Тәңірі жазса, сарғаймаспын, шығармын,
Күнәм жоқ қой қасіретте күйгендей.

Қалың қара бұлт арылып басымнан,
Тәңірі жазса, өш алармын қасымнан.
Жан бауырым, жыламашы егіліп,
Мен садаға мөлдіреген жасынан!

Іште жалын, көкіректе қайғы зор,
Аямастан өмір уын беріп түр.
Сені көру — босанғанмен бір маган,
Еркетайым, анда-санда келіп түр.

Жолықтырып дүшпанның бір жауызын,
Ағаң сорлы көрді бейнет ауырын.
Тәңіріден ерте-кеш те тілей көр,
Жан-жүргегім, қарашығым, бауырым!

Жас күннен бірге ойнап, бірге өстік,
Бір жүріп, сабакты да бірге оқыстық.
Есейіп бірте-бірте ес кірген сон,
Жақындық арамызда артты достық.

Балалық махаббаты тамашада
Қызырып, ұялысып оңашада,
Бір сағат көрісе алмай тұра алмаушы ек,
Көнілде бір бөтен ой болмаса да.

Жүрсек те жұрт көзінде жай таныстай,
Жақын бір тілдеспей-ақ, хат алыспай,
Көзге көз түскенінде қызырысып,
Бір ауыз сөз айтуга бата алыспай, —

Жаз болса, тұнде үйқы көрмеуші едім,
Тұн бойы арып-шаршау білмеуші едім.
Есікті ақырын ашып түрганында:
«Шық, жаным, берірек кел. Мен!» — деуші едім.

Кетуші ек қол ұстасып тұра колге,
Дуылдан жанған бетті ұстап желге.
«Жаным!» — деп алма беттен сүйгенімде,
Қызырып, қараушы едің төмен, жерге.

Қытықтап жас жүректі ойнап жас қан,
Дірілдеп тұруши едік жанша сасқан,
Мәлдіреп көздеріміз айрылыша алмай,
Агарып ақ жібектей атса да таң.

Қосылған жас күнімнен жарым едін,
Сүйікті анық досым, жаным едің.
Алысқа, ұзақ жолға шыққанымда,
Сарғайып мені күтіп қалып едің.

Талпынып, өнер ізден шетке кеттім,
Кеткенде, аз күнгө емес, көпке кеттім.

«Жолдағы жарым қашан келеді», — деп,
Сен сорлы құте-құте қасірет шектің.

Мақсатқа жүре бердім арып-талмай,
Ел-жұртый, сен сәулемді есіме алмай.
Жалғанда дүшпан сөзі жаман екен,
Дарига, болсам керек ұмытқандай.

Шет жерде жалғыз басым сандалыппын,
Сагымды мөлдір су деп малданыппын.
Бағасыз саф алтын деп мысқа ұмтылып,
Жасықты асыл көріп, алданыппын.

Сен сорлы қайғы басып, қасірет шегіп,
Егіліп екі көзден жасың төгіп,
Ақырында ауруға үлкен айналыпсын,
Сарғайып күзді құнгі гүлше солып.

Әуре боп опасы жоқ көнілменен,
Мен кеттім, дегендей-ақ: «Тұніл менен».
Сонда да үміт үзбей, қарай-қарай,
Жан досым, қоштасыпсың өмірменен.

Мен бейбақ тап сол кезде шетте жүрдім,
Есімде еш нәрсе жоқ, ойнап-күлдім.
Бұл құнде қалың ойлар, қайғы басты,
Жан жарым жоқ екенін жаңа білдім.

Алысқа неге кеттім, елге кетпей,
«Жан жарым, жанындаын!» —дерге жетпей?
Жүргегін жанып, қасірет тартқанында,
Көл қылып көзім жасын бірге төкпей?

Жан досым, бақытсызыбын, бара алмадым,
Бақылдық ауызынан ала алмадым.
Көз жасың, қасіретіңе мен кінәлі ем,
Дарига, кешу сұрап қала алмадым.

Откен күн жеткізбейді, ол — бір тұлпар,
Алдында, тірі болсам, талай күн бар.

Кейде у, кейде кәусәр суын беріп,
Жанымнан жылжып ақырын өтер жылдар.

Жолығар ұзын жолда талай адам,
Сұлу да, сүйкімді де, жақсы-жаман.
Іш өртеніп, жүрегім шын елжіреп,
Дәл сендей басқа жанды сүю арам!

АНАМА

Өмірімнің қап-қараңғы түнінде,
Еш не білмес түсім бе я өңім бе,
Оң менен сол, от пенен су айырмас,
Құшсіз, өлсіз, есім білмес күнімде, —

Құшағыңа алдың, сүйдің сен, анам,
Ренжу жок, барлық сөзің: «Жан балам!»
Ыстық-сұық, желге-күнге тигізбей,
Асырап, сақтап, болдың, анам, баспанам.

Түнде тұрып, түн үйқынды төрт бөлдің,
Тыныш үйықтасын деп, аз сөйлеп, аз құлдің.
Ыңырансам, я қарным аш, я тоңған
Екенімді, ойламастан, тез білдің.

«Жаным — дедің, — қараышығым, құлыным», —
Сүйдің, қыстың, дедің: «Тәтті қылышың!»
Қаз-қаз тұрсаң, езу тартсаң, құласам,
Я жыласам — бәрі жақты қылышығым.

Жаным анам — жібек тілді, ақ көңіл,
Жазу болып, шегер болсаң ұзын жол,
Шет жерлерде теріс жолдан сактарға,
Жан балаңа ақ батанды бере гөр!..

ҚАРАҢҒЫЛЫҚ ҚОЮЛАНЫП КЕЛЕДІ

Қараңғылық қоюланып келеді,
Пеш ішінде шоқ ақырын сөнеді.
Қызық көріп жанымдағы жас бала
Сөнген шоқты үреді де күледі.

Шоқ үстінен кішкене үшқын ұшты да,
Біразырақ шоқ қызара түсті де,
Дереу сөніп, тезірек құлге айналды,
Астындағы ыстық құлді құшты да.

Пеш ішінде шоқ ақырын сөнеді,
Сөнген шоқты үріп бала күледі.
Ой басты ма? Әлде көзім талды ма,
Мөлт-мөлт етіп көзіме жас келеді.

САҒЫНДЫМ

Абақтыда айды, құнді жаңылдым,
Сарғайдым рой, сар даламды сағындым.
«Қарашығым, құлыным!» — деп зарлаған
Алыстағы сорлы анамды сағындым.

Жатқан үйім — қабыргасы қара тас,
Жарық сәуле, жылы күнге жаны қас.
Ауыр иіс, ылғи қара көленке
Ерте-кеш те, құндіз-түні арылмас.

Тапал, салқын, тым қараңғы, үңгір тар,
Есігімде мықты қара құлып бар.
Кіп-кішкене терезелер темірлі,
Мұндай үйден кімге естілер ашы зар!

Алтын Күнді, қара жерді сағындым,
Жан жолдасым — жүйрік желді сағындым.
Асаяу тайдай еркелетіп есірген
Ағайынды, туған елді сағындым.

Әлдеқайда Күн шығады, батады,
Сорлы тұтқын құніреніп жатады.

Қарар болсаң терезеден темірлі,
Көздел тұрган күзетшілер атады.

Ас бола ма сасық сорпа, қара нан,
Алма бетте қалмады ғой тамшы қан.
Қонырау қағып оятады ақырып,
Тым болмаса сібірлеп те атпай тан.

Бостандықта өткен күнді сағындым,
Желдей зулап кеткен күнді сағындым.
Жыл құсындай ұшсам, қонсам ерікті,
Ойдағыны еткен күнді сағындым.

Абақтының айға баға күні ұзак,
Жанды жейтін жылға баға түні ұзак.
Ескі мола дән дыбыс жоқ, тым-тырыс,
Тық-тық басып күзетші жүр жалғыз-ақ.

Қара жылан — қалың ойлар қаптады,
Шыбын жаным баар жерді таппады.
Ойлар жейді жас жүректі жегідей,
Тәнірі іем, таңың-дағы атпады!

Ойыны бір құрдастарды сағындым,
Тілегі бір жолдастарды сағындым.
Келешекке бірге план құрысқан,
Сырласатын жас достарды сағындым.

Уға толды жас жүрегім, жабықтым,
Таныс дауыс ести алмай, зарықтым.
Не дегенін, не істегенін біле алмай,
Қор болым ғой, азат жүрген халықтың!

Құшақтарға жанымда жоқ жақын жан,
Басқа шапшып, мазаны алды ыстық қан.
Жалындаған жас жүрекке не пайда
Дене күйіп, бір жатып, бір тұрудан?

Жүрегіме жақын жанды сағындым,
Жібек міnez, хордай жарды сағындым.

**Айрыларда күншығыстан ағарып
Ақ жібектей атқан таңды сағындым.**

**Не көрсем де, алаш үшін көргенім,
Маған атақ — ұлтым үшін өлгенім!
Мен өлсем де, алаш өлмес, көркейер,
Істей берсін қолдарынан келгенін!**

**Қалың елім, қалың қара ағашым,
Қайраты мол, айбынды ер алашым!
Өзі-ақ құлар, сырың берме, сабыр қыл,
Ақымақтар байқамаған шамасын.**

**Қазағымды, қалың елді сағындым,
Сарыарқамды — сайран жерді сағындым.
Балдай бұлақ, мөлдір күміс көбікті
Арқадагы айдын көлді сағындым.**

**Қуанышта: «Әй, сені ме!» — дегендер,
Күйініште мен үшін уайым жегендер,
Құтылу қыын — басқан адым андулы,
Тізіп қойып, ертенді-кеш түгендер.**

**Тәнірі Ие, өзің алшы панаңа,
Тас бауырлар зарға құлақ сала ма?!**
Баласынан тұтқын болып сарғайған
Кім жеткізер сәлемімді анама?

**Абақтыда айды, күнді жаңылдым,
Саргайдым гой, сар даланы сағындым.
«Қарашығым, құлыным!» — деп зарлаган
Алыстағы сорлы анамды сағындым!**

БАЛАНЫҢ ҚАБІР ТАСЫНА

Қайғырманңдар бүл сәбиді өлді деп,
Жас қызыл гүл мезгіл жетпей солды деп,
Бақыты жоқ сорлы ата-ананың
Жанар-жанбас шамшырағы сөнді деп.

Өлгені емес, жерді тастап кеткені, —
Шын бақытқа ерте бастан жеткені:
Ізгі оймен жайлыш жаннат төрінен
Орын алып, Ата-анасын күткелі!

ӘMIP

Адамға берген Тәнірі өзі аз өмір,
Бұйрығы: «Жаса-дагы, жерге көміл!»
Бірде мұз, бірде жалын, бірде дауыл,
Құбылған өмір — сынап, бейне көніл.

Жайнаган жаз көреді адам алдын,
Откен күн — көңілсіз күз жеді, салқын.
Қуаныш қайғыменен қатар журмек,
Болмайды толық минут жүзі жарқын.

Іңгәлап, аузын ашып, жылап түсер —
Тәменге биік таудан құлап түсер.
Денесін дал-дүл қылар қия тастар,
Шұқырға сол жылаумен сұлап түсер.

Дуа етер — сорлы адамды әуре етер,
Көз ашып-жүмғаныңша жоқ боп кетер.
Қылғанша әуре-сарсан сорлы құлды,
Тәнірі Ием, жаратпасаң онда нетер?!

ТОЛҚЫНДАП ОЙНАП

Толқындалп ойнап, құтырып,
Көбігін шашып өкіріп,
Шапшып көкке лепіріп,
 Қаракөк өмір дариясы
Сақылдап құліп: «Кел!» — деді,
Келіп ем, кешу бермеді.
«Не керек, — деп тергеді, —
 Сарыарқаның сарбазы?»

Жас балапан жүргегім,
Десе де табам керегін,
Көріп теңіз тереңін,
 Қайғыға батты тұнжырап.
Алтын үміт үзілді,
Тәтті қиял бұзылды,
Көкке тіктім көзімді,
 Жұлдыздардан жол сұрап.

Көгің де бір қаракөк
Тұңғиық теңіз түбі жоқ,
Ойнап тұрган көзі көп,
 Не деп жауап береді?
Көк бір дария қаракөк,
Жұлдыздан өлі жауап жоқ,
Іште жалын, жүрек — шоқ,
 Дарига, жаным өледі.

ЖҰЛДЫЗДАРҒА

Көктің сансыз көздері,
Алдамандар ойнақтап.
Шақырганмен бара алман,
Бұлт, тез шық та, бетін жап!

Қара жерден кете алмас
Мен бір сорлы байлаулы:
Жердің жауыз желімен
Ерсіл-қарсыл айдаулы.

Амал не көнбей? Сонда да
Бір өкпем бар Аллама:
Сезгіш жүрек, ұшқыр жан
Неге бердің пендеңе?!

Жаратқан соң жерден сен,
Берсеңші жердей тыныш жан.
Болар іс болды. Сұраймын:
Не дейді, білдір, бұл аспан?!

ЖАЗФЫ ТҮНДЕ

Судай сұлу қаракөз
Сүйгеніне берген сөз:
Белгілі жерден табылмақ
Қаранғы жаздың түнінде.

Жатқызып тегіс үй ішін,
Қысып сүйді сіңлісін.
Сырлас тете бауырдан
Айрылу жеңіл ме?

Алдында алтын бағың бар,
Жолдасың — шын сүйген жар.
Баққа аяқты батыл бас,
Күрсінбе, сұлу, егілме!

Буыныңнан хал кетіп тұр,
Тыста жарың күтіп тұр,
Ақ кейлегің көлбендең,
Шық тезірек, бөгелме.

Шыққанда қорқып-сасқаның,
Дірілдеп түсің қашқаның
Асығып күткен жарыңа
Білдірмे, сұлу, күлімде!

Мініп жігіт жүйрігін,
Тұмарлап кекіл-құйрығын,

Інірден келіп күтіп тұр,
Серттен таяр ерің бе!

Жігітте арман қалды ма,
Алды жарын алдына.
«Шұу» деп шауып жөнелді,
Бір қолы сұлу белінде.

Ақ көйлектің етегі
Көтеріліп кетеді.
Орынсыз жерде ойнайтын
Тым жеңіл ғой желің де.

Жігіт жарын құшады,
Қолдан тізгін босады.
Сенді саған екеуі,
Енді, жүйрік, сүрінбе!

Жетсін жастар ауылға,
Ұрынбасын жауынға.
Алдарында бір-ақ бел,
Тан! Тұра тұр, білінбе!

КӨКШЕТАУ

Аспанменен тірескен,
Тәңіріменен тілдескен
Көкшетаудың біп-биік.
Қою қара көк бұлт .
Жайнап, ойнап, құлпырып,
Көкшетауды тұр сүйіп.

Көкшетаудың көзі жас,
Ылғи мең-зен, айнымас
Қалың тұман мұнардан.
Инелік өтпес жіп-жійі,
Оқтан тұзу тал бойы
Қарағайға оралған.

Әлдеқайда, биіктे
Төніп төмен — киікке,

Қанды көзді қыран жүр.
Мен де Мұса болар ем,
Тілдестірсе Тәңірімен,
Кекшесі маған болып Тор¹.

Құшам Мұса аяғын,
Өлеңім — ізгі таяғым,
Кекшеге мен де шығамын.
Аяқ басып Арсыға²,
Жүгіріп барып қарсына,
Тәңірінің тілін үғамын.

ТОЛҚЫН

Толқыннан толқын туады,
Толқынды толқын қуады,
Толқынмен толқын жарысад.
Күніреніспе кеңеспен,
Бітпейтін бір егеспен
Жарысып жарға барысад.

Толқын мен толқын сырласып,
Сырларын еппен үрласып,
Толқынға толқын еркелеп,
Меруерт көбікке оранып,
Жыландај жүзге бұралып,
Жарға жетер ентелең.

Ерке бала былдырлап,
Сылдыр, сылдыр, сылдырлап,
Толқынды толқын қуады.
Күміс кәусар сұымен,
Суының алтын буымен
Жарының бетін жуады.

Мөлдіретіп көз жасын,
Жасымен жуып жартасын,

¹ Тор — тау аты.

² Арсы — мұсылмандық үғым бойынша Алланың тағы.

Сүйіп, сылқ-сылқ құледі.
Жылағаны — құлгені,
Құлгені оның — өлгені,
Жылай, құле өледі.

Сылдыр, сылдыр, сылдырлап,
Бірінің сырын бірі үрлап,
Толқынды толқын қуады.
Жарына бал береді,
Береді де өледі,
Өледі толқын, тынады.

ҚАЙЫҢ

Қайғылы қайың!
Аяныш жайың.
Сыбырлайсың,
Дірілдейсің,
Еңкейесің,
Күбірлейсің,
Ызгарлы жел
Соққан сайын.

Үскірік аяз
Болғандай аз,
Қар да басқан
Кебінгे үсап.
Сүйекке өтер
Суық құшақ...
Қашан, қайың,
Жетеді жаз?

Суға қанып,
Жапырақ жарып,
Күн болар ма
Шайқалатын,
Жылы желмен
Жайқалатын,
Құс даусына
Құлақ салып?..

Қайғылы қайың!
Қалың уайым
Басқан сені,
Жазды ойлап.
Түр ұскірік
Боран ойнап...
Жасыңды исін
Бір Құдайың!

ҚЫСҚЫ ЖОЛДА

Қараңғы түн, сар дала,
Көрінбейді айнала.
Боран соғып түр борап,
Жолды басқан құр сорап.
Астымдағы жануар
Құлагын қайшыландырып,
Зорға борт-борт желеді.

Ұзғарлы жел долданып,
Екі иінінен дем алып,
Ішін тартып осқырып,
Кейде қатты ысқырып,
Андей ұлып бір мезгіл,
Екі санын шапақтап,
Біреке сақ-сақ күледі.

Кейде кенет баяулап,
Жер бауырлап жаяулап,
Аузы-басы жыбырлап,
Асып-сасып сыбырлап,
Жерді жапқан кебінді
Сүйіп ақырын құшақтап,
«Әпсүн»¹ оқып үреді.

Барады үдең бұл боран,
Жанымда жоқ тірі жан.

¹ Иманын үйіру.

Тоңазыды денем де,
Аласпай, дұрыс келем бе?
Қорқып, жүрек ойнайды,
Көз алдымға елестеп
 Әлденелер келеді.

Боранын Тәңір ашпады,
Жол білінбей бастады.
 Көрінген бір жарық жоқ,
 Босаңсиды Қаракек...
Сар далада адасып,
Суық кебін жамылып
 Қалармын, кім біледі.

ЖАЗФЫ ЖОЛДА

Дала. Дала. Сар дала!
Жапан түзде бір қара —
 Келем жалғыз, жаяумын.
Жанымға ерген жолдас жоқ,
Төрт жағым дала — жер де кек,
 Жылауға да таяумын.

Шілде. Оттай ыстық күн.
Дала — өлік. Жоқ бір үн.
 Жер де жатыр тұнышылып.
Жол жыландаиди ірілед,
Шаң ерініп үйірілед.
 Ешбір леп жоқ, тып-тымық.

Көктеген жалғыз бұлт жоқ,
Көктің түсі қызығылт кек.
 Дүниені тылсым билеген.
Ыңыранғандай әлдекім,
Жылай ма екен әлде жын?
 Перілер ме күйлеген?

Созылып үйықтап бел жатыр,
Төсін керіп көл жатыр
 Тыныш, тәтті түс көріп.

Суға — айнаға қаранып,
Салқынша леппен таранып,
Қамыс та түр тербеліп.

Толқынға толды төрт жағым,
Әлде жүзген бұл сағым
Көл ме? Көшкен шаһар ма?
Мұз көк темір киініп,
Найзасын кекте үйіріп,
Әскер жауға шабар ма?

Ақ бұлттар түр жусап,
Күңіренеді жер сусап,
Алыстан ақырын Күн күлед.
Қызыл жүзді гүлдерді,
Бұрандаған белдерді
Сүйемін деп күйдіред.

Айнала — өлім, ешбір үн...
Жапан түзде жалғызбын.
Перісі неге келмейді?..
Денесі аппак, жалаңаш,
Көкпенбек көз, сары шаш
Сақ-сақ неге күлмейді?

Сыбдыр-сыбдыр жұргендей,
Сылқ-сылқ қана күлгендей,
Көрінбей неге билейді?!

Жібектей жетпіс оралып,
Жыландаі жүзге бұралып,
Бетімнен неге сүймейді?!

Жол жыландаі иірілед,
Шаң ерініп үйірілед,
Ешбір леп жоқ, тып-тымық.
Аңсап, есім жия алмай,
Көзімнің жасын тыя алмай,
Өлсем екен тұншығып!

ЖАЗҒЫТҰРЫМ

«Болды, міне, дәл алты ай,
Жаттың үйықтап, еркетай.
Үйқын қанды, тұр, қозым,
Аш көзінді, жұлдызым!» —
Деп мандайдан ақырын
Жұмсақ, жылы сәулемен

Сипап жерді, Күн күлер.

Аяқтарын көсіліп,
Еркеленіп, есінеп,
Жер — нәресте жас бала
Жаңа оянып жатқанда,
Жұмсақ, ыстық бетінен
Тәтті ғана сүйсем деп,
Күбірлеп жылы жел жүрер.

Дамыл алмай жылар қар,
Ақ шымылдық ашылар.
Сылқ-сылқ құліп сылдырлап,
Бірдене деп былдырлап,
Көрінгеннен шүйінші
Сұрайтын жас баладай
Асырып сулар жүгірер.

Керіліп ерке жер тұрап,
Мөлдір сүмен жуынар.
Үлде менен бұлдеге,
Тұрлі түсті гүлдерге,
Ши жібекке оранып,
Қарағанда көз тоймас,
Бұлдіршіндей киінер.

Көріп сұлу баласын,
Көз ішінде қарасын,
Қуанып, тасып жүргегі,
Қысып, ыстық сүйеді.
Ұзын күнде ару жоқ,
Періштем деп айналып,
Алтын ана Күн жүрер.

Мұны көріп бұлттар,
Күніреніп етер зар:
«Біздерде алтын ана жок,
Қысып сүйер бала жок,
Тұрақ та жоқ белгілі!» —
Деп тұнжырап құрсініп,
Әлсін-әлсін жас төгер.

ЖАЗ КЕЛЕДІ

Жел жалығып, хал жиып,
Қалғып қана тербелед.
Жұмсақ қана жымып,
Жібек қанат жаз келед.

Көк алтынға көмілген,
Ауаға алтын себілген.
Алтын емес себілген,
Жаздың шашы төгілген.

Әне, ерке жаз келед,
Ал, балалар, қарандар.
Ойнап, алтын шаш беред,
Ал, балалар, тарандар.

Қайғылансын, күрсінсін!
Енді ұзамас, еріп қар.
Еркетай жаз бір құлсе,
Құлмей, шыдап кім қалар?

Сұлу жаздың лебізі
Қар түгіл, мұзды балқытар.
Көл, өзенін, теңізін
Ойнатар, бәрің шалқытар.

Төл үйдегі үйшікті
Таста, бала, белді бу.
Белден батып күртікке,
Енді ізде қызыл су.

Баланы күміс дауыстан
Кім тоқтатар, кім тыяр!
Ерке жаз да алыстан
Жұмсақ қана жымияр.

Қаракөз, таста кестенді,
Үйде отырып қуарма.
Тысқа шығып-кіргенде
Екі бетің — екі алма.

Дертін болса жүректе,
Текпе жас көзден, аһ ұрма.
Жеткізер анық тілекке,
Шықта жазға сыйырла.

Жұмақ нұрлы жаз келед,
Алтын жүзді, алтын шаш.
Ағаштар ақырын тенселед,
Жанды-жансыз бәрі мас.

Күн батқан соң, қатқақ боп
Қуанғанда ессіз қар,
«Жаз келеді, жаз, жаз!» — деп,
Жымындаиды жұлдыздар.

Алтын сөule түр сүйіп,
Жел маужырап, тербелед.
Жұмсақ қана жымып,
Жібек қанат жаз келед.

ЖИІЛЕНДІ ҚАРА ОРМАН

Жиіленді қара орман
Қарағай, қайың аралас.
Мәңгі мылқау кәрі орман
Көктегі күнмен шамалас.

Аппак қебін бұркеніп,
Мылқау орман тұс көред.
Жел аза боп, өртеніп,
«Әпсүн» оқып үшкіред.

Мәңгі мылқау кәрі орман,
Былқ етпейді, тұс көред.
Жел мінезді ессіз жан —
Маған түрлі ой келед.

Ұйықтасам мен орман боп
Тәтті-тәтті тұс көріп,
Бетімнен тұрса жел жүріп,
«Әпсүн» оқып үшкіріп.

МАХАББАТ НЕ

Махаббат — бір тікенек,
Жүрекке барып қадалар.
Бақытсыз ғой бүл жүрек,
Тамшылап одан қан агар.

Тез жазылмақ бүл жара,
Бал тілімен сүйсө жар.
Сүймесе жар, дариға,
Өлер жүрек, қансырап.
Махаббат — бір тәтті у,

Ішер жүрек, болар мас.
Дүниедегі у мен шу
Мас жүректі оятпас.
Махаббат — бір тәтті у,
Ішер жүрек, төгер жас!

ШЫЛЫМ

Қолда шылым,
Тартып, құлін
түсіремін табаққа.
Кейде ұмытып,
Тұтін жұтып,
жіберемін тамакқа.

Өмір — бұлак,
Үміт — құрақ,
Жүзейін деп түсемін.
Дәл түсерде,
Су кешерде
Ұмытып, су ішемін.

Кейде ұмытып,
Тұтін жұтып,
Шашаламын, жөтелем.
Өмір — құрақ,
Үміт жырақ...
У ішемін де өлем!

АЛЕКСАНДР БЛОК

Александр Блок —
Мәңгі жас жүрек
Үмітін бір үзбеген.
Батып алтын ойға,
Талмай қарап Айға,
«Әдемі әйел» іздеген.

Көрінер деп күнде,
Табылар деп түнде,
Шарқ ұрудан талмаған.
Александр Блок —
Мәңгі жас жүрек,
Қай жерге ол бармаган!

«Әдемі әйел» — идеал,
«Әдемі әйел» — бір қиял

Блоктың басын байлаған.
«Әдемі әйел» — бір гүл,
Блок — бір бұлбұл,
Блок — бұлбұл сайраған.

Сайраған Блок,
Ойнаған жүрек —
Кейде үміт, кейде зар.
Өтеді өмір,
Бітеді жыр,
«Әйелден» бірақ жоқ ошар.

Күндерде бір күн,
Түндерде бір түн
Улы балды бітті жыр.
Төсекте Блок
Көз ашып көред, —
Алдында бір кемпір түр.

«Әдемі әйел» — идеал,
«Әдемі әйел» — бір қиял,
Идеал, қиял — бір сағым.
Жанады жүрек,
Жылады Блок,
Көріп сөнген шырағын.

«Әйел» — идеал,
Кемпір — ажал
Түр Блокқа үңіліп.
Сөнді енді өмір,
Бітті енді жыр,
«Әйел» қалды жыр болып.

Н... АЛЬБОМЫНА

Өтеді өмір —
Жүрекке шер байланды,
Өтеді өмір —
Жүрек көмірге айналды.
Өтеді өмір,
Бітеді жыр. Жүрек — күл.
Жырыз жырау,
Тиіп қырау — солды гүл.

Бұлбұл гүлсіз,
Бұлбұл үнсіз — жай бір құс.
Айсыз, Құнсіз,
«Гүлсіз», үнсіз — өмір бос!
Бота көзді,
Жібек сөзді гарышқа
Кетті үшып,
Зарды құшып алыста

Калдым жалғыз,
Тірі жансыз, құніренем.
Шер шегемін,
Кеңесемін мұнменен.
Досым жырак,
Сөнді шырак.
Сөнемін.
Сөнеді Ай,
Мен де үзамай өлемін.

Батады Ай,
Батады ой. Мен батам.
Кірсіз Айым,
Еркетайым, ақ батам:
Өмір — сағым,
Сен, қарағым, сағым құ.
Сағым сумен,
Алтын бүмен жаның жу!

Өмір — дала,
Сен — бір бала, сайран ет,
Гүлдер жиып,
Сәүле сүйіп, ойнап өт!
Қырға шықсан,
Тілін ұқсан, жел жылар.
Жел жыламас,
Жер жыламас, ел жылар.

Күні батып,
Қайғы батып, ел жылар.
Ерке бала,
Сен де жыла, шегіп зар.
Жок, жылама,
Зар сұрама, күл, Күнім!
Ой деген не?
Оны білме сен, Гүлім!..

Мен де жас ем,
Мен де мас ем, жел едім.
Өтті өмір,
Жүрек — көмір. Өлемін...

АЛДАМШЫ ӨМІР

Алдамшы өмір ылғи ғана у береді,
Өмір шіркін шамдай ақырын сөнеді.
Қара қайғы қалыңдады тым бүгін,
Мөлт-мөлт етіп көзіме жас келеді.

Өмір шіркін шамдай ақырын сөнеді,
Алтын үміт тотығады, өледі.
Кешегі күн — қойнымдағы сүм қиял,
Бүгін алыс менен, сылқ-сылқ құледі.

Өмір шіркін бықып ақырын сөнеді,
Үміт шіркін тотығады, өледі.
Өлді үміт, мен де үзамай өлемін,
Соққы жеген сорлы жүрек біледі.

Өмір шіркін көз алдында сөнеді,
Қиял — алыс, келемеж ғып күледі.
Өмір сөнед, үміт өлед, не қалды?
Молт-мөлт етіп көзіме жас келеді.

АЙРЫЛҒАНДА (Г...ге)

Бір жыл болды сені сүйдім, уладым,
Бауырыңа алдың, неге мені қумадың?
Ессізбін мен: айрылуды ерте ойлап,
Қанды жаспен көзім неге жумадым?!

Сүйдің мені, басқа жанды көрмедің,
Жасың төктің, қадірінді білмедім.
Молдіреген шын меруерт жасынан
Садаға боп, сорлы, неге өлмедім?!

Білдім: бүгін мені тастап кетесің,
Күміс көбік Ақ Еділден отесің.
Бота козім, өлтіріп кет қолынан!
Тірі тастап кетіп мені нетесің?!

Коріскеңше қош бол енді, бер қолды...
Қалтырайсың, қолым, саған не болды?..
Жазуға енді, Гүлім, халім қалмады...
Көзіме жас, жүргегіме у толды...

КҮЗДІ КҮНІ

«Есіл жазым өтті, — деп, —
Бәйшешегім кетті!» — деп,
Санадан жұз сарғайып,
Қасіреті мол жас зайдып
Қараңғы ұзын түндерде
Үстіне қара жамылып,
Күрсініп жер жылайды.

Бұзылып түсі аспан-көк,
Ашулы ауыр үхілеп,

Бүркеніп сұр бұлттар,
Жұрегі жара алыс жар
Қайғы басып, қиналышп,
Жерге қарап, жарына
Көзінің жасын бұлайды.

Балапан нәзік жас қайың,
Соққан сұық жел сайын,
Бұрсіп, сорлы, дірілдеп,
Ақырын ғана күбірлеп:
«Сұбханалла, Сұбхан!» — деп,
Жасағанға жалынып,
Жәрдем бер деп сұрайды.

Күшті, жуан қара ағаш,
Жапырақсыз, жалаңаш,
Өмірде беті қайтпаған,
Ешкімге сырын айтпаған,
Тура келіп тағдыры,
Долы дауыл кез келіп,
О да бір күн құлайды.

Жалғыз жатып ойланам,
Күніренемін, толғанам:
Балдан тәтті өмір не?
Қорқынышты өлім не?
Жалынды жүйрік жас жүрек
Неге ақырын сөнеді?
Бұган жауап кім табар?

Жастық өтіп, қартайып,
Қан сары су бол сарғайып,
Сүмбіл шашым қуарып,
Алма жүзім суалып,
Мен де сорлы бір күні
Қоштасармын өмірмен...
Олмей, мәңгі кім қалар?!

Құласа күшті қара ағаш,
Қыс өтіп, тағы жетсе жаз,

Жас балапан — қайындар,
Оларда не уайым бар,
Өткендерді еске алыш,
Бұралып жас сұлудай,
Қосылысып өн салар.

Өмірмен тәтті қоштасып,
Өліммен қол ұстасып,
Үстіме топырақ үолі,
Суық көрде көмүлі,
Қара жерді құшақтап
Жатқанымда мен сорлы,
Мені есіне кім алар?!

БОЛСА ГҮЛСІЗ...

Болса гүлсіз,
Бұлбұл үнсіз,
Үнсіз бұлбұл — бір сүр құс.

Үнсіз өмір —
Сөнген көмір,
Отсыз жүрек — бос қуыс.

ОЙ

Ой деген — у,
Ауызға алсаң, қандырад.
Ой деген — у,
Жанды есінен тандырад.
Ой деген у —
Ішсөн, мас боласың.
Ой деген — у,
Ішесің де соласың.

Ой — бір теңіз,
Қап-қара боп тебіренед.
Ой — бір теңіз,
Толқындана күніренед.
Ой — бір теңіз,
Шетсіз, тұпсіз, тұңғиық.
Ой — бір теңіз,

- Жан түседі жан қып.
 Ой улады — Жаным ессіз, жаным мас.
 Ой улады — Жүректе зар, көзде жас.
 Ой улады — Көмір болды жүрегім.
 Ой улады — Сарғаямын, сөнемін!

ЖАН СӨЗІ

Өмір — теңіз, жоқ оның тұбі, шеті,
 Сылқ-сылқ күлгөн сиқырлы толқын беті.

Осы өмірге кіргелі көп күн болды,
 Енді бір ай — толады жиырма жеті.

Мен жоқ едім, бар қылыш анам тапты,
 Содан бері Күн талай шықты, батты.
 Ес білгелі алыстым өмірменен,
 Өмір — теңіз толқыны тым көп қақты.

Мен тугалы ағарып көп таң атты,
 Қараңғылық жер бетін талай жапты.
 Ес білгелі алыстым жүрекпенен,
 Ырық бермеді, қанғырды, ол не тапты?

Ессіз жүрек тулады, бермеді ырық,
 Ақыл сорлы ере алмай, қалды тұрып.
 Ессіз жүрек, боялші бір азырак,
 Отыз тұрғой үніліп, арты — қырық.

Өмірінді екі қылмай орындағым,
 Есімде отқа, суга ұрынганым.
 Өтті жылдар, жапанды жалғыз қаппын,
 Өмірімді осынша улап, не қылғаның?!

«Жел бол!» — дедің, жел болып еспедім бе?
 Уақыт талғап, ерте я кеш дедім бе?

Желдей жынды есалаң екпінді бол,
Заулап тұрган отқа өзім тұспедім бе?! ↗

«От бол!» — дедің, от болып жанбадым ба?
Күйдірмей, сірә, нәрсе талғадым ба?
Күлді де алдым құшаққа, гүлді де алдым,
Мынау «құл», мынау «гүл» деп таңдадым ба?!

«Су бол!» — дедің, сылдырап ақпадым ба?
Жыландај жұз бұралып жатпадым ба?
Ерікті-еріксіз сұымнан татар жанды
Сиқырлап сылдырменен таппадым ба? ↗

«Құн бол!» — дедің, мен Күндей күлмедім бе?
Күннен де астым, мен күндіз-түн дедім бе?
Құн — тәкаппар. Мен көппен құшақтастым,
Бұл ісімді Күндікке мін дедім бе?

«Ай бол!» — дедің, Ай болып жүзбедім бе?
«Әпсүн» оқып, жер жүзін кезбедім бе?
Анадайдан сиқырлы сәүле төгіп,
Талайлардың өзегін үзбедім бе?

Сен: «Сүй!» — дедің, талайды сүймедім бе?
Көбелек боп көп отқа күймедім бе?
Тірілгенім болмаса өлгеннен соң,
Мен талай күлден кебін кимедім бе?

«Жыла!» — дедің, талай жас төкпедім бе?
Дария болды көз жасым, көп дедім бе?
Жасым бітсе, қып-қызыл қан жыладым,
«Жыламаймын, көзде жас жоқ», — дедім бе?!

«Ата-анаңнан без!» — дедің, безбедім бе?
Қаңғырып, талай жалғыз кезбедім бе?
Басыма талай қара күндер туды,
Ата-ана, туысқан іздедім бе?

«Елің тастап кет!» — дедің, кетпедім бе?
Жер шетіне барсам да шет дедім бе?

Жыландаій бауырына кіріп алып,
Қалайда жатты жақын етпедім бе?

«Дәүлеттен қаш!» — дедің сен, қашпадым ба?
Қойнымды жоқшылыққа ашпадым ба?
«Нәжісті — доңыз, сүйекті — ит жияд» деп,
Барымды желге ұшырып, шашпадым ба?

«Жоқты іздел тап!» — дедің сен, таппадым ба?
Сен: «Айға шап!» — дегенде, шаппадым ба?
Не керек! Бар бүйрыйғынды орындарым,
Сүм жүрек, сол қызметімді ақтадың ба?»

Ақтамадың, алдадың, енді білем,
Енді бір ай — жиырма жеті жасқа келем.
Отыз, қырық... Қартаям, сөнем, өлем...
Еліме есебімді не деп берем?!»

«Енді бір ай — жиырма жеті жас толады,
Отыз, қырық... Сарғаяды, жұз солады.
Жыл соңынан жүгіріп жыл озады,
Кеудеге күн-күн сайын шер толады.»

Ессіз жүрек аспанға қол сермеді,
Ессіз жүрек ақылға жол бермеді.
Жастық у ғой, айнымай, у ішіппін,
Бұл күндерде кеудені ой кернеді.

Ақылға кеш айналдым, қараң күнім,
Бір күні құшағына алар өлім.
Қара жерді құшақтап мен жатармын,
Сол кезде не деп мені сынар елім?

«Жел еді, желді жырғып өтті!» — дер ме?
«Есалан, сүйіп еді шоқты!» — дер ме?
«Ойы жок, ессіз отты Тәңірі көрген,
Тұншығып жат, есерім!» — деп құлер ме?!

Болмаса: «Қызыл гүл ед, солды!» — дер ме?
«Сермен ед алтын Айға қолды!» — дер ме?

«Қажымай, айға шапқан арыстан ед,
Сабаз-ай, сол жолда мерт болды!» — дер ме?

«Құн еді — өмір бойы күлді!» — дер ме?
«Құн еді — сүймеуші еді тұнді!» — дер ме?
«Құн еді, Құндей айқын күле білді,
Сол күлумен ақырда өлді!» — дер ме?!

«Сұлулықтың асығы — жыршы!» — дер ме?
«Жүректің сырын шешер сыршы!» — дер ме?
Не қуаныш, не қайғы басқан күнде
Басыма келіп: «Ақын, тұршы!» — дер ме?

Болмаса басыма да бармас па екен?
Атымды аузына да алмас па екен?
Қарайып жапан тұзде жалғыз тұрган
Молама көз қырын да салмас па екен?

‘Дариға, сол күндерде құнім қараң,
Қазақ елі, бір ауыз сөзім саған:
Болгайсың, сыншы болсаң, әділ сыншы,
Кінәні жүрекке қой, қойма маган!

Мені атама, бұл жүрек — жынды дерсін,
Ұмтылған аламын деп Құнді дерсін.
«Сүйіп, күліп, күйіп — көз жасын төгіп,
Жынды жүрек өлді де тынды!» — дерсін.

МЕҢІ ДЕ, ӨЛІМ, ӘЛДИЛЕ

Қажыдым енді, күш бітті,
Көңілсіз, салқын, құн бұлтты,
Жел бүйіғып тербелед,
Әлдекімнің өлгенін,
Оны қалай көмгенін
 Әнгіме ғып құніренед.
Жел, құніренбе, жасың тый,
Өлім күйі — тәтті күй,
 Балқиды жаным бұл күйге.

Мені де, өлім, әлдиле,
Әлдиле, өлім, әлдиле!

Қара орманның шетінде,
Нағыз желдің өтінде
 Өскен жалғыз жас қайың.
Былқ-сылқ етіп билеген,
Сылдыр-сылдыр күллеген,
 Болсын онда не уайым.
Сол жас қайың құлапты,
Жанында жел жылапты,
 Балқиды жаным бұл күйге.
Мені де, өлім әлдиле,
Әлдиле, өлім, әлдиле.

Қолына ала ту алып,
Қылышын қанға суарып,
 Tau суындаі тасыған,
Қарақат көзін қан жауып,
Қабағынан қар жауып,
 Ойын салған жас ұлан —
Майданда ұлан қайтыпты,
Жел иманын айттыпты...
 Балқиды жаным бұл күйге.
Мені де, өлім, әлдиле,
Әлдиле, өлім, әлдиле!

Әлдекайда бетпақ шөл,
Бетпақ шөлде жалғыз жол,
 Сол жолменен жалғыз жан
Тұн бойы талмай жүріпті,
Табанын тастар тіліпті,
 Келгенде атып алтын таң,
Сорлы, шөлде өліпті,
Жел құмменен көміпті,
 Балқиды жаным бұл күйге.
Мені де, өлім, әлдиле,
Әлдиле, олім, әлдиле!

Бетінен алма қан тамған,
Тілінен тәтті бал тамған,

Бүйра толқын шашы бар,
Күлкісі меруерт шашылған,
Өзі — гүл жаңа ашылған,
Дәл он бесте жасы бар —
Сұлу көз жас төгіпті,
Тұншығып жасқа өліпті...
Балқиды жаным бұл күйге.
Мені де, өлім, өлдиле,
Әлдиле, өлім, өлдиле!

Талпынған жаңа нәресте,
Ақ қанатты періште,
Былдырлаған бұлақтай,
Көрінген жанды құлдірген,
Жаңа піскен бұлдірген,
Балауса нәзік құрактай,
Қайтыпты қозы көз тиіп,
Бетінен кейде жел сүйіп...
Балқиды жаным бұл күйге.
Мені де, өлім, өлдиле,
Әлдиле, өлім, өлдиле!

Алыста айдын шалқыған,
Көбігі меруерт балқыған.
Сол айдынның астында
Бар екен алпыс ақ отау,
Алтын уық, жібек бау.
Бәрі он алты жасында —
Отау сайын толқын шаш,
Толқын шаштар жалаңаш...
Балқиды жаным бұл күйге.
Мені де, өлім, өлдиле,
Әлдиле, өлім, өлдиле!

Жаңа піскен балдырған,
Сүйсе, мейір қандырған,
Айдынға барып түсіпті.
Отауларды аралап,
Жас жүрегін жаралап,

Сұлуларды құшыпты.
Құшыпты да өліпті,
Жел толқыннан біліпті...
Балқиды жаным бұл күйге.
Мені де, өлім, әлдиле,
Әлдиле, өлім, әлдиле!

Балдырганмен бастасып,
Сұлумен қол үстасып,
Жас ұланмен жолдас бол,
Жас қайынды қолға алып,
Баланы сүйіп бір қанып,
Жолаушымен мұндас бол,
Мен де тезірек өлейін,
Әлі жаспын демейін,
Балқиды жаным бұл күйге.
Мені де, өлім, әлдиле,
Әлдиле, өлім, әлдиле!

Бетімнен тәтті бір сүйіп,
Алдыңа алшы әлдилеп,
Келші, өлім, тезірек.
Жан үшудан тоқтады,
Жынданып енді соқпайды
Кешегі асау жас жүрек.
Бетімнен тәтті бір сүйіп,
Алдыңа алшы әлдилеп...
Балқиды жаным бұл күйге.
Мені де, өлім әлдиле,
Әлдиле, өлім, әлдиле!

ТІРІЛДІМ

Сансыз күндер ой астына көмілдім,
Қор болып ем көнілін таппай көнілдің.
Жаспен жасып, оймен азып-тозып ем,
Өліп едім, бүгін тағы тірілдім.

Жаным өлік еді, жанға жан кірді,
Тамыр кеуіп еді, ыстық қан жүгірді.
Жиегінде қорғасындағы көгімнің
Бүгін ғана бақыт таңы білінді.

Бүгін маған жұмаққа өмір жол болды,
Бүгін менің құшағымда Ол болды.
Оны құштым, шарап іштім, шат едім,
Бүгін менің құшағымда Гүл болды.

Бүгін менің құшағымда кім болды?
Бүгін менің құшағымда Гүл болды.
Бүгінгі тұн маған алтын Күн еді,
Бүгін менің құшағымда Күн болды.

Өзім ғана білем қандай жан құштым,
Жер құшпадым, шаң құшпадым, таң құштым.
Жанды жуып, жүргімді жаңалап,
Бүгінгі күн тән құшпадым, жан құштым.

Бүгінгі күн тән құшпадым, жан құштым,
Жанды құштым, таңды құштым, көкке үштым.
«Сүйем!» — деді бота көзі мөлдіреп,
Жасын төкті, жасын іштім, бал іштім.

«Көкке үмтыйлам, әттең, дүние, аяғым!..
Болса аяғым, алып Мұса таяғын,
Кетер едім Тәңірі іздеп, Тор іздеп,
Жан жарым деп Сарыарқаның саяғын...» —

Деп сыбырлады алма ерні елбіреп,
Бота көзде ыстық жасы мөлдіреп.

Жиылған жас төгілмейін тұра ма,
Жас төгілді, тілініп жүрек, елжіреп.

Әкси-әкси: «Сүйем, сен де сүй!» — деді,
«Өмір бойы күйем, сен де күй!» — деді.
«Сеніменен жаным бірге, жан жарым,
Сен де «жан!» де, ессіз қанды тый!» — деді.

Ол жылды, мен де бірге жыладым,
Әкси-әкси: «Сүй гана!» — деп сұрадым.
Көп жыладым, сол ыстық көз жасымен
Алдағы өмір жолын таптым, мұрадын.

Жиырма жеті жыл жүрекке берілдім,
Тұнін көрмей, күнін көріп өмірдің.
Екі жаспен жуып алдым жанымды,
Өлген жерден бүтін мәңгі тірілдім.

ЖҰЛДЫЗДЫ – ЖҰЗІҚ, АЙДЫ АЛҚА ҒЫП БЕРЕЙІН

Келші, көзім, күн бетінді көрейін,
Сүйші, сәулем, тұншығып мен өлейін.
Жет, жұлдызым, жылжып қана жібектей,
Жұлдызды — жұзіқ, Айды алқа ғып берейін.

Сөзің — сиқыр, есті тұман басқандай,
Ессіз жүрек дария болып тасқандай.
Күлкің, Күнім, күндей күміс табаққа
Мінсіз сұлу меруертті шашқандай.

Шашың — толқын, жүрегімнің жарына
Соғылды да, батты улы зарына.
Айнам, саган арнап жырлар жазамын,
Қаламымды малып жүрек қанына.

Жырларыммен кестелейін орамал,
Бұлдіргендей бөбектайым бетің бал.
Балға талай шыбын қонуга үмтыхылар,
Үмтыханда орамалмен қағып қал.

Еркетайым, келсөң егер қасыма,
Сәулелерден шок қадар ем басына.
Көз жасымнан меруерт тізіп берер ем,
Келші, күлмей көзден аққан жасыма.

Келші, көзім, Күн нұрына көмейін,
Сүйші — олейін, «неге өлейін?» демейін.
Жет, жұлдызыым, жылжып қана жібектей,
Жұлдызды — жүзік,
Айды алқа гып берейін!

БЕРНИЯЗҒА

...Ұлан олді батып қан^{ға},
Тыныштық тапты асаяу ^{жан} да.

Өмір — дала, ақын — бала қаңғырған,
Жан сусынын көз жасымен қандырған.
Ақын — бебек, өмір — көбік, тылсым-ды
Ойнап, арбал, бебекті естен тандырған.

Күніренеді кеңес айтып қария,
Әлдекайда жер шетінде дария:
Тұңғықтың түбі толған тамаша,
Дарияның сыры жоқ қой жария.

Дарияның астында — алпыс ақ отау,
Ақ отаулар алтын уық, жібек бау.
Отау сайын судай сұлу толқын шаш,
Толқын тербелеп: «Әлди, әлди!» — дейді бау.

Әлди, әлди, тербеледі ордалар,
Ордаларда өңшең сұлу ән салар.
Сұлу жанның күлкісі де сиқыр ғой,
Күлкілері көбік болып жорғалар.

Көрінсе егер сонау күміс күлкілер,
Жас ұланның жүргегін жүз тілгілер.
Шерлі ұланның көріп суға шомғанын,
Мылқау жартас: «Жынды ма өлде?!» — деп күл^{ер}.

Кеңес айтып күніренеді бір күні,
Есімде жоқ, өйтепе сол бір күні:
Майдан құрып, қарсыласқан екі жау,
Таудай мылқау, бірінің де жоқ үні.

Екі жаудың біреуі — өлім, бірі — өмір,
Бір-біріне қайрасады тіс шықыр.
Бір мезгілде жаны жалын жас ұлан
Әлдеқайдан қан майданға келіп түр.

Жап-жас бала келе сала, қабагын
Түйіп, тартқан екі жаққа садағын.
Тастан қайтқан оғы тиіп өзіне,
Қан майданда қайтыс болған қарагым!

Ұлан өлген, мұны қорген екі жау:
«Мына ұланның емес, сірә, дені сау, —
Деді-дағы, шегі қатып құлісті, —
Әй, есалан!.. Ха-ха, ха-ха, ха-ха-ая!»

Жаны жалын, жаны шерлі жеткіншек,
Күлсін саған, сөксін мейлі көк есек.
Мен сөкпеймін сені, сонау толқынмен
Хан майданға неге ғана кірдің деп.

Мен күніренем, ұлы ойлар кеп басыма,
Жырласаң ед шомылып көз жасына:
Тұңғиқтың түбіндегі тамаша
Өзі-ақ көшіп келмес пе еді қасына...

Өмір, өлім — мәңгі аңдысқан екі жау,
Екі жауды бауыр қылар жыр бар-ая.
Сол жыр таптай, садақ тартпай, сабыр ғып,
Қан майданда күніренсең еді, сор бала-ая!

Ойлаймын да, өкінемін ғапылдығыңа,
Жаным сеніп еді жақындығыңа...
Жастай сөнген жалын жанды жеткіншек,
Күнәң ауыр, кешем ақындығыңа.

Өмір — дала, ақын — бала қаңғырган,
Жан сусынын көз жасымен қандырган.
Ақын — бөбек, өмір — көбік, тылсым-ды
Ойнап, арбап, бөбекті естен тандырган.

СЫРДАҒЫ АЛАШҚА

Атаң Отқа табынған,
Өзің бірге бағынған.
Тәңірің — Оттан бол үміт,
Атаң Отқа табынған.
Жан ба еді ол жауға жалынған?!
Сыр бола ма жыр мен От?

От дегенің аспан ғой,
Аспан жерді басқан ғой...
Төменге алыш төнген ол.
Бір дегенің жер ғой ол,
Жер дегенің — көр ғой ол,
Көрді сүйген, өлген ол.

Атаң Отқа май салған,
Жан ба еді жыннан тайсалған?
Жаһұт жапқан ажыдан.
Жанын жасып, кірлеген
Отпен аспанға өрлеген
Алады екен аластап...

Салық салған Сырдағы ел,
Көрге мұлгіп болма қол,
Атаң сүйген Отты сүй!
Шаппағанға шаң жүқлас,
Шаппағанға қан жүқлас.
Қүйдірем десен, өзің күй.

Отқа табын, Тәңір — От,
Оттан басқа Тәңірі жоқ.
Сөзім — Сырдағы алашқа:
Жаның жасып, кірлеген,
Отпен аспанға өрлеген
Жаныңды, алаш, аласта...

ТҰРАННЫҢ БІР БАУЫНДА (Сурет)

Ай туды, күнгірт кеш еді, алтын табақ,
Ару ғой Ай дегенің алтын қабақ.
Жұзінен сол сұлудың нұр төгілді,
Жапырақ — суда ойнаған алтын шапақ.

Жапырақ сәуле сүйіп дірілдеген,
Жел шіркін жаны күйіп күбірлекен.
Жерде су сылдыр қағып сүйінгендей,
Кей кезде күйік кернеп күрілдеген.

Ай қалқыды, сәуле аспаннан сорғалады,
Ағаштар ерке арудай ырғалады,
Арудың аққу мойны бұрылғанда,
Жұлдыздай жарқ-жүрқ етіп сырғалары.

Бөрік киген бүйра сеңсөң қара ағашы,
Алқызыл алқа киер алма ағашы.
Бөленген сары алтынға тапал інжу,
Басына ақық сепкен тағалшасы.

Шиесі мөлтілдеген маржан екен,
Маржаны жерде жатар арзан екен.
Жамбыдай жақұты көп анар байғұс,
Тырбыиып неліктен ол азған екен!?

Тізілген түйме меруерт тұтқа таптап,
Жандардай жарқыраған тәп-тәтті тап.
Жас өрік ай нұрында ақ алтындей,
Жас үзім — зұбәржаттан тізген шашақ.

Көк сұлтан, қызыл сұлтан — сұлтан егіз,
Бірі көк, бірі қызыл тәжі — жеміс.
Жан-жағың жемісті ағаш, аяқ астың
Жайнаған феруза гүл үшан-теніз.

Сыр сөйлеп сол гүлдерге сылдыр қағып,
Жатқаны тарам-тарам сулар ағып.

Терендік — мінсіз кезу, өн бойына
Қойған ба біреу әдей күміс жағып?

Сөуле ыргып талдың сұлу саласынан,
Неге ұзак бүйра бүлттың арасынан
Алтын Ай — ерке сұлу шықпай қалды,
Арылмай жүрек анық жарасынан?

Бір жым-жырт басты неге баудың ішін?
Құлпырып, неге өзгертті ғұлдер түсін?
Мынау жыр — шер жыры емес, хор жыры ғой!
Жыр қайдан? Өнім бе бұл? Әлде түсім?

Бұл — бұлбұл! Бұлбұл екен сиқыр көмей,
Не дейін, сонша сұлу, сиқыр демей!
Басында балбыратты, елжіретті
Біраздан жанымды ол алай-дүлей!

Ертеден сені іздеген мен едім ғой,
Тұранға бір сені іздең кеп едім ғой!..
Ширази, шеих Саади, Хайямдардың
Өртеген өзектерін сен едің ғой!..

Жүректе, мені де өрте, бір күл қалсын,
Жүректе, жоқ, күл емес, мың гүл қалсын...
Сайрапра өмір бойы судай сұлу,
Жанымда сиқыр жырлы бұлбұл қалсын...

Бебеу қағып, басты бұлбұл тербеткендей,
Тербетіп ырыс, аспанға өрлеткендей.
Ессіз боп бұлбұл құстың сиқырымен,
Кетті алып асай жүрек ырыққа көнбей.

Бергенде көтеріле от боп жанып,
Қиялдың толқындары алды қағып.
Толқыннан улы балды жұта бердім,
Кетпес-ая, мен татпасам, толқын танып.

Жұтсам да, жүзе бердім, сусын қанбай,
Қысылды кейде жаным шошынғандай.

Арылып бар күнәдан асау жаным,
Тәңірінің дарғаһына бас үргандай.

Жүрек те арылғандай жарасынан...
Сонда Ай да бүйра бұлттың арасынан
Жарқырап шыға келіп, ақ жүзінен
Төкті нүр талдың сұлу саласынан.

Жан-жақта көлеңкелер көлеңдеді,
Көзіме өлденелер елеңдеді.
Жүрегім дүрс-дүрс соғып, айта бердім,
Айтқаным: «Аят берә-ді, өлең берә-ді...

Білмеймін, көктен кәусар нұр құйылды,
Неге еken, көзіме ыстық жас жиылды.
Жок, әлі улы балға қанбадым ғой,
Бұлбұлым, әнің неге тез тыйылды?

Дариға, аяқталмай, үзілді жыр,
Сүм жүрек жалын болып қалды ғой құр.
Бұлбұлдың әнін үзген не болды еken?
Мынау не: көлдің беті жыбыр-жыбыр?

Көл беті жыбыр-жыбыр, бақа «бақ-бақ»,
Сайрасын енді қалай бұлбұл бейбақ?
Өмірдің өзгермейтін құрсын заңы —
Бір жақтан бұлбұл шықса, бақа шықпак.

Жыршы құс бақырайған бақа көрсе,
Бақылдап тырбық бақа әнін бөлсе,
Ойласаң ,таң қаларлық дәнене жок,
Құсадан ақын бұлбұл үнсіз өлсе...

Тұн өтті. Бозарғандай шығыс жағы,
Бақаның бітпек пе бір «бақ-бақ-бағы?»
Бұлбұлға сыйға тартқан сол сәулесін
Арсыз Ай бақаға да төкті тағы...

АЛАТАУ

Оранып өмір бойы көк мұнарга,
Аспанды алып Ала¹ емген арда.
Айбынды Аспан-ана алып тұған
Бебегін бөлеп қойған меруерт қарға.

Шыңдары Арсыменен араласқан,
Тәнірі тақ қылғандай тарғыл тастан.
Күніреніп қоныраулы қара нардай,
Қап-қара қорғасындей бұлты басқан.

Иірілген айдаһардай ашулы асқар,
Томсарған туганнан-ақ тарғыл тастар.
Құздарды мәңгі меніреу мәңгі басқан
Жауһардай жарқыраған аппақ шаштар.

Түк басып, тұла бойы толған кесте,
Қарағай, арша біткен өрлей төске,
Қарағаш, тал-тобылғы, жасыл шырша,
Қарақат, жиде, шие маржан түсті.

Сан шөптің түгесерсің атап қайсын:
Шымшуыр, көкемарал, уқорғасын.
Аһ ұрган Алатауда аруларың
Үнімен тыяды еken ыстық жасын.

Жануар бұғы, марал көз адасқан,
Ойнаган ешкі, теке оргып тастан.
Даланың еркелері — арқар, құлжа,
Құлдырап оқтай құлік елік қашқан.

Сары аю ойнайды еken таспен атып,
Бөрісі бекен жортқан түнде қатып.
Топ шие бір құлжаға жабылмақшы —
Қозыны жібергендей жамыратып.

¹ Алатау дегені.

Құздарда найза қия құстар шулар,
Төменде тасты сабап толқын тулар.
Аланың ақ төсінен орғып түсіп,
Сайларда салар ойнақ асау сулар.

Беттерін солтүстікке түзеп алып,
Шуласып, «Алатаулап» ұран салып,
Еліріп екпіндеген асаулардың
Құм жапқан көбі бірақ шөлде қалып.

Бір шетте жынды Қошқар Шуга шапқан,
Сусамыр арқасында сылдыр қаққан.
Арасан әулиенің ыстық жасын
Жиып ап, Ыстық Ата дауырыққан.

Алатау — алып ана көкпен талас,
Арда емген сол ананы тентек Талас.
Қырғызға қасиетті Талас сұын
Ертеде қоныс қылған батыр Манас.

Шындарын Алатаудың жел жайлаған,
Жел емес, қалың қырғыз ел жайлаған.
Желменен, желден жүйрік аңдарменен
Құздардан бірдей орғып, бірге ойнаған.

Сайларда сарқыраған селі ме еken?
Күніреніп көшкен қырғыз елі ме еken?
Алаштың қайсар ұлы — қайратты елдің
Манасы ел қорғаған ері ме еken?

Көп жылдар желдей заулап есті ме еken,
Алатау өсті ме еken, өшті ме еken?!

Кияның қыранындаі қайсар елдің
Басынан күнгірт күндер көшті ме еken?!

Қарлы асқар, мәңгі мұнар барлы ма еken?!

Қайратты ел қайғы жұтып, зарлы ма еken?!

Шер басып, алып азып, ерлер жасып,
Манас та үмыт болып қалды ма еken?!

Жоқ әлі! Қарлы Алатау қалыбында,
Толқындар тулайды әлі шапшып шыңға.
Көзінен — от, сөзінен уыт жоймай,
Қайсар ел ұмытқан жоқ алышын да.

Алатау өспейді екен, өшпейді екен,
Ауыздан алып аты түспейді екен.
Кәрілер: «Киелі ер-ай!» — деп күрсініп,
Жастары: «Ер ұрлағы — біз», — дейді екен.

Ақындар мұнды қияқ шалады екен,
От болып көптің көзі жанады екен!..
Жұмбақшы «Манасты» айтып жорғаласа,
Кәрі-жас көзіне жас алады екен.

Алашқа қайсар қырғыз бала ма екен,
Қайғымен қайсар жаны жара ма екен?!
Жаралы ел көшкен күнін жоқтай, жылай,
Құл болып, жасық жаспен қала ма екен?!

Тау өшпес аспан төніп, еміренген,
Сел солмас қарлы құз бен көк мұзды емген.
Ерлерін ел қорғаған есте тұтып,
Ел бітпес кеңес қылышп күніренген!..

Алаштың қайсар қырғыз баласына
Қосылса жара жанның жарасына,
Жас төкпей, өрлеп, өрлей Талас бойын,
Тәуеп қыл Манасыңың моласына...

ТҮРКІСТАН

Түркістан екі дүние есігі ғой,
Түркістан ер түріктің бесігі ғой.
Тамаша Түркістандай жерде туған
Түріктің Тәнірі берген несібі ғой.

Ертеде Түркістанды Тұран дескен,
Тұранда ер түрігім туып-өскен.
Тұранның тағдыры бар толқымалы,
Басынан көп тамаша құндер кешкен.

Тұранның тарихы бар отты желдей,
Заулаған қалың өрттей аспанға өрлей.
Тұранның жері менен суы да жат,
Теніздей терең, ауыр ой бергендей.

Тұранның егі-шексіз шөлі қандай,
Теніздей кемері жоқ көлі қандай!
Тұранның дария аталған өзендері
Тасыса, шөлді басқан селі қандай!

Тұранның таулары бар аспанға асқан,
Мәңгіге басын аппақ шаштар басқан.
Бауырында ерке бұлақ салады ойнақ,
Жаралып таудан аққан салқын жастан.

Шөлдер бар, жел де жүрмес, сап-сары құм,
Моладай ешбір үн жоқ мәңгі тып-тын.
Болмақ па жан-жануар шексіз шөлде,
Сар құмда салар ойнақ пері мен жын.

Тұранның теңіз дерлік көлдері бар,
Шалқыған егі-шетсіз Теніз, Арап.
Бір шетте қасиетті Ыстықкөлдің
Бауырында дүние көрген түрік кокжал.

Ертеде Оқыс, Яқарт — Жейхун, Сейхун,
Түріктер бұл екеуін дария дейтін.

Киелі сол екі су жағасында
Табасың қасиетті бабаң бейітін.

Тұранның Тянь-Шаньдай тауы қалай,
Пар келмес Тянь-Шаньға таулар талай!
Еріксіз ер түрікті ойга аларсың
Кекке асқан Хантәнірігे қарай-қарай.

Балқашты бауырына алған Тарбағатай,
Жоталы, жер кіндігі — Памир, Алай.
Қазықұрт қасиетті тау болмаса,
Топанда Нұқ кемесі тоқтар қалай?

Тұранның жері де жат, елі де жат,
Құйындаій бастан кешкен күні де жат!
Тұранды түгелімен билеп тұрган
Ертеде ертегі хан Афрасияб.

Ежелден жер емес ол қарапайым,
Білесің, тарихты ашсаң, Тұран жайын.
Тұранға қасиетті құмар болған
Ертеде Кей-Қызырау мен Зұлқарнайын.

Тұранға жер жүзінде жер жеткен бе?
Түрікке адамзатта ел жеткен бе?
Кең ақыл, отты қайрат, жүйрік қиял,
Тұранның ерлеріне ер жеткен бе?!

Тумайды адамзатта Шыңғыстай ер,
Данышпан, тұңғиық ой, болат жігер.
Шыңғыстай арыстанның құр аты да
Адамның жүрегіне жігер берер.

Шыңғыстан Шагатай, Үкітай, Жошы, Төле —
Атаға тартып тұған бөрі бөрі.
Шыңғыстың қол бастаған екі көзі —
Жолбарыс Сұпытаі мен көкжал Жебе.

Тұранның билері бар Тарагайдай,
Сол биден Темір тұған от боп ойнай.

От шашып жер жүзіне Ақсақ Темір,
Жарқ етіп өте шыққан нажағайдай.

Тұранды мақтамаймын тіпті текке,
Онсыз-ақ Тұран таныс талай шетке.
Сырласқан үйде отырып аспан-көклен
Білгіш аз жеткен жүйрік Ұлықбекке.

Асыл қан — қасиетті түрік қаны,
Сол қаннан — Ибн-Сина Әбуғали.
Молдығы білімінің сиқыр дерлік,
Дүниеге мұндай адам туды ма әлі?

Түріктің кім кеміткен мұзыкасын,
Фараби тоғыз ішекті домбырасын
Шерткенде тоқсан тоғыз түрлендіріп,
Жұбанып, кім тыймаған көздің жасын?!

Тұранда түрік ойнаған үсап отқа,
Түріктен басқа от болып жан туып па?
Көп түрік енші алышып тарасқанда,
Қазакта қара шаңырақ қалған жоқ па?

Арыстан елге Отан болған Тұран,
Тұранда қазағым да хандық құрган.
Қазақтың қасқа жолды Қасым ханы
Тұранның талай жерін билеп тұрған.

Әділ хан аз болады Назардайын,
Алашқа Есім ханның жолы дайын.
Тәукедей данышпан хан құрган екен
Басында Күлтөбенің Құрылтайын.

Бұл Тұран ежелден-ақ алаш жері,
Тұрансыз тарқамаған алаш шері.
Тұранның топырағында тыныштық тапқан
Алаштың арыстаны — Абылай ери...

Тұраннан Сарыарқаны бөлек деме,
Түркістан алты алашқа болған Кебе.

Тұранның топырағын құшып жатыр
Кешегі ердің ері көкжал Кене.

Шер батса — кім іздемес туған елін,
Түлпар да көксемей ме туған жерін?
Арқаның ардагері қалың алаш,
Тұран да, біле білсөң, сенің жерін!

Қырағы Тянь-Шань мен Памир, Алай,
Күтеді көптен сені қарай-қарай.
Кене мен Абылайдың жолын қумай,
Жапанда жайылудың мәні қалай?!

Ертеде Оқыс, Яқсарт — Жейхун, Сейхун,
Түріктер бұл екеуін дария дейтін.
Киелі сол екі су жағасына,
Болмаса, барсаңшы іздел бабаң бейітін!

СӨРСЕМБАЙДЫҢ ЖЫРЫ

Домбырам басы бал қурай,
Басына қонар бозторғай.
Қалампырлы насыбай,
Насыбайды атпасам,
Ауырар менің басым-ай!

Домбырам менің екі ішек,
Күніренеді еңіреп.
Мен де бірге күніренем,
Көзіме ыстық жасым кеп.

Ай, албар-ды, албар-ды!
Сөрсембайда зар бар-ды.
Зардан басқа не болсын,
Шықпаған құр жан қалды:

Бетегелі барқыттай
Белес-белден айрылдым.
Балдан қалған сарқыттай
Күміс көлден айрылдым.

Ай мүйізді ақ қошқар,
Ақтылы қойды бөрі алды.
Шұрқыраған жануар
Жылқыларымды ұры алды.

Ұры алмады, тұн алды,
Тұн алмады, жын алды.
Жаяу қалдым әйттеуір,
Біле алмаймын кім алды?!

Домбырамның құлағын
Бостау қылып бұрадым.
Жылқымның жөнін сілтеші,
Өркенің ессін, шырағым!

Домбырам менің қарагай,
Қылдың-ау, шіркін заман-ай!
Жат бауыр болған жас шіркін,
Кеткенің бе қарамай?!

Домбырам менің зарлайды,
Зарламайды, қаргайды.
Мен де бірге зарлаймын,
Көзімнен жас парлайды.

Домбырам басы бал қурай,
Қалампырлы насыбай.
Насыбайды атқан соң,
Жазылар менің басым-ай!
Жазылса да бас шіркін,
Тыйылмайды жасым-ай!..

ӘЖЕ

Сығырайған көзі көрінбей
Томар-томар былшықтан,
Отырса, бойы аспайды
Қолындағы үршықтан.
Алдындағы көжениң
Көрінбес беті қылшықтан.
Көжесін татпай әженің,
Жан болмайды құр шыққан.
Көжесін қойшы, кеңесін
Тыңдамай үйден кім шыққан?!
Сендер де тыңда, тентектер,
Тыйылып біраз шолжақтан.

Ертегі айтса, үршығын
Ұмытып әжең кетеді.
Жерде жатқан жұнді алып,
Қайта-қайта тұтеді.
Су сепкендей сап болып,
Тоқтайды сонда жөтелі.
Былшықтан көзі жылтырап,
Ту арқаннан өтеді.
Ал кіріссе ертекке,
Басы қалт-қалт етеді:
«Ертек-ертек, ерте екен...» —
Аузы балп-балп етеді.

«Ерте, ерте, ерте екен...
Тыңда енді ал, шырақ!
...Сүр мергенде болыпты
Сүліктей бедеу бір сүр ат...»
Қоя қойды Кенжетай
Жылаған жаңа нан сұрап.
Тыңдал отыр тентектер
Алма беті албырап,
Ауыздары аңқылып,
Сілекейі салбырап.
Қалғып бірақ барады
Кенжетай тентек маужырап.

ЖЫЛҚЫШЫ

Бораны — бөрі үлып түр,
Төбеттей тынбай үріп түр,
Сын тағылды қаңтарға.
Аман ба екен жылқышы,
Аман ба екен жылқысы,
Малға барған жан бар ма?

Тұтінді жерге тығатын,
Түкіріктен түйме тағатын
Аяз мынау шатынаған.
Хабар бар ма, мал қалай,
Малдағы жалғыз жан қалай,
Адам бар ма қатынаған?

Боран мынау қабандай
Арсылдаган шаба алмай,
Түбі қайыр болса игі.
Аяз анау жер тілген,
Үша алмай анау құс өлген,
Жылқышы қасқа не күйде?

Бір бұта жоқ — айдала,
Аппақ кебін айнала,
Қалтиып қос түр ма екен?
Құрт көжені сіміріп,
Тұмақты қойып жымырып,
Қасқып қасқыр жүр ме екен?

Ойнақ салған құр аттай,
Шұнаңдаған лақтай
Оргыса да аяз өкіріп,
Қозғап қойып арқаны,
Ермек қылып малтаны,
Түр ма екен шырт-шырт түкіріп?

Бораны әлде даланың
Бейітіндей баланың
Қосын басып, жығып па?
Қайран қасқыр-жылқышы,

Ығып кетіп жылқысы,
Ол да бірге ығып па?

Долы, пері, жын боран,
Сумандаған сүм боран
Кұлақ-мұрнын қарып па,
Күші кете беріп пе,
Үмітпен тұнгә төніп пе?
Бір малта жоқ-ау гарыпқа!

Жене ме, дүние-ай, тілсіз жау,
Алдында бір сай бар еді-ау,
Сол сайдан аман өтіп пе?
Құлап өлде тап соған,
Қарқ-қарқ күліп, басынан
Боран жүріп кетіп пе?

Алас ұрып, ісініп,
Есі кетіп жығылып,
Есіл ер үсіп өліп пе?
Ердің солай өлгенін,
Қардың қалай көмгенін
Құзғыннан басқа көріп пе?

Боран мынау қабандай
Қатуланған қаба алмай,
Түбі қайыр болса игі.
Басында, өлсе, сайғақ жоқ,
Өліміне айғақ жоқ,
Жылқышы сорлы не күйде?

АҚ ҚАЛА

Ауылдың алды омбы қар,
«Не бар! — Қолың домбығар!» —
Шешелері десе де,
Томпандаған бір топ бала,
Сокпақ болып ақ қала,
Кіріп кетті кесеге.

Беті ойнаған оқадай,
Оппа қарға опадай,
Күп берісті топырлап.
Топырлап, шулап, соқтыға,
Тоғытқан бейне тоқтыдай
Жылырласты шөпірлеп.

Күміс қарға көбіктей
Сұңгіп алып сұліктей,
Топырлаған топ бала
Қарақшыдай қалтиып,
Қарындары шартиып,
Бастады соға ақ қала.
Қарды соғып төрт бұрыш,
Төрт бұрышты қып кірпіш,
Үй іргесін қаласты.
«Мен оям!» — деп біреуі,
«Мен қоям!» — деп біреуі,
Терезеге таласты.

Терезелер ойылды,
Қардан құрсау қойылды,
Шаттықтың енді шегі жок.
Беттері болды бұлдірген,
Сар даланы күлдірген,
Күлкілері меруерт.

Қатар-қатар тізілді үй,
«Алақай», айғай, күлкі ылғи,
Күлді бірге ақ қала.
Ерінбесен, бар, қара:
Ойнап жүріп көп бала
Салып қойды ақ қала.

ЖАТЫР

Басқа жұрт аспан-көкке асып жатыр,
Кілтін өнер-білім ашып жатыр.
Бірі — ай, бірі — жүлдыз, бірі күн бол,
Жалтырап көктен нұрын шашып жатыр.

Таласып өнер-білім алып жатыр,
Күнбе-күн алға қарай барып жатыр.
От жегіп, көкте ұшып, суда жүзіп,
Тәңірінің рақметіне қанып жатыр.

Ойламай біздің қазақ текке жатыр,
Бір іске жанаса алмай, шетте жатыр.
Азырақ көз жүгіртіп қарап тұрсан,
Қазекең таң қаларлық кепте жатыр.

Байларың мынды айдаған шалқып жатыр,
Бар малын болыстыққа сарқып жатыр.
Барымта, ұрыс-керіс, кісі өлтіріс —
Ішінде сорлы қазақ қалқып жатыр.

Кең жері күннен күнге құрып жатыр,
Сүр жылан бар қан-сөлін сорып жатыр.
Астана, жұрт билеген адамдарды
Тәңірі күннен күнге ұрып жатыр.

Біреулер оқып төре болып жатыр,
Шен алып, бақыт құсы қонып жатыр.
Ұмытып өзін өзі бұл сабазың,
Жұртына қарсы таяқ соғып жатыр.

Шәкірттер медреседе шіріп жатыр,
Қайдағы ескі нұсқа көріп жатыр.
Оқыған, дін ізdegен байғұс шәкірт
Жемтікші құзғын болып кіріп жатыр.

Әйелдер мал орнына жүріп жатыр,
Жас қызын малға, шалға беріп жатыр.

«Бес байтал — әйел құны» деген бір сөз
Қармаққа талай жасты іліп жатыр.

Дау-жанжал ел арасы толып жатыр,
Өзара талас-тартыс болып жатыр.
Кешегі шешек жарған қазақ гүлі
Саргайып, бір су тимей солып жатыр.

Мінекей, қазақ солай бітіп жатыр,
Күннен күн артқа қарай кетіп жатыр.
Сезінбей өз өлгенін, өзінікін,
Аты өшкір оқығандар нетіп жатыр?!

ШЫН СОРЛЫ

Күн сұық, қатты аяз, шыдар емес,
Қар борап соққан желмен қылып егес.
Кедейлер үсіп-тонып, дір қалтырар,
Жылы үйде байлар жатар, уайым жемес.

Тұн болып, қара тонын киіп еді,
Қатты жел барлық күшін жиып еді.
Ақтарып астын үст қып, гулеп соғып,
Дөңдегі қарды ойға үйіп еді.

Дүрілдеп сұп-сұық жел соққан шақта,
Қар борап, үй айнала тыққан шақта,
Шыдамай жан-жануар жел өтіне,
Бұкшиіп теріс қарап ыққан шақта, —

Балтабай Оразкенді шаштан үстап,
Нығарлап әр түкпірге сүйреп тастап,
Құт ұшырараС естілген қатты дауыс:
«Анаң, енен!.. Шық үйден! Жолынды тап!»

Бейшара Оразкеннің тұсі қашқан,
Жылауға, қозғалуға есі адасқан.
«Аяғым ауыр, кой деймін!» — деп айтқанда,
Дүр қамшы ойнап кеткен қайран бастан.

Балтабай бір қолымен есік ашты,
Тепкен соң, сорлы Оразкен далаға асты.
«Кірме, өл далада, иттің баласы!» — деп,
Бекітіп, іште тұрып есік басты.

Оразкен екпінменен құлай кетті,
Есі ауып, жансыз болып, сұлай кетті.
Әдейі өшіккендей тасбауыр жел
Дүрілдеп, астын ұст қып борай кетті.

Оразкен бас көтерді есін жиып,
Көз алды дуласап кетті от боп қүйіп.
Басынан сорғалаған қап-қара қан
Ағады үлбіреген бетке тиіп.

Дәрмен жоқ, көзі тұнып, тұр балбырап,
«Жасаған, жарылқа!» — деп жәрдем сұрап.
Қар борап, дүрілдеп жел соққан шақта,
Кетеді сорлы Оразкен дір қалтырап.

ЖАЗҒЫТҰРЫ

Су ақты, жетті апрель, қырдан ойға,
Секіріп арық-тұрақ кетті тойға.
Жас бала: «Жазғытұры туды», — десіп,
Жабағы, көтерем тай, ақсақ қой да,
Қуанып жан-жануар, алшаң басып,
Қалмады қайғы-уайым ешбір ойда,
Нұрлы күн алтын нұрын шаша бастап,
Шықсын деп қыскы ызғар өткен бойға.

Су ақса, тау жаңғырар сылдыр қағып,
Дәл сұлу бұрандаған шолпы тағып.
Тұрлі үнмен жаңа келген жылдың құсы
Тұргандай қобyz ойнап, әнге салып.
Ұлы бай жылқы қамап, қыл күзеуге
Белсенген жылқышыға нокталатып.
Балалар етек түріп, зыр жүгіріп,
Батпакқа бірін бірі домалатып,

Қырдағы жылқышар үйқы көрмес,
Қолынан құлық бие құлындарып.

Май кірді, жер құлпырды, гүлдер жайнап,
Жібектей кекорайлар жатқан жайрап,
Сұлудай бұрандаған бұтактарда
Ән салып әр түрлі құс тұрган сайрап,
Суықтан тоңып өлген шыбын-шіркей
Тіріліп, қанат қағып, быж-быж қайнап,
Аспанда күн күркіреп, от жарқылдал,
Жылы жел қара бұлтты тербел айдал.
Уызға жана тойған жас құлынды
Шыңғыртып жылқышылар ұстап, байлап,
Азырақ, күйлі шыққан қысыр тайын
Балалар шапқыласқан мініп жайдак.
Қыс қысқан арық-тұрақ, жаман-жәутік
Кетті гой өлдеқашан тырақайлап.
Жаратқан жанға рахат жазғытұрды
Шүкір қыл бір Аллаға, «я, Құдайлап».

БҰЛБҰЛ

Сайрайсың мұнды күймен жүз құбылтып,
Кейде аяң, кейде желіс, кейде сылтып.
Денені сұытасың, ысытасың,
Тұрасың маужыратып кейде жылытып.

Құясың тәтті дауыс тамылжытып,
Тұрады жан-жануар дөмін жұтып.
Ү-шу жок, қарқ-шиқ еткен қарға, торғай
Ұялып, өлдеқайда кеткен жытып.

Ұста сөз, мұнды даусың басты байлар,
Тоқтаған шабуынан құлын-тайлар.
Даусынан елжіремес нәрсе бар ма,
Жас төгер бойы балқып терең сайлар.

Бұлбұл құс! Көзімде жас, кеудемде от,
Болып, мен саган келдім, ішімде шок.

Дертіме сенен ғана дәрмен болар,
Басқадан, анық білдім, еш пайда жоқ.

Бұл жерден ұшып кетші сөулем жаққа,
Барып қон нәзік қана бір бұтаққа.
Сейле оған ашындырып менің жайым,
Көнілін елжіретпей қанат қақпа!

Жұз құбылт дауысынды, өрте өзегін,
Ортенсін, қызыл жалын қыл төсегін.
Ойын ал, бойын балқыт, сүйдір мені,
Қалсын ол ойлай алмай өз есебін.

Тез, бұлбұл, мұнды дауыс, сиқыр тілдім,
Дәрменді қалың дертке сенен білдім.
Қылмасаң бір мейірім, сорлы пендең,
Қайғыдан, қолым жетпей, міне, өлдім!

ӨЛЕҢ

Тарықса жаным,
Ауырса тәнім,
Сүйеуім бар демейтін.
Ол болса менде,
Қозгалса жер де:
«Бұ не болды?» — демейтін
Жан сүйгенім — ол да өлен,
Жете алмасам, жолда өлем!

Жанымның жаны,
Тәнімнің қаны,
Тіршілігім сенімен.
Ойландым — тоймадым,
Іздедім — қоймадым,
Кенес біраз менімен.
Естісе сені — жан иір,
Бағаң білмес көп сиыр!

ЛӘЗЗАТ ҚАЙДА

Бұл жарыққа шыққан соң,
Іздейді көңілім күн-түні
Қайдасың, ләzzат, рахат деп,
Таппады сал боп еш мұны.

Ойында ма бос еткен?
Қайғыланған ойда ма?
Жүйрік тазы, сұлу мен
Қызойнақ иә тойда ма?

Байлықта ма, беклікте
Бетіне шірігі шықпаған:
Ас, ат беріп, жұрт аузын
Алып, оған ықтаған?

Ләzzатты іздең, көңілім
Аласұрған шарқ ұрып.
Біреуін де осы деп,
Қалмай жүрген бір торып.

Баяулады жалғыз-ак,
Мінеки деп тұрақтап,
Ләzzаттанып сөзіне,
Қолына кітап, құранды ап.

Айтар сөзім ендігі
Аласұрған көңілге:
Оқу оқы, өнер қу,
Басқалардан түніл де!

Жұрттың қамын көп ойла,
Уайым-қайғы жеп ойла!
Артта қалған сорлы жұрт
Алға бассын деп ойла.

ЖАЗФЫ ТАҢ

Жып-жылы тұн маужырап,
Көтерілген жерден бу.
Сағ күмістей жалтырап
Тыныш жатқан тұнық су.

Көкке тиген биік тау
Құшақтасқан тұманмен,
Қосылысып есен-сау,
Бал алысқан құмармен.

Ақырын ескен жылы жел
Маужыратып, тербетіл,
Таң атсын деп жайнап гүл —
Өсіп балам ер жетіл.

Шырылдап торғай аспанда,
Бытпылдығы ән қосып,
Шала-жансар жатқанда
Табиғатқа жан қосып, —

Таң алдында жалбарып,
Тәңіріге құлдық қылғаны,
Ісіне оның таңданып,
Көнділі Хаққа сынғаны.

Міне, алтын таң атты
Күншығыстан ағарып.
Көтеріп зұлмат қанатты,
Жер де кетті жаңарып.

Таң, Күн деген — жер жаны,
Бұл екеуінсіз жоқ сәні.
Оқу-білім — ер жаны,
Жараспас ерге құр жаны.

ЖАС КЕЛІН

Жаңа түскен жас келін,
Кемпірлерге ас келін.
Орамал-шаршы бермесе,
Абұйырсыз тас келін.
Алғанга қабақ шытпаса,
Сонда болар бас келін.

Жаңа түскен келіншек
Болмайды тіпті еріншек.
Құдайдың берген тоқтығы —
Ас болады ірімшік.

Жас келіншек — тоқ қонақ,
Болмайды тіпті сұғанақ.
Арып-талып жүрсе де,
Ойлайтыны жақсы атақ.

Бұрқыраған дауылда,
Сабап құйған жауында,
Л»м деп бір сөз шығармай,
Жас келін жүрер сауында.

Бірін бірі іздескен,
Қараңғыда көздескен,
«Басым жерге кіргенше,
Жаным — сен!» деп сөздескен.

Жас келіннің құйеуі —
Мұнын ашар сұйеуі.

АТАҚТЫ АҚЫН – СӨЗІ АЛТЫН ХАКІМ АБАЙҒА

Шын хакім, сөзің асыл — баға жетпес,
Бір сөзің мың жыл жұрсе, д»мі кетпес.
Қарадан хакім болған сендей жанды
Дүние қолын жайып енді күтпес.

Сөзіңде құлақ салып, баға бермей,
Қисайып, қыңырайды жұртың иттес!
Бұртиып, теріс қарап: «Аулақ жұр!» — деп,
Болды ғой жақын туған б»рі кектес.

Тыныш үйықта қабірінде, уайым жеме,
«Қор болды қайран сөзім босқа!» — деме.
Артында қазақтың жас балалары
Сөзінді көсем қылып, жүрер жөнгө!

Ай, жыл өтер, дүние көшін тартар,
Олтіріп талай жанды, жүгін артар.
Көз ашып, жұртың ояу болған сайын,
Хакім ата, тыныш бол, қадірің артар.

Жүрген жанның артында ізі қалар,
Етікші өлсе, балға мен бізі қалар.
Бір бай өлсе, төрт түлік малы қалар,
Жүйрік өлсе, артында сөзі қалар!

Сүм дүние сылаң беріп көптен өтер,
Сау қалғанның көбісі ертең бітер.
Тоқтамас дүниенің дөңгелегі,
Жүйріктің айтқан сөзі көпке кетер.

СОРЛЫ ҚАЗАҚ

Сорлы қазақ жан алқымға тығылып,
Қара күн кеп, тіккен туы жығылып,
Алға баспай, біткен ісі кер кетіп,
Нәр тата алмай, құшсіз, әлсіз бүгіліп;

Оқу-білім жақыннатпай, жолатпай,
Қырын қарап, қазақ ісін ұнатпай,
Пыр-пыр ұйықтап сорлы қазақ тек жатыр,
Қанды жаспен екі көзін шылатпай.

Қозғал, қазақ, білімге жүгір, кез келді,
Қылышын алып, «надандық» саған кезденді.
Шетке лақтыр, тұмақтай алып, тұра кеп,
Ертеңді-кеш басыңа мініп езгенді!

Кітап әпер, оқысын балаң, қолына,
Малды аяма оқу-білім жолына.
Өнер алып, басқалармен қатар бол,
Жер жүзі бір адамзаттың ұлына!

Байғұс қазақ бас көтеріп, тұрап ма?
Көңілі түсіп, білім мойнын бұрап ма?
Құні туып оң жағынан, солдан — Ай,
Оқуменен жайнатып дүкен құрап ма?

ӨНЕР-БІЛІМ ҚАЙТСЕ ТАБЫЛАР

Ер жігіт өнер табар ерте қуса,
Ерініп шаршамастай белін буса,
Үртүң-жыртын, жоқ-барға көңіл бермей,
Періште боп анадан қайта туса!

Жақын туған, бауыр деп айналмаса,
Қатын-сатын дегенге байланбаса,
Тынықпай, дамыл алмай ерте де кеш,
Ізденсе, кідірмесе, жайлансаса;

Дүниенің қайғысынан зарланбаса,
Көз қысып күлгенине алданбаса,
Қақ жарар қара қылды тура бөліп
Айтылған сөз жайынан жалғанбаса;

Өсектен ат-тонымен алыс қашса,
Естісе, үялғаннан бетін басса,
Жамандық — аты өшкірге жақын жүрмей,
Аяғын күндік жерден байқап басса;

Өзінен басқа жанды кем көрмесе,
Құтыртып, шабыстырып, жел бермесе,
Табылмас аузына су тамызушы,
Өзінің тар етігін кең көрмесе!

Көзі ашық адамдарға жақын жүрсе,
Олардың әрбір сөзін ұлғі көрсе,
Естіген сөз, көргенді бос тастамай,
Құлақ тігіп, көз салып, жиып-терсে;

Көніл көзі ашық жанды дос деп білсе,
Мылқау, меніреу, наданды қас деп білсе,
Бейнеттің мұнарланған шөл даласын
Ұжмақта хорлар тіккен қос деп білсе;

Білімсіз қатқан жансыз тас деп білсе,
Өнер-білім — қарны ашқа ас деп білсе,
Дүниенің теңізінде адасқанға
Тура жол көрсететін бас деп білсе;

Осы оймен тура жүрсе, бұлтармаса,
Басқага мойын бұрса, көз салмаса —
Өнер-білім жер астында болса-дағы,
Бір жетер, жалықтым деп тастамаса.

ТОЛҒАН АЙ

Тұрасын, мейірімді Ай, нұрың шашып,
Бұғып жүр қараңғылық бетін басып,
Толсаң да солсаң-дағы айрылмайтын
Жолдасың — жұлдызыңмен қол ұстасып.
Далада жолаушыға сен жолбасшы,
Егерде жазатайым жүрсе аласып.
Дөңгелек, жарасымды ақ келбетін,
Жүресің жылжып қана әсем басып.
Ажары ақ жамбыдай сұлулардың
Жалғанда тіпті кетпес көркі асып.
Сәулеңнің тұскеніне өлдекәндай
Теніздер жан тенгермес жатқан тасып.
Мәз-мейрам көкте қатар жүргеніне
Жұлдыздар иек қағып жымындастып.
Жалғыз-ақ іштен сені жек көреді
Екі жар қол ұстасқан сыйырласып.
«Жарықта қараңдап, бой көрінед!» — деп,
Бір-бірін сүйісе алмас мауқын басып.
Елжіреп көнілдері, құмар қанбай,
Айрылар біраздан соң амандастып.

ЗАРЛЫ СҰЛУ

Қайғыландың, зарландың,
Ісінді тастап, мұңайып.
Ойнамайсың, ойлайсың,
Кұлкіңе салды кім айып?

Жалғыз қалсаң бір үйде,
Өзінді өзің жылаттың.
Мөлдіреген көзінді
Қайғылы жаспен шылаттың.

Көп ойладың тыншымай,
Түнде де кірпік бір қақпай.
Талмай көзің жұмбайсың,
Ағарып сүттей таң атпай.

Жаңа піскен алмадай
Толып бір тұрған шағында,
Жастық қызығын көрместей,
Неге сынды сағын да?

Қайғыға салды кім сені
Тыныштық жүзін көрместей?
Өмір бойы бітпестей,
Зарың мәңгі сөнбестей.

Ернінді қозғап қайғымен,
Қай жауызды қарғайсың?
Сені бүйткен бейбақтың
Санадан жүзі сарғайсын!

БАЛАЛЫҚ ШАҒЫ

Балалық шағы —
Патшаның тағы,
Ала алмас оны бағалап.
Көп өтпей жыл,
Тек жүрмей, біл,
Ілгергі күнді сағалап.
Үйрен білім жастықта,
Білмесен, жанға қастық та!

Білімге жүгір,
Жоқ ойдан түңіл —
Ерікке қоймай, ентелеп.
Қайтпас уақыт,
Қал дәмін татып,
Бос өткізбе еркелеп!
Жастық деген — бағасыз,
Қадірін білмес санасыз.

Жастық — алтын,
Құрып қал салтын,
Салты оның — үйрену,
Өнер қуып,

Бел бекем буып,
 Надандықтан жирену!
 Тұрма, қарғам, ұмтыл!
 Аты өшкірден құтыл!

 «Білімсіз — есек,
 Опасыз» десек,
 Сейлеп, күліп жүрсе де.
 Өлікпен тең,
 Ит-құсқа жем,
 Тірі бол ғұмыр сүрсе де.
 Сондай болма, қарағым,
 Даляр болсын жарағын!

Білген жан — косем!
 Сейлесе — шешен,
 Жұртты аузына қаратар.
 Істегені — өрнек,
 Қор қылмас өрмек,
 Нәрсені іске жаратар.
 Білімдінің сөзі — ем,
 Мейірімі қөп, етек — кен!

Жұртына мақтаулы,
 Сыбаға сақтаулы,
 «Пәлі!» деп қарсы алар.
 Іс қылар тежеп,
 Жан-жүрек өжет,
 Бет келгенді арсалар.
 Қайды барса — сыйымды,
 Білімі — мал, бүйым-ды!

ТІРШІЛІКТІҢ КӨРКІ – ЕРИК

Тіршіліктің көркі — ерік,
 Адамдыққа ол серік.
 Бір кірген соң қақпанға,
 Қалар бұрынғы еркелік!
 Ойламай барып ұрынып,
 Өкінген аз ба ертелік?!

ҚАЗАҒЫМ

Қазағым, таянды гой қылта мойын,
Жер, мал кетіп, бос қалды біздің қойын.
Қарашы өзіңе өзің көз жүгіртіп,
Жараспас бұдан былай құлкі-ойын.

Жетті енді қам жер мезгіл, жатпа бекер,
Ойламау келешекті түпке жетер.
Надандық қоршап алған түс-түс жақтан,
Жан қорқып, дene тітіреп, есің кетер.

Тасталық болыстыққа таласуды,
Таласып, жаман көзбен қарасуды.
Мың-мыңның тәғілуі жетер енді,
Ізделік аққан бұлақ — қара суды.

Бар жерді күннен күнге алып жатыр,
Хохолдар алып қала салып жатыр.
Қырылысып өзді-өзімен қазақ сорлы,
Жерінен аузын ашып қалып жатыр.

Кел, қазақ, қолдағыдан құр қалмайық,
Отырайық жиылдып, ондалайық.
Мың жылғы өткен қуам деп ата занды,
Өнерден кеш қалармыз, ойланайық.

Жер қалар, біз жиылдып қала салсақ,
Қайдағы оңды жерді таңдап алсақ,
«Ауыл болсаң — қогам бол» деген сөзден
Бұлтармай, ертенді-кеш жүріп барсак.

Сол шақта көп түкіріп — көл де болар,
Көлде толқын айдаушы жел де болар.
Мектеп, медреселер көп салынып,
Ағайын, тату-тәтті ел де болар.

Жиылмай өнерге аяқ баса алмаспыз,
Нық сіңген надандықтан қаша алмаспыз.
«Заман тұлкі болғанда, тазы болмай»,
Биік қырдан алдағы аса алмаспыз!

МЫСЫҚ ПЕН ЕТ

Қарны ашып, мысық байғұс үйге кірді,
Қарады тіміскілеп әрбір жерді.
Жерден іздел дәнене таба алмады,
Ілулі шаңырақта етті көрді.

Қарады етке мысық көзін сатып,
Аlam деп секіреді кейде жатып.
Құдайға өкпелейді: «Қол бермедің,
Алар ем, — деп, — бұл етті ағаш атып!»

Не керек, ала алмады, азаптанды,
Ашудан өле жаздал аз-ақ қалды.
Қайтсе де ала алмасын білгеннен сон,
Мысығың өзіне өзі тоқтау салды:

«Қой, не керек, бұл ісің тіпті ұнамас,
Естісе, бұл қылығың қөпке ұнамас.
Сасыған, құрттап кеткен жасық етті,
Ханзада, жегеніңмен, ішке ұнамас».

Асылды, қолға түспей, жасық деуші,
Қолға түссе, жасықты майдай жеуші —
Артынан арқан бойы шығып тұрып,
Өз үйінде сабазың сыр бермеуші.

СҮЙГЕНИМЕ

Жандым-күйдім, сені ойлап, дамыл көрмей,
Еш жанға сенен басқа көніл бермей.
Сен — бір жақ, жалған — бір жақ, қатар қойып,
Сені іздедім, жалғаннан қолым сермей.

Қайғы жұттым, «аһ» десем, шықты жалын,
Сырттым — сау, ішімде — өрт жанған қалын.
Күйдірген қалың өрттің зардабынан
Өлгелі тұр сүмірейіп сорлы жаным.

Сөзім, көзім айтып тұр сүйгенімді,
Қуарған, сарғайған жүз, күйгенімді,

Талған жүрек, жүдеген, солған дене —
Сүюдің қолына ен тигенімді.

Күні-түн сені іздедім, қайғы жедім,
«Отқа түскен сорлыңды сүйші», — дедім.
Төгілген көз жасыма бір иімей,
Дененде аулақ салдың, қоспай жігің.

Жан ұрдым, жаным қидым, қайрылмадың,
Өміріңше «Кет әрменнен!» айрылмадың.
Шырылдаң көз алдыңда отта жандым,
Тіліңмен де бір аяп қайғырмадың.

Күн болған көңілімде сенің сәулең,
Болып ем өмірімше сорлы әурен.
Міне, мен сені тастап кетпекшімін,
Қош енді, жанып-күйіп сүйген сәулем.

Мен таптым, сүймесең де, өзіме жар,
Керегің жоқ, мейірімсіз жолыңа бар.
Маған енді ол жармен тыныш, рақат,
Бәрібір жазы-күзі жауса да қар.

Өміріңше бірге, тастап кетпегі жоқ,
Сен сықылды қайғылы етпегі жоқ.
Өзгермес бір қалыпта кең тіршілік,
Бірде шаттық, бірде мұң жетпегі жоқ.

Қош, сәулем, бермен қара, сорлыңды көр,
Амандалас, мен кетейін, қолыңды бер.
Алдыңда құшақ жайып қарсы алатын
Сүйген жарым — мейірімді ол қара жер!

ҚҮР ҚАЛЫППЫН

Сұлу қыз анадайдан сыландайды,
Тенімен ойнап-күліп, бұрандайды.
Адамзат бәрі ғашық, бәрі құмар,
Аң үрып, оны көрмей тұра алмайды.

Ептілер ебін тауып, жақындасты,
Болуга ең сүйгені жақын қапты.
Не қылсын өзінің қолы жеткеннен соң,
Меніреуді мен сықылды шақырмапты.

Білмеппін дәненесін сырт халықтың,
Сөз қатпай, таң атса да, құр жатыппын.
Ойламай, көз жүгіртпей, меніреу басым,
Жанаспай, жақын жүрмей, құр қалыппын.

ЖОҒАЛҒАН АЛТЫН

Апалап, уанбастан, жылаған күн,
Жүрем деп қаз-қаз тұрып, құлаған күн.
Еркелеп, құр былдырлап, өтірік жылап,
Алдына апам байғустың сұлаған күн.

«Апа», «мама» деген сөзге тіл келген күн,
Ауызға тозаң-топырақ, құл келген күн.
Сенделіп мас кісідей ыргаң-қиқаң,
Аттап аяқ басуға әл келген күн.

Біреу ұрысса, қамығып, жас келген күн,
Ойға жалғыз емшек пен ас келген күн.
«Болар енді, тойдым», — деп ас қайтармай,
Бере берсе, ретпен дес берген күн.

Аяқ басып қотанды, жүгірген күн,
Шешенің емшегінен түңілген күн.
Тыптыр-тыптыр ары-бері жарысқан боп,
«Кімді озды» деп, атаға жүтінген күн.

Тай мініп, желі айнала жарысқан күн,
Тен құрбы, балалармен алысқан күн.

Қымс етсе: «Әке, апа, тиеді!» — деп,
Жұдырықты кезек-кезек салысқан күн.

Батпаққа, қоға тартып, аунаған күн,
Көңілді ылғи ойынмен аулаған күн.
Ренжу, қабақ шыту, мұңаю жок,
Жаңбыры қайғы-зардың жаумаган күн.

Қымбат күн, қолға түспес сен алтын күн
Беретін іздеп тауып жоқты бар қып.
Жарқ еттің, коз ашқанша ғайып болдың,
Ашылмас қара тұман қаптады түн.

ОРАЗАДА

Таң алдында тамылжып,
Тәтті үйқыға батқан шақ.
Бір тамақтың қамын жеп,
Үйқылы-ояу жатқан шақ.

Тұра салып төсектен,
Дір қалтырап киініп,
Ойға кірер: «Кешікпен,
Уақыт бар», — деп сүйініп.

Ауыз ашып, қол салып,
Ашылмай жонді де козі,
Келгенде қарын құралып,
Көрінді-ау Шолпан жұлдызы.

«Жылдам іш», — деп жымындал,
Көз қысуын нетерсін?
«Карбытып іш, тынымдал,
Аштан өліп кетерсің!»

Алдына әкеп қатар қой,
Қай сүйгенін таңдасын.
Шай, қымызға әбден той,
Көңілде іңкәр қалмасын.

Тұндық жабық, от жарық,
Үйге сөуле кірмейді.
Іш, той, ындыныңды жарыт,
Танды үйден көз кормейді.

Ораза деген қазаққа
Құлшылық емес, әдет қой.
Еріксіз жүрмей азапта, —
Пайданы ойла, қам ет, қой.

ТІЛЕГІМ (Қыздың зары)

Қайғылы қыс қар, боранмен қорқытып,
Жанға рақат жайнаған жаз бітпесе,
Сыландаған алтын құнім тез өтіп,
Қайғы-мұнмен жас төгер шақ жетпесе;

Жасыл шешек, қызарған гүл солмаса
Қаны қашып, көркі бітіп, қуарып,
Періштедей жас қызы қатын болмаса,
Алмадайын қызыл беті суалып;

Алмаспаса, өзгермесе бұ дүние,
Жақсы-жаман тұрса өзінің қалпында!
Бірақ білген, солай қылған Тәнірі Ие,
Мен де көндім, басымды идім алдында.

Берсін атам, малға саттай, теңіме,
Маған жолдас ол мал болмас, ер болар!
Құр қызықсан ата заты, тегіне,
Көзің нұры балаң өмірі шер болар.

Мейірімді Ием, таза, нәзік әйелді
Қара жүрек қазаққа неге жараттың?
Ах, зар қылды, құлағына кім ілді?
Сорлыларды жауыздарға қараттың!..

ҚҮЗ

Бүркырап қара дауыл соғып тұрган,
Көкорай түсі қашып солып тұрган.
Шыдамай қатты ызғарлы жел өтіне,
Бүрісіп ағаш, шөптер тоңып тұрган.

Көрік жок ойда-қырда, шығып жүрсөн,
Естілмес құс, құрт даусы, құлақ тұрсөн.
Қақтанған, жамыла түсіп, от маздатып,
Көресің кемпір-шалды, үйге кірсөн.

Масатыдай құлпырған жердің жүзі,
Аяқ бассаң — табанға өтер сызы.
Кемпір болған, бет-аузы қатпарланып,
Бұрандаған кешегі сұлу қызы.

Қысқасы, жер жүзінде көрік біткен,
Қараган да, сұлу қыз қайта кеткен.
Жыламсырап, мұңайып жанды-жансыз,
Қатты аязды, қайырымсыз қысты күткен.

Осы уақыт шаһарға тұрсаң қарап,
Тұрлі жұрт тұрлі істе жүрген тарап,
Көше бойлап, оқуға шапшаң басып,
Шаттықлен жас балалар боқша арқалап.

Қыс, күз болмас оларға көңілсіз шақ,
Оку біліп, айырар қара мен ақ.
Өнерленген дүниеге үстад болған,
Қолдарында олардың тәж бенен тақ.

Қарасаң сонда қазақ арасына,
Ойнаған жалаң аяқ баласына,
Кетеді іш елжіреп, жанып-күйіп,
Көңілдің тұз сепкендей жарасына.

Жас өмір надандықта өткен босқа,
Оқымай, өнер қумай жазы-қыста.

Білімнен ат-тонымен қашқан қазақ
Сайлауга таласуға қандай үста.

Баласын оқытумен жок жұмысы,
Ел бұзу, малын шашу — барлық ісі.
Ойлаган бір күн бұрын тандағы істі,
Япым-ау, айтсандашы, бар ма кісі?

Басқа жүрт балалары оқу қуған,
Біліммен өз жүртіның бетін жуған.
Ішіп-жеп, босқа жүрсе хайуан малдай,
Адамзат жер жүзіне не үшін туған?!

Қор болдық, өнер қумай, қайран елім!
Күш кетіп, талай жаннан кордік керім.
Сұлық боп, жан шыққалы түр таяулап,
Маңдайдан шып-шып шығып өлім терің.

ОСЫ КҮНГІ КҮЙ

Ойламай отқа түскен неткен жанбыз,
Сөз үқлас мылқау, меніреу, жүрген жалғыз.
Көрінбес көзге түртсе қараңғыда,
Япым-ай, қалдық па енді тіпті таңсыз?
Тақаулы тамағында өткір пышак,
Тек жатыр түяқ серіппей сонда да аңсыз.
Тыңдамас, сөзге түспес, ырыққа көнбес,
Болды ма қайран қазақ тастай жансыз?
Жер кетті, жаның кетті, қам жемедін,
Құл болдың қара табан енді малсыз.
Ортага қамап алып қырып жатыр
Қара жүрек «надандық» қолмен сансыз.
Қазагым, арыстаным, қайратты ерім,
Түрдің ба қару қылмай, құр амалсыз?
Өзіндей адамзаттар не ғып жатыр,
Бос жүрсің баспаңасыз, үйген тамсыз.
Сандалдың: алдың — боран, артың — тұман,
Түк көрмей сөүле берер шырақ-шамсыз.
Білімсіз ит надандық женғені ме?
Буының қалтырайды болып әлсіз.

МЕН СОРЛЫ

(Шәкірттің зары)

Талайсыз, бақсыз мен сорлы,
Бір ісім оңға бармаған.
Мен не жаздым оғурлы,
Тәңірі мұнша қарғаған?

Талпындым, түстім ізіне,
Оңдалмады бір ісім.
Қарамай құлың жүзіне,
Алла-ау, көрсеттің қысым.

Бел будым, түстім әр жолға,
Тілегім қайтсем табам деп.
Қарамадым оң-солға,
Тілегім үшін шабам деп.

Не қылсам да түспеді
Усысма құғаным.
Жібермеді, күштеді
Жақын бауыр, туғаным.

Таласқа салды жиганын,
Барын, арын аямай,
Оқуға бермей — тыйғанын,
Алды-артына қарамай.

Білім іздеп сусаған
Жылайды пендең алдында.
Мейірі кең Жасаған,
Құр алақан қалдым ба?..

АЛДАНҒАН СҰЛУ

Күні кеше толған Ай жүзің еді,
Сиқырлы қара нәркес көзің еді.
Мап-майда мамық қардай мінсіз денен
Бейне бір бақшадағы үзім еді.

Жел тимей, кірсіз тұрган кезің еді,
Жандыға жақсы дәру сөзің еді.
Басып кеткен пайғамбар іздеріндей,
Қадірлі аяқ басқан ізің еді.

Ал бүгін ол көріктің бәрі де жоқ,
Ақ марал, аяғыңа дәл тиген оқ.
Өкіндің, жастық, мастық ісің өтті,
Ан үрдың, сыртың — жалын, ішінде — шоқ.

Тіліне қу тұлкінің тез алдандың,
Ойламай таңдағыны, тез күп алдың.
Тап-таза ат, көркем көрік — бәрі кетіп,
Өміріңше құтыла алмас отта қалдың.

Таралды жұрт аузына жаман атың,
«Бұзылған!» дейді енді жақын, жатың.
Ызындал ол да, бұл да сол сөзді айтар,
Жас төкпей нағып сонда шыдар дәтің.

ТУҒАН ЖЕР

Бұл жарыққа аяқ басып туган жер,
Кіндік кесіп, кірім сенде жуған жер.
Жастық — алтын, қайтып келмес күнімде
Ойын ойнап, шыбын-шіркей құған жер.

Жаратылым топырағынан, сен — түбім.
Жалғаны жоқ, бәрі сенен жан-тәнім.
Сенен басқа жерде маган қаранғы,
Жарық болар Шолпан, Айым, сен — Күнім.

Тәтті суың дәмі аузымнан еш кетпес,
Калың нуың, қыр, суыңа жер жетпес.

Кең даланда ойын ойнап қалсамшы,
Жазу болып адамзатқа ер жетпес!..

Балақ түріп, қозы қуып, жарысып,
Батпағында тен құрбымен алысып,
Тұнде — ақсүйек, алтыбақан, ал құндіз
Үйретем деп асау тайга жабысып.

«Адам басы — Алла добы» деген рас,
Қалай қуса, солай кетпек сорлы бас.
Кім біледі, мен де шетке кетермін,
Тұған жерім, сені тастап басым жас.

КӨҢІЛ

Сүм көңілге разы емен мен,
Тез жанад да, тез сөнед.
Бір тілегін істесең сен,
Оған басқа ой келед.

Жас баладан артық жеңсік
Мұндай нәрсе көрmedім.
Тұрағы жоқ шайтан секек,
Тіпті-ақ сырын білmedім.

Бір жар іздеп, болса әуре,
Таптым, бардым қасына.
«Аш құшагың, — дедім, — сәуле!»
Шомылып көз жасыма.

Жанған жүрек, жасты көріп,
Көңілі сенгіш перизат:
«Ақырын, — деді қолын беріп, —
Жанба, сәулем, көрме жат!»

Жанып-куйіп сүйсө таңда,
Кешке сөнген ол отсыз.
Бүгін мұнда, ертең анда,
Тым-ақ нәрсе ұтсыз.

ЖАРЫМА

От жұтқан тұысқанның халін көріп,
Күнәсіз судай аққан қанын көріп,
Айрылған ар-намыстар қарындастың
Көз жасы, қалың қайғы, зарын коріп;

Елжіреп жүрек-бауырым, ішім еріп,
Бейнетке белді буып, қолды беріп,
Ант етіп айнымасқа ес білгеннен,
Байлаулы бауырыма тілеп ерік, —

Жан жарым, ұзак, қызын түстім жолға,
Алдында тұпсіз дария, сор да, ор да.
Бетпақ шөл: сусыз, отсыз, қайнаган құм,
Ысқырған жылан, шаян оң мен солда.

Өткелсіз, қарлы, отты таулар асқар,
Мейірімсіз табан тілер қия тастар...
Кім білед, қуат құрып, арып-талып,
Төгетін күндер болар ыстық жастар.

Сол күнде, алтын сәулем, қолынды бер,
Жасытпа, жолым бастап, алдында жүр.
Қара тұн қорқынышты қаптағанда,
Жарқырап жұлдызым боп төккейсің нұр.

Айрылса иманынан көңіл құбыл,
Кейін қайт, жапа шекпей, жазым деп жол.
Жан салып, тура, қайтпас жүрек беріп,
Жаңадан жаратып сен — Аллам да бол!

Жол алыс, жақын үшін жаннан кештім,
Бауырдың халін көріп, бейнет құштым.
Құшақта, сүй, күл, жыла, қайраттандыр,
Жан жарым, ұзак, ауыр жолға түстім.

ТӨБЕТ

Тұн бойынша сақ төбет
Үріп шықты шарқ ұрып,
Жауды біліп аңдыған.
Ас берmedі бәйбіше:
«Үрдін, — деп, — босқа құр кеше,
Барқылдақ, — деп, — алжыған!»

Тұн болды тағы, көр төбет
Бұралып жатты, үндемед, —
Қайтсін сорлы, қажыған!
Білгенін бөрі істеді,
Төбет тағы естіді
Кешегі сөзді «алжыған!»

ЗАР

Күз жетіп, жердің жүзі солғын тартса,
Алтын күн нұры кеміп, салқын артса,
Жер жүзі өлім күтіп тұрса жылап
Сексенде селкілдеген байғұс қартша;

Қатты қыс кірейін деп есік ашса,
Қызыл ғұл қорыққаннан түсі қашса,
Әл кетіп, бұлғақтаған бұтақтарда
Жапырақ: «Ал өлдік!» — деп сыйырласа, —

Қайғырман, сірә, осы қыс жетті екен деп,
Есіл жаз бір күндей бол өтті екен деп,
Артына қатты сұық, қайғы тастап,
Жолымен «Барсакелмес» кетті екен деп.

Қыс өтер, мезгілімен жаз да болар,
Қар еріп, ойпан жерлер саз да болар.
Теңіздей толқындаған шалқар көлде
Тұрлі құс: үйрек, аққу, қаз да болар.

Алтын күн алтын сәуле жерге шашар,
Жан кіріп, жан-жануар қыбырласар.

Күркіреп қара бұлт аспан-кокт^е,
Жасаған кең рақметтің кілтін ашар.

Созім жоқ дәл осылай болуында^a,
Бар қайғы, қалың дертім менің мұнда:
Көнілдің баяғыдай мінезі жоқ,
Соғады жүрек зорға, келші, тында.

Жоғалды, батты, кетті сәулем — Күнім,
Жайнаған жұз құлпырып қызыл гүлім.
Сәулесіз, Айсыз, Күнсіз қараңғыда
Өтермін ах үрумен шықпай үнім.

Жалғанның бір көрермін көп пен азын,
Өмірімде енді болмас жылы жазым.
Енді бір өлгенім де, жүргенім де,
Колымнан үшқаннан соң қоңыр казым.

ДІН ҮЙРЕТКЕНГЕ

Қарманбай, қарап жатып бақ күтуге,
Ізденбей аласұрып, тақ күтуге,
Тағдырда, бір тактайда жазулы деп,
Әр іске кім үйретті шақ күтуге?

Шарқ үрып ерікке үмтүлған үшқыр жанды,
Қайнаған тамырдағы ыстық қанды
Тұтқын ғып кім қамады? Кім сұытты?
Кім алды қалың қайрат, күшті, өлді?

Кешегі арыстанды айбыны зор,
Жүректі жолбарыстай қайраты мол
Айырып ар-намыстан, күштен, естен,
Кім қылды шала-жансар бір қорқак құл?!

Ақылға, жан-жүрекке кісен салды,
Көрмейтін көзді көр ғып артты-алды.
Үйретіп дін деп құлдық, қорқактықты,
Қандай құл бізге молда бола қалды?!

Ойламай, қорқақ құлдың тіліне еріп,
Жай жатып, тәуекелге тізгін беріп,
Мінекей, айрылдық қой бақтан, тақтан!
Қайтейін, әсіресе, есіл ерік!

Жоқ енді, жату болмас бос еңбексіз,
Жалбарып «Жасаган!» деп жас төкпеспіз.
Өзің де, сөзің де кет бізден аулак,
Жаны өлген, жүргегі өлген мұндар кексіз.

Біз жаңа көрдік таңның желі ескенін,
Салқынмен сескендірмек боп ескенін,
Сылдырлап су, сыбырлап жапырақтар:
«Есінді жи енді, алаш, тұр!» — дескенін!

Міне, Күн! Сәулесі алтын жерді құшты,
Жарыққа қуанысып құстар үшты.
Ізгі оймен ерік тілеп, жарық тілеп,
Үшамыз біз де жиып есті, құшті!

ОРАМАЛ

Қасірет батты жаныма,
Уға толды жас жүрек.
Орамалды жарыма
Бітірем қашан кестелеп...

Күз сарғайтты қайынды,
Мен де бірге сарғайдым.
Кара бұлт жауып Айымды,
Жылаймын, күйем, зарлаймын.

Толып қалды тәрт айға,
Күйікпенен күн өтті.
Жарымды өкіріп отарба
Қанды жаққа әкетті.

Елін ойлап қамығып,
Жүргегі толып дерт-шерге,

Жүр екен жаным жабығып
Осы күні қай жерде?

Жарқ-жүрқ сансыз көзі бар,
Бейне жынның ұясы,
Ың-жың, у-шу сөзі бар,
Түсірмес жарық қиясы.

Жылды жүзді жаны жоқ,
Қалада жүдеп жүр ме екен?
Жақыны жоқ, жары жоқ,
Жалған оған көр ме екен?

Солдатша сымдай киініп,
Шекпені оның сүр ма екен?
Күрегіне сүйеніп,
Суықта жаурап түр ма екен?

Жатқан шығар ор қазып,
Жауға ма әлде өзіне.
Бұрыла алмай бой жазып,
Қайғы шығып жүзіне...

Қасірет батты жаныма,
Уға толды жас жүрек.
Орамалды жарыма
Бітірем қашан кестелеп?..

Орала берме, жібегім,
Тезірек жүрші, сен де, біз.
Сенсің қымбат керегім,
Алақандай ақ бәтес.

Қайғыдан өлсем, арман жоқ,
Ақиреттік жолдасым.
Көзімде жас қалған жоқ,
Кестеге сінді бар жасым.

Орамалды алып сорлыңнан,
Көзіне жасынды іріккенде,

Күрсініп ауыр, сөулемжан,
Көзінді ақырын сұрткенде;

Жасаған Ие, тілегім:
Аралассын жасқа жас.
Орала берме, жібегім,
Сенсің жаным, ақ бәтес.

Қасірет батты жаныма,
Уға толды жас жүрек.
Орамалды жарыма
Бітірем қашан кестелеп?..

ОРАЛ

Ұзын Орал — күн мен түн шекарасы,
Бір жағы — күн, бір жағы — түн баласы.
Арғы жағы — көк көзді жын ұясы,
Бергі жағы — Түріктің сар даласы.

Аскар Орал — кәрі Алып күзет тұрған,
Күн мен түн арасында «Қытай қорған».
Денесі — тас, қарагай — қою мұрты,
Оң мен сол, тұстікке ол мұртын бұрган.

Қарамай еш нәрсеге көзім тоқтап,
Келіп ем алыбымды аңсап-жоқтап.
«Ұйқы — дүшпан» деген сөз дұрыс екен,
Сол Алыптан өтіппін түнде ұйықтап.

Кеш, Алыбым, жүзінді көре алмадым,
Алдында иіліп сәлем бере алмадым.
Амал не, сар даладан сақ елші бол
Құзеттегі Алыпқа келе алмадым.

Ұзын Орал — күн мен түн шекарасы,
Өлім — түн, өмір — гүлді Гун даласы.
Өмір менен өлімнің шекарасын
Ұйықтап озбақ ежелден жер баласы.

Екі дүние: күн мен түн, омір — өлім,
Бірі — бесік, біреуі — даяр көрің.
Бала болып жата бер бесігінде,
Сар даланың еркесі — қазақ елім.

ЖЕР ЖҮЗІН ТОПАН БАССА ЕКЕН

Жер жүзін топан басса екен!
Асқар таудан асса екен!
Таудай толқын құтырып,
Улы көбік шашса екен!

Басса екен топан жер жүзін!
Жапса екен көбік күн көзін!
Жанды, жансыз жоқ болып,
Қалсам жалғыз бір өзім!

Жан иесі тұншықса!
Үн иесі үн шықса!
Қараңғы жердің көгіне
Күн болып сонда мен шықсам!

Қандай ойын салар ем!
Жалынмен бәрін жалар ем!
Егі-шексіз дүниеде
Жалғыз өзім қалар ем!

Заулаған от — жалғыз жан,
Жер мінезді жоқ адам.
Заулап тұрган отымнан
Жаратар ем жана адам.

АҚСАҚ ТЕМІР СӨЗІ

«Жиһан деген не нәрсе? —
Алақанның ауданы!
Бір ауданда көп Тәнірі
Болудың тіпті жоқ сәні.

Тәнірі — көктің Тәнірісі
Күніренсін, көгін билесін!
Жер Тәнірісі Темірмін,
Жеріме Тәнірі тимесін!»

Көк Тәнірісі — Тәнірінің
Тұқымы жоқ, заты жоқ.
Жер Тәнірісі Темірдің
Тұқымы — түрік, заты — от!

ЖАРАЛЫ ЖАН

Сар дала бейне өлік сұлап жатқан,
Кебіндей ақ селеулер бетін жапқан.
Тау да жоқ, орман да жоқ, өзен де жоқ,
Сәуле емес, қан шашып түр күні батқан.

Жалқау жел өзін өзі зорға сүйреп,
Жан-жакты жүргендей-ақ жындар билеп.
Ың-жың дауыс келеді құлағыма,
Перілер ән салысып, түр ма күйлеп?..

Жаралы бір жан жатыр құба жонда,
Бір қисық жалғыз аяқ сүрлеу жолда.
Пернесі, нұры кеткен көзіменен
Қарайды бейшара жан оңға, солға.

Қысылған сорлы адамның шыбын жаны,
Шапшып түр жүргегінен ыстық қаны.
Ішті өртеп, жүректі елжіретед
Күніреніп сол сорлының сарнағаны:

«Ойпырым-ай, Алла-ай, Жасаған,
Қысылды ғой шыбын жан!

Қуат кеміп барады,
Көл болды мынау аққан қан.

Тәнірі, өзіңе жылайын,
Хал жок, қалай тұрайын!
Жүректі жара жеп барад,
Жасаған-ау, қалай шыдайын?!

Соқпа, сорлы жүргегім,
Шірі енді, ақ білегім!
Мынау қарға, құзғынның
Бердің-ау, Тәнірім, тілегін!

Сауықшыл есіл елім-ай!
Сарыарқа сайран жерім-ай!
Күмістей таза сұы бар
Айдын шалқар қолім-ай!

Сол жерде ойнап жүре алмай,
Сауық-сайран құра алмай,
Қарғаға-құзғын жем болып,
Қалғаным ба, бір Алла-ай?!

Қиналдың-ау, шыбын жан,
Токталсаңшы, ыстық қан!
Зарлайсың гой жетім боп,
Бесікте қалған балапан!

Қара шаш қайран жарым-ай,
Қараашығым, жаным-ай!
Құлағыма келеді
Алыстан аңы зарың-ай!

Қиналдың-ау, шыбын жан,
Токталсайшы, ыстық қан!
Тұлпарға мініп бір шапсам,
Болмас еді басқа арман!

Хал жок, қалай тұрайын?
Тәнірі, өзіңе жылайын.

Жұректі жара жеп барад,
Жасаған-ау, қалай шыдайын!

Түсті ғой қысым жаныма,
Тұншықтым ғой қаныма!
Ием болсан, Жаратқан,
Салсаңшы құлақ зарыма!

Күштісің ғой, Құдірет,
Періштеңе әмір ет!
Қанатпен бір сипасын,
Жазылсын ішкі-тыскы дерт.

Болмаса, өмірді маған көп көрсөн,
Лагнет деп мені жек көрсөн,
Өлейін, тез өлейін,
Келсін ібіліс, у берсін!

Түсірме қысым жаныма,
Тұншықтым ғой қаныма!
Ием болсан, Жаратқан,
Салсаңшы құлақ зарыма...

Берді Тәнірім тілегім,
Қуан енді, жүрегім!
Не періште, не ібіліс
Келеді үшып — керегім!..

Сауытты оң жақ қолыңа ал!
Сауытта жұмақ сұы бар
(Әйтеуір азап тоқталад),
Не тамұқтың уы бар!»

Жаралы құба жонда кім зарлаған,
Қансырап, қанын жұтып кім сарнаған —
Қайғылы сар даланы құніренткен
Зарына адам шыдап тұра алмаган?

Бұл — қазақ, Тәніріге зар еткен қазақ!
Қиналышп, қанды азап шеккен қазақ.

Әйтеуір қанды азаптан құтқарап деп,
Оқыған азаматын құткен қазақ.

Азамат! Анау қазақ қаным десен,
Жұмақтың сұын апар, жаным десен.
Болмаса, ібіліс бол да у алып бар,
Тоқтатам тұншықтырып зарын десен!..



118(1) 17)

БАТЫР БАЯН

Бірінші тарау

Жүргегім, мен зарлымын жарадыға,
Сұм өмір абақты ғой саналыға.
Қызыл тіл, қолым емес, кісендеулі,
Сондықтан жаным қүйіл жанады да.
Құ өмір қызығы жоқ қажытқан соң,
Толғанып қарауды сол баяғыға.
Түйіннің тоқсан түрлі шешуі бар
Әдемі ертегідей баяғыда.
Әдемі өткенде ойлап айнымасам,
Сұм өмір күшті уын аяды ма?

Ертегі уаттай ма баланы да,
Сөз сиқыр ғой, жазбай ма жараны да?
Ақын да бір бала ғой айға үмтылған,
Еркімен өзі-ақ отқа барады да.
Жай тақтақ жабайыдан жол қалғанда,
Қанды ор бол ақын жолы қалады да.
Ойлайды, күніренеді, толғайды ақын,
Күрсініп көзіне жас алады да.
Ақында адамзаттан дос болмайды,
Жалғыз-ақ сырын сөйлер қаламына.

Мен де ойды ағытамын қаламыма,
Арқаның көз жіберсем алабына:
Сарыарқа — сары дария, қыры жоқ,
Көз болсын қандай қыран, талады да.

Ішінде сары дария көз тоқтатар
Көкшетау — Сарыарқаның аралы да.
Көкшеде күні кеше қойдай өрген
Тұрлі ан: бөрі, бұғы, маралы да.
Айрылып асау, ерке андарынан,
Көкшениң тас жүрегі жаралы да!

Арқада жер жетпейді Бурабайға,
Бөлөнген бүйра сыпсың қарағайға.
Бұлт құшқан мәңгі мен-зен Көкшетауға
Бөлектеу: «Ой, бауырым!» — дер анадайда.
Оқжетпес наиза қия — қыранға үя,
Қарасаң, жанның шері тарамай ма?
Солардың ортасында Бурабай кол
Мөп-мөлдір, дөп-дөңгелек үқсайды Айға.
Бурабай — Арқа аралы, жер еркесі,
Ертеде қоныс болған Абылайға.]

Бауырында Бурабайдың қалың ағаш,
Көкшениң жалыменен біткен жалғас.
Арудың ақпен өрген тұлымындей
Қарағай, қызыл қайың, тал аралас.
Ертеде жел өтпейтін қызыл ағаш,
Дариға, бұл құндерде жап-жалаңаш!
Қабірінен оулиенің алашқа артық,
Ертеде Абылайға орда болған ағаш.
Ордасын сол ағаштағы Абылайдың
Меккедей тәуеп қылған тамам алаш.

Қын күн туған алаш баласына,
Шұбырып жапанның сар даласында,
Кез болған, жаудан үркіп, «Ақтабанға»,
Дүшпанның қалғандай бол табасына.
Арқага аяқ салып, түскен барып
Екі оттың — орыс, қытай арасына.
Күндерде сонау қара, тапсырған ел
Тағдырын Абылайдай данасына.
Сол күнде ел қорғаған Абылайдың
Қылсан да аз қанша тәуеп моласына.

Алыстан орыс, қытай — ауыр салмақ,
Жақыннан тыншытпайды қалың қалмақ.
Артында — ор, алдында — көр, жан-жағы жау,
Дағдарған алаш енді қайда бармақ?
Сол кезде елге қорған болған Абылай,
Көп жаудың бірін шауып, бірін арбал.
Құндердің бір күнінде хан Абылай
Қалмаққа (ойына алды) ойран салмақ.
Ханынан «Аттан!» деген сөз шыққан соң,
Ордаға батыр, билер келді андал.

Жиылды өңшең ноян ығай-сығай,
Байжігіт, Тасболат пен би Толыбай,
Ту баста Абылайды хан көтерген
Қамқоры Қарауылдың шешен Қанай,
Ашуы жауған қардай, шоккен нардай
Қарт қыран Қанжығалы қарт Бөгенбай,
Бекеніңің жас жолбарыс жеткіншегі
Аузынан жалын шашқан жас Жанатай,
Найзасын нажағайдай ойнататын
Жас барыс Бәсентиін Сарымалай.

Балталы, екпінді оттан Оразымбет,
Сыргалы, шапшаң оқтан ер Елшібек,
Өзіне тірі жанды тең көрмейтін
Тәкаппар Қошқар ұлы ер Жәнібек,
Қалданға ханмен бірге тұтқын болған
Жолдасы Абылайдың батыр Жәбек,
Майданда от шашқандай оқ шашатын
Сырттаны Бәсентиін ер Сырымбет —
Осындай өңшең көкжал жиылсты
Құніреніп жолбарыстай: «Жау қайда?» — деп.

Әрі ақын, әрі батыр Қарабұжыр,
Айтатын өрлеп барып аспанға сыр.
Бұқар мен Тәтіқара жырлағанда,
Толқынды тұнғиық боп төгілер жыр.
Осылай думанменен құндер өтіп,
Батырлар ерікті енді жатқанға құр.

Аттан деп әлі айтпаған Абылайға
Көкжалдар дей бастады: «Жүр енді, жүр!»
Алайда Абылайдан сөз болмады,
Сондықтан бұғып, бықсып туды күбір.

✓ Жиналған өңшең бөрі Бурабайға,
Алаштың Кебесіндей¹ ізгі жайға.
Батырлар бұғаудағы арыстандай,
Абылай тұңғиық бір терең ойда:
Бөрі де ел қорғаны — батыр, билер,
Аттанбай тек жатудан таптай пайда:
«Жүрелік, жау басынар!» деген сөзben
Салады Қанай биді Абылайға. —
Би Қанай: «Бұ қалай?» — деп бастағанда,
Абылай құрайды одан: «Баян қайда?» —

«Қанайым, ойын удай, тілің шаян,
Амал не, келген жоқ қой батыр Баян.
Көп жаудың албағтысы, ел еркесі
Баянның батырлығы алашқа аян.
Баянның аруақты құр атынан
Көп қалмақ болмаушы ма ед қорқақ қоян?
Наркессен, өрттей ескен, қайтпас болат
Баянсыз қанатымды қалай жаям?!

Би Қанай! Аттанбайды хан Абылай,
Келмесе қандыбалақ батыр Баян!» —

Деген соң ойы теңіз хан Абылай,
Аяңдап батырларға қайтты Қанай.
Байлаулы бөрілерді аза қылмай,
Кестелеп, сөзben сипап айтты Қанай.
Күндеу ме, көтеру ме, кім біліпті,
Батырлар десті жалғыз: «Баян бала-ай!»
Көкшениң бауырында өңшең көкжал
Күніреніп күтіп жатты күндер талай.
«Жау!» десе, жатпайтұғын батыр Баян,
Алым-ай, келмеуінің мәні қалай?

¹Кебе – Қағба мағынасында.

Жас Баян жауды талай көрмеп пе еді,
Сорғалап сұңкардайын төнбеп пе еді,
Майданда жолбарыстай жалғыз ойнап,
Сан қолға аш бөрідей кірмеп пе еді?!
Жебесі көбе¹ бұзып, жүректі үзбей,
Найзасын, сірә, шалғай сермеп пе еді?
Бірін айт, бәрін айт та, басқа батыр
Баяндай «алашым!» деп еңіреп пе еді?
Бұл жолы кешігуі жай емес қой,
Тұлпарым кез болды ғой орга, тегі!

Арқада бір өзенді дер Обаган,
Сол жерде аз гана Үақ қоныс қылған.
Үақтың ерте күнде өжет-қайсар
Ер Көкше, Ер Қосайдай ері болған.
Сол ері ерте күннің — Ер Көкшенің
Нәсілінен қайтпас алмас Баян туған.
Баянның ер ағасы батыр Сары,
Қос қыран тізе қосып жауын қуған.
Айналып оны айт, мұны айт, Баянды айт,
Ер Баян алашының бетін жуған.

⟨ Ол күндер аз қазақ пен қалың қалмақ
Қыран мен қара құстай алысқан шақ.
Баласы алты алаштың Абылайдың
Астында ақ туының табысқан шақ.
Қазақтың батырлары бәрі қыран,
Сонда да бір батыр жоқ Баяндай тап.
Жауының бір жорықта бір сұлуын
Ер Баян алып қайтқан артына сап.
Баянның алып қайтқан сол сұлуы —
Балдырган бөбек дерлік, он төрт жаста-ақ. ⟩

Сол сұлу сұлу екен атқан таңдай,
Бір соған бар сұлулық жиылғандай.
Торғын ет, шапақтай бет, тісі меруерт,
Сөздері су сылдырлап құйылғандай.

¹ Көбе — сауыт.

Бір-улап көз қарасы, бір айнытқан,
Жұлдыздай еркелеген сөнбей-жанбай.
Лебізі — жібек лебі, жұмақ желі,
Кәусардай татқан адам қалар қанбай.
Шын ер гой батыр Баян алып қайтқан
Еліне сол сұлуды, естен танбай.

Ер Баян жас сұлуды алып келген,
Сұңқардай бабындағы сүксыр көрген.
Қан жауып екі көзін, қанды балақ
Ілмекке қоңыр қазды көңіл бөлген.
Марал бар оққа ұшпайтын, тым сақ бірақ
Кезенде кез келсе де қандай мерген.
Болмасын жас сұлудың білгеннен сон,
Ер Баян қарындас қып, ерік берген.
Алайда ар алысқан жүрегімен
Тенізде алышқандай күшті сенмен.

Қалмақтың қайсар қызы қайрылмаған,
Болаттай жасу білмей, майрылмаған.
Жап-жас қыз сүмдиги мол, сыр бермейді,
Жандай-ақ ойдан аулақ қайғырмадан.
Алаштың аруы боп кетсе-дағы,
Жанымен өз жұртынан айрылмаған.
Сүм сұлу анадайдан «агатайлап»,
Баянда жан қоймаған жандырмадан.
Сонда да сыр шығармай батыр Баян,
Жастық қып жанын естен тандырмадан.

Осылай іштен күйген батыр Баян,
Баянның батырлығы алашқа аян.
Баянның інісі бар он бес жаста —
Борінің бөлтірігі — бала Ноян.
Ноянның бар ақылы білегінде,
Билеген асау жүрек, қайнаған қан.
Келгенде-ақ сұлудың бір қарауынан
Ноянның жүрегінде үшқын туған.
Сол үшқын ортке айналып, жап-жас Ноян
Алышып жүрегімен, аласұрган.

Жастықта жалынданып сүйген қандай!
Баладай өксіп жылап, күйген қандай!
Көрмесен жан-жарынды өлгендей боп,
Қайғырып құлден кебін киген қандай!
Кеудене жан кірмей ме, көзің шалса,
Өмірің жаңа ағарып атқан таңдай.
Кеуденді қасиетті сәуле кернеп,
Жүргің сол минутте жарылғандай.
Не дерсің салпаң құлақ есектерге,
Өтіздей өмір сүрген сүймей-жанбай!

﴿Ноян да сол сұлуға — тәтті балдай,
Мөлдіреп қараушы еді көзі талмай.
— Мас болып, дene түгіл, жаны елжіреп,
Жұтқандай сол сәулені демін алмай.
— Алайда бұзық ойдан аулак еді,
Сұлуға Тәнірі көріп табынғандай.
— Жанса да жап-жас Ноян, сүм сұлу қыз
Көп заман жүрді бірақ көз де салмай.
Сонда да кейбір кездे ақ бетіне
Бір нәрсе жүгіруші ед ыстық қандай.﴾

Айға алтын Күн нұрынан сәуле бермек,
Шалқыған махабbat — от аспанға өрлеп.
Жүрегін өзі сүйген отты жүрек
Оятпак, тас болса да, зарлап тербел.
Басында сыр бермеген сүм сұлуға
Біраздан бола бастар құлкі кермек.
Нояннан о да көзін алмас болды,
Күйдіріп жас жүрегін жалын кернеп.
Шешілді екі жастың жұмбақтары,
Екеуі бір інірде сайда кез кеп...

Сиқырлы гүлге оранған жібек майда,
Сылдырлап сылқ-сылқ құлген терең сайды
Ерке өзен жанын өртеп, жармен ойнап,
Сүйгізген ақ бетінен күміс Айға.
Сондай бір жібек кеште жаны өртеніп,
Екеуі «әй!» дескендей барған сайға.

Аулақта сүйіскен жан ұшырасса,
Еріксіз тамырларға у тарамай ма?!

Анттасып, айрылмасқа сөз байласып,
Бастық деп Арсыға адым санамай ма?

﴿ Жас Ноян қызды көріп от боп кетті,
Көздері қызыл жалың шоқ боп кетті,
Жер мен көк, ай, жұлдызды тұман басып,
Бір қыздан басқа нәрсе жоқ боп кетті.
Келді де қызға жалын сөздерімен
Шығарды жан ұшырып іштегі өртті.
Бір күйіп, бір суынып, бір елжіреп,
Біресе жас баладай жасын төкті.
Өртемей отты жүрек қоймақ па екен,
Тақады сұлу қыз да бетке бетті. 〗

Қыз сонда: «Ноян бауырым — Кебем! — деді, —
Мен сенің сүйгеніңе сенем, — деді. —
Сүйемін мен де сені, Тәнірі куә,
Тән түгіл, жаным саған берем! — деді. —
Нояным, бірақ сенен қалауым бар», —
Деді де, сұлу ойға теренеді.
Сұлудың сырға толы торғын беті-ай,
Бетінде ешбір толқын көрінбеді.
Біраздан коздеріне жас мөлдіреп,
Жас сұлу жылап тұрып құлімдеді.

Қыз сонда: «Қалауым бар, Ноян батыр,
Адасқан аққу құстай мен бір пақыр.
Арқаның аруы боп жүрсем-дағы,
Алыста туған, өскен жерім жатыр.
Откізген балаусадай бөбек құнім,
Барқыттай белес-белес белім жатыр.
Айбынды арыстандай құмда кезген,
Құніреніп қалың қалмақ елім жатыр.
Барқыт бел, қашқан қалмақ қалсын адыра,
Ата-анам — айым менен құнім жатыр.

﴿ Ер Баян біздің елге барған еді,
Көп қойға көкжал ойран салған еді.

Бебегін шырылдатып ап кеткенде,
Ата-анам жылап-зарлап қалған еді.
Сорлы анам қөкірегін қекке сауып,
Қан жылап менен бір ант алған еді.
Ол анты: «Елдің шетін, анаң бетін
Бір көрмей, қозым, ерге барма!» — деді.
Анама сезім — анау, өзім — мынау,
Жас Ноян, жүгінемін ер деп сені.)

Кор болсақ, көрді көрмей, Тәңірі ондай ма,
Ер Баян неге батқан терең ойға?
Мен сорды көргеннен-ақ сүйген Баян,
Косылсақ, Баянға ауыр дерт болмай ма?
Биікке кетпей киік, ойда ойнаса,
Ашуулы арыстанға мерт болмай ма?
Екеуіміз Сарыарқадан сапар қылсақ,
Қатерсіз қосылуымыз берік болмай ма?
Қаны бір ел еді гой қазақ, қалмақ,
О да бір саған туған жұрт болмай ма?!» —

Деп сұлу сыбырлады сиқыр сезін,
Толтырып меруерттей жасқа көзін,
«Шыдашы, кәне күймей!» — дегендей-ақ,
Ноянға тақап тұрып жалын жүзін.
Жас Ноян жас қанына тұншыққан соң,
Ұмытпай тұрсын қалай өзі өзін!
«Жарайды, даярмын!» — деп айтып салды,
Ойланып бір минут та қылмай төзім.
Сол саіда уәделерін бекітісіп,
Екеуі аймаласты ыстық жүзін.

Сол уақыт мезгіл екен дәл таң алды,
Төзім қып албырт Ноян күтпей таңды,
Жүгіріп жан ұшырып жаяу барып,
Жылқыдан екі жүйрік таңдал алды.
Азырак азық алып, қару-жарак,
Жүйрікке өсем өбзел тұрман салды.
Сейтті де Сарыарқамен есендеріп,
Екеуі ескен желдей кетіп қалды.)

· Кетті олар. Сәске болды, ауыл түрды,
Алдымен Ер Баянға хабар барды. /

(Боз үйде жатыр екен Баян жалғыз —
Керілген күнгө еркелеп жас жолбарыс.
Ауылдың ақсақалы сөзді өкелген
Деп бастаң: «Баян-айым, бір масқара іс»
Өткен тұн болып қапты...», — деп шұбыртып,
Жаудырды екі жасқа нәлет-қарғыс.
Алайда жас Ноянды ақтай сөйлеп,
Дей берді: «Қылды-ау бізге қалмак қар қызы!»
Ер Баян сүп-сүр болып, деді бірақ:
«Жарайды... Бар, ақсақал. Ойланармыз».)

Боз үйде жалғыз қалып Баян енді,
Жаралы жолбарыстай күніренді.
Қорғасын миын, ойын төмен басып,
Ақылға алғыр құстай ашу төнді.
Бір көк сүр түс енгізіп бар денеге,
Сүм жүрек қанды өзіне жинай берді.
Ақыры ашу ерді билеп кетіп,
Жалп етіп сөнген шамдай ақыл өлді.
Өлді ақыл. Атып тұрып батыр Баян,
Боз үйден оқ жыландай шыға келді.

Ер Баян сол кеткеннен кете барды,
Мініп ап белдеудегі көк тұлпарды.
Дулыға, қалқан, көбе қалған ұмыт,
Белінде жалғыз-ақ бір садақ бар-ды.
Бауырынан Обағанның орғып өтіп,
Арыстан айдалада дүбір салды.
Дауылдай талмай есіп, желдей ұшып,
Түс ауа Жолдызекке жетіп қалды.
Кермиық Жолдызектің даласында
Алыстан екі қараны көзі шалды.

Атығай қоныс салған Жолдызекке,
Құнарсыз, ашы татыр сорлы өзекке.
Жолдызек — жолсыз өзек, құтсыз, отсыз,
Алдымен жау да салған қолды өзекке.

Айрылып байлығынан, көп соққы жеп,
Көз жасы Атығайдың толды өзекке.
Алаштың Асанқайғы данышпаны
Кетпеген «Қанды өзек» деп тіпті текке.
Ежелден құт дарымай, қағынған жер,
Қайғылы бір іс болды сол өзекте.

Алыстан екі қара көрді Баян,
Кілегей қара бұлттай төнді Баян.
Ой жоқ боп, жүрек шоқ боп, құр екпін боп,
Сұңқардай сорғалаған келді Баян.
Қызы түгіл, қаны бірге өз бауырын
Танымай қалғандай да болды Баян.)
Байланған белде сала садағына
Қалшылдаپ қалды салып қолды Баян.
Ашуын арыстанның байқаған соң,
Майысып тұра қалды жап-жас Ноян.)

Жас Ноян жүйрігінің мойнын бүрді,
Жас Ноян Ер Баянға қарсы жүрді.
Жақындалап келіп қалып ағасына,
Түсінен шошыды да, тоқтап тұрды.
Жапанда аға-іні: Баян, Ноян, —
Алып кел көз алдыңа Ай мен Күнді.
Дұрысы — күміс күлген күндіз бенен
Тұнерген қара бұлттай қара тұнді.
Алайда ерке бұлан Ноян ұлан
Ашулы ағасына қарап күлді.

Бір күлді балдырғандай Ноян бала,
Ашылған шешек жарып гүлдей жаңа,
Еріксіз сотқарлығын кешіретін
Еркелеп ерке ұландай күліп қана.
Көрсе де дауыл гүлді — басылмады
Ер Баян арыстандай жаны жара,
Қалшылдаپ, көзі қан боп, қолын алмай
Байланған садағынан белде сала.
Жас Ноян: «Жан көке!» — деп сөз қатқанша,
Сұлу да жетіп келіп: «Баян аға!» —

Дегенше, қалды тартып батыр Баян,
Баянның батырлығы алашқа аян.

Оқ тиіп жүргінен, құлап түсті
Атынан бўктетіліп бөбек Ноян.

Жын шуы басқандай боп, естімеді
«Жан көке, аға!» деген сөзді Баян.
Садағын сол секундте тартты тағы
Бір ашып, бір жұмбай да көзді Баян.

Үстіне інісінің денесінің
Түсірді тағы ұшырып қызды Баян. ↗

Екі жас аттарынан ұшып түсті,
Тұскенде бірін бірі құшып түсті.

Жүректен атып ыршып шыққан қанмен
Жалғыз-ақ «Ah» десті де, «Жаным!» десті.
Қомағай қара топырақ бұлқіл қағып,
Асығып екі жастың қанын ішті.

Күлдей қу, тұңжыраған тұндей болып,
Жия алмай, құр тенселіп, ақыл-есті,
Тұрды да, біраздан соң батыр Баян
Атынан есі ауғандай құлап түсті. ↗

Бірталай талғандай боп жансыз жатып,
Тұңғиық көмескі көп ойға батып,
Ер Баян есін жиып, екі жасқа
Бір қарап, қара тастай қалды қатып.
Сол кезде сар дала да күңгірт тартты,
Еңкейіп бара жатты күн де батып.
Құшақтап ақ селеуді жылады жел
Өзінің қасірет жырын қоңырлатып.
Құшақтап екі жасты күніренді ер
Көзінен ыстық жасты сорғалатып.

Қайғыдан жарылғандай қайран жүрек,
«Ун-уң!» деп үзілгендей есіл өзек.

Қасіреті қара тұндей Ер Баянның
Алдында бұлдіргендей екі бөбек.

Аузынан уыз шыққан екі жасты
Ер Баян сүйді құшып кезек-кезек.

Жапаңда жапа-жалғыз еңретті ерді
Әлгіде ойды улаған ашу кезеп.
Ашудан бұғып қалған қорқақ ақыл
Күбірлей бастады енді: «Мұның не?» — деп.

Зарланып күніренді батыр Баян,
Мезгілде күңгірт тартқан кешке таман:
«Кең ақыл, отты қайрат, сырттаным» деп
Ер едім еркелеткен алаш тамам.
Сындырым аз гана Үақ елім белін,
Елімнен кетіп, елді қайдан табам?
Жейтуғын өз күшігін болдым бөрі,
Ісімді мынау ағат немен жабам?
Қарабет болдым алаш баласына,
Ер дер ме енді мені Абылай данам?!

Жорыққа қу қалмаққа жүрдім неге?
Тобына көк бөрідей кірдім неге?
Тәтті бал, балауса тал жас сұлуды
Көр болғыр екі көзім, көрдің неге?
Садақпен жүргегінен тартып кетпей,
Жыландај бауырыма сап келдім неге?
Әйелдей баса алмайтын жүрек жынын,
Есалан жүрекке ерік бердім неге?
Бұныңп сол боз үйден шықпай өлмей,
Атылып оқ жыландај түрдым неге?!

Ойламай, белді бекем будым неге?
Қозымды қас дүшпандай құдым неге?
Майысып Ноян қалқам, ерке марқам,
Қасқып қарсы алдымда түрдыш неге?
Бауырыма тас жүрегім жібімеді-ау,
Бір ата, бір анадан тудым неге?
Салдырап шіріп қалғыр саусақтарым,
Қанымен өз қозымның жудым неге?
Күнәсіз екі жасты өлтіргенше,
Өлмедім ішіп уын удың неге?!

Сұлу-ай, қалмай маган ердің неге,
Жыландај бауырыма кірдің неге?

Қадалды оқ-кірпігің жүрегіме,
Жүрегім тілім-тілім тілдің неге?
Жұлдыздай аспанда алыс жымыңдаған
Алыстан «ағатайлап» күлдің неге?
Секіріп суда ойнаған шабағымды,
Сүм сұлу, қармағыңа ілдің неге?
Тірлікте бетіңнен бір сүйе алмадым,
Тіл тартып, ерке тотым, өлдің неге?!

Күй, жүрек! Көл бол, жасым! Өртен, ішім!
Алдында айнам жатыр бөбек пішін.
Түм садақ кетсе де үзіп жас жүргін,
Жойған жоқ құлыншағым ерке түсін.
Сорлы ағаң атып жығып өз інісін,
Ііскейді енді зарлап аппақ тәсін.
Тартқанда сынбадың-ау, сүм садағым!
Қайтейін, арымадың, арда күшім!
Жоқ, әлде, жоқ, жоқ... Әлде... Өлтірдім бе
Інімді алты алаштың намысы үшін?!

Арқамдай жер жүзінде жер бола ма?
Айбынды алашымдай ел бола ма?
Алашта ертеде өткен екі арыстан:
Ер Көкше, Ер Қосайдай ер бола ма?
Солардың нәсілінен Сары, Баян,
Барыстай ойын салған сар далада.
Інісі Ер Баянның жасық Ноян
Атадан азып туган дер болар ма?
Құл болса бір қыз үшін балдырғаны,
Алашқа бұдан да ауыр шер бола ма?!

Дариға, жұбанамын жел ойменен,
Тартпадым сүм садақты бұл ойменен.
Тандырған мені есімнен ғашықтық қой,
Бір тынбай сүр жыландай жаным жеген.
Өз бауыры, өз сүйгенін өзі өлтірген
Болар ма, сірә, сорлы адам менен?!

Алдында «Көкежан!» деп күліп тұрган
Садаға кетпедім гой, қозым, сенен.

Ел беті енді маған болсын арам,
Алашым, аттанамын, жауында өлем!» —

Деп зарлап, күніренді жаралы ер,
Айрылған екі жаннан қаралы ер.
Зарланып көзінен қан тамшылатты
Тұнғиық жанды жеген қап-қара шер.
Жүргі тас болса да шыдай алмай,
Қамығып, қайғы басып, күрсінді жер.
Молайтып минут сайын қасірет жырын,
Жанында өксіп-өксіп жылады жел.
Бозарып бел артынан таң атқанда,
Соққыдан сенделгендей тұрады ер.

Күміс таң жерге күміс сәуле шашты,
Сәуле мен қараңғылық араласты.
Алыспас адал, арам бекерге ұзақ,
Жеңіліп қараңғылық жылжып қашты!
Сол кезде жаны жара батыр Баян
Үңгір ғып қара жердің бетін ашты.
Жапанда қазған сүйк тар үңгірге
Көтеріп көмді әкеліп екі жасты.
Топырақ екі жанын жасырган соң,
Ер Баян тағы көл ғып төкті жасты.

Ер Баян көмді екеуін дөң басына,
Тұсірмей бір топырақ ортасына.
Ап шыққан қаруларын сүйеп-сүйеп,
Ноянның көмді бөрін өз қасына.
Отырды топыраққа ұзақ басын қойып,
Шомылып қанды ыстық көз жасына.
Аздан соң мінді атына батыр Баян
Сыйынып бір жаратқан Алласына.
Жолбарыс жортып кетті бетін түзеп,
Шандатып Абылайдың ордасына.

Жас Баян жауды талай көрген еді,
Сорғалап сұңқардайын төнген еді.
Майданда жолбарыстай жалғыз ойнап,

Сан қолға аш бөрідей кірген еді.
Жебесі көбе бұзып, жүректі үзіп,
Найзасын ылғи дәлдеп сермеп еді.
Бірін айт, бәрін айт та, батыр Баян
Туғаннан «Алашым!» деп еңіреп еді.
Кокжалдың осы жолы кешіккені,
Осындай тұлпар орга кез кеп еді.

Екінші тарау

Откен күн таң-тамаша ертегі гой,
Ерлері ертегінің өрт еді гой.
Айрылып от екпінді ерлерінен,
Алаштың жанында ауыр дерт еді гой.
Сонау дерт түгелімен ауып маган,
Дарига, жүргегімді өртеді гой!
Ер көрмей көрден басқа сүр өмірде,
Шерлі жан шерлі кеңес шертеді гой.
Жадырап жаным, шерім тарқар еді,
Кеңесім тындаушыға сала алса ой.

Күніреніп ойлаганда алаш жайын,
Жанымды орай берсе улы уайым,
Кеудеме күннің нұры толғандай бол,
Жырлаймын алты алаштың Абылайын.
Арсыға асқандаймын, тауап қылсам
Кебедей Абылайдың Бурабайын.
Күніренген жырымменен мен разымын
Алаштың жоқтай білсем Баян-айын.
Жырлаймын, күніренемін өткенді ойладап,
Кеудеме улы уайым толған сайын.

Кірейін кеңесіме күніренткен,
Ер Баян жөнелді енді Жолдызектен.
Қамшыны қеміп-қеміп алды батыр
Ашуын алатындан тұлпар көктен.
Мұңайып мәңгі мұнды белдер қалды,
Жынды жел сақ-сақ күліп сүйді беттен.
Жан-жақта жас қайындар қала берді

Иіліп әдеппенен сәлем еткен.
Ер жортты. Сәске болды, көзі көрді
Көкшени бал алысқан аспан-көкпен.

Көкшеде өңшөн көкжал аялдаған,
Қырандар қанаттарын жая алмаған.
Ханына Абылайдай: «Болады!» — деп,
Бір берген сөзден елдер тая алмаған.
Ерігіп, әңгіме қып откен күнді,
Қанішер Болат жайын баяндаған.
Қайратқа құса болған сол қырандар
Алыста қара көрді аяңдаған.
Жақындал қара ордага келген шақта,
Шықты айқай топтан шулап «Баяндаған!»

Аяндал топқа тура келді Баян,
Келді де көлке сәлем берді Баян.
Қудай боп құс төресі топ төрінде
Отырған Абылайды көрді Баян.
Басқаға мойын бұрып бір сөз қатпай,
Абылайға балпаң басып жүрді Баян.
Бәйтерек тұңғиыққа төнгеніндей,
Алдында қол қусырып тұрды Баян.
Тұрды да, деді: «Алдияр, сөзім қысқа,
Екенім менің Баян алашқа аян.

Алдияр, ел ағасы, ханым дана,
Алашқа ауыр күнде болған пана.
Кешігіп, күнәлі боп, енді алдыңа
Келді ерің іші жалын, жаны жара.
Тұңғиық кез болды ғой кешуі жоқ,
Болмаса, шыққанда «Аттан!» ер тұра ма?
Талқыға жан жарасын сала алмаймын,
Мәнімді мен айтпайын, сен сұрама.
Тілегім — енді жауға аттанаңық,
Қан көрсе, қас қыранда шер тұра ма?!

Абылай ерін күткен көптен зарығып,
Қолынан Баян-айын алды тартып.

Алдына отырғызып, күміс кернеу
Керсеннен көкжалына берді сарқыт.
Берді де, бүгіп басын, ойға кетті
Асқардай ой билеген мәңгі қалғып.
Аздан соң қөтеріліп, жан-жагына
Қарады жер-жиһанның бәрін тарғып.
Қарады, қыран сөзі қысқа болды:
«Таң ата жүреміз!» — деп берді жарлық.

Ежелден Абылайда екі сөз жок,
Сөз шықты: «Болады!» — деп, тарады топ.
Топ тарап, ат-тұрманын даярлады,
Біраздан дамылдады ел, мезгіл тұн боп.
Жібектей жұмсақ жылы жаздың тұні
Бұлтымен құшақтады Кекшені көк.
Керілді ерке Кекше күміс Айға:
«Сәуленді, сәулем, көбірек төкші-төк!» — деп.
Бетінде Бурабайдың ерке толқын
Бір тынбай, құліп жарды сүйді шөп-шөп.

Тұн өтті. Жер шетінде алтын таңды
Жорғалап, жүз бұралып, жел қарсы алды.
Сарғайып сары белден таң атқан сон,
Абылай қолға: «Аттан!» — деп хабар салды.
Бәрі де болат түяқ бедеу мініп,
Батырлар қатар түзеп келіп қалды.
Жөңкіліп күзді күнгі көшкен бұлттай,
Қап-қара, ортасы ой боп, қол қозғалды.
Асырып ертегіше айтқан жанға
Қара нар қайыспайтын — жер шайқалды.

Жөңкіліп көшкен бұлттай барады қол,
Кейде қол түнерген тау қайғысы мол.
Кей кезде тентек толқын екпінімен
Шу қойып, шабуылдап алады қол.
Шаңы — бұлт, бұлты — шаңға айналған сон,
Атаған ерлер жолын деп «Шанды жол».
Тартты қол. Қалды өрлер. Қалды белдер.
Бастаған Бұғыбай басшы қол көрмес шөл.

Бірнеше тәулік бойы тынбай тартып,
Кол енді жүрді бойлап бір айдын көл.

Балқаш кой бұл айдыны сылдыр қаққан,
Балқаштың бетін мәңгі меруерт жапқан.
Қаратал, Аягөзбен — екі көзі,
Еркесі — Іле өзені ұзын аққан.
Басы егіз ерке Іленің: Кенес, Текес,
Тәнірінің¹ тентек Текес дәмін татқан.
Бойыңда сол Іленің қалың қалмақ
Абайлап Абылайды күтіп жатқан.
«Қайда, — деп, — қазақ!», бұрын желіккен жау
Көрген соң көп қазақты, ойға батқан.

Қазақтың қалың қолы ерлер кілең,
Батырды көп қалмақты ойға терең.
Қазақтан құлықпенен құтылмаққа
Кенесті қос қоңтайшы: Ұса, Серен.
Жіберді, кенесті де, жеті қалмақ,
Сөздері: «Абылайдан бар да тілен!
Ағаттық бізде болды, кешсін Абылай,
Ақ отау, айдаған мал — бәрін берем.
Тағы да ер басына бір ару мен
Кара нар — айыбымыз, қалы кілем».

Жеті елші осы сөзben келген ханга,
Қаратып өз жауабын ертең таңға,
Салады мынау сөзді хан Абылай
Би-батыр, қасындағы көп қыранға.
Салса да, алдыменен өзі айтады:
«Тұспесліз, тірі болсақ, алдағанға!
Күні өртең не бергенін жолдан алып,
Қалғанын алсақ қолдан аргы таңда.
Ерлерім, ойым осы! — деді Абылай, —
Бұл ойды теріс дейтін адам бар ма?»

Абылай айта қалса істің жайын,
Би-батыр теріс дей ме Абылайын.

¹ Тәнірі — Хантәнірі тауы (М. Жұмабаевтың ескертпесі).

Қалың топ тым-тырыс боп тұрған шакта
Дегендей: «Ерік иеде, біздер дайын!» —
Ерлігі алашқа аян батыр Баян
Тұрды да, деді: «Алдияр Абылайым,
Мергеннің мылтығына қарсы жүрмес,
Қырдағы адам түгіл, құландаіын.
Сөзімді не кектерсің, не жұптарсың,
Ойынды теріс дейді Баян-айын!

Талқыға салмай шындық табылмайды,
Құл гана қожаны ылғи қабылдайды.
Қу қалмақ күні кеше алдамап па ед,
Шоңқытып Ой қытай мен Өр қытайды?
Қытаймен күні бүгін жалғаспаса,
Қытайға қалмақ неге қанат жайды?
Абылай артық туған неге ұмытсын,
Қазаққа қалмақ сыры аяндай-ды.
Қалмақтың қарты түгіл, қалшасы¹ да
Алдатпас, алдап кетер Абылайды!» —

Тоқтады Баян. Абылай тағы өз сөзін
Қайта айтты, біраз шытып қарлы жүзін.
Хан да екі, Баян да екі қайырысты,
Алмастан бір-біріне тіккен көзін.
Жиналып көздеріне қызыл жалын
Қалса да, сыр беріспей, қылды төзім.
Қалың топ хан ашуын байқаған сон,
Ағытты «өрине» деп сөздің бөзін.
Шешілді сөз, қол енді күтіп қалды
Елшінің ертеңінде келер кезін.

Алты алаш Абылайдай аргымагын
Алаштың аруағына пар қылатын.
Бетіне Абылайдай ардагердің
Келуді алты алашқа ар қылатын.
«Бетіне келген жанды согар кие!» —
Деп жырау, жаурыншылар жар қылатын.
Баянның сөзін естіп кәриялар,

¹ Жас баласы.

Ішінен ерін аяп: «А, шырагым! —
Десті де күрсінісіп, кесіп қойды:
Қайтад, — деп, — осы жолы, Баян, бағын!»

Серпілді соныменен кеңес енді,
Қол күтіп жатып қалды келер күнді.
Жібектей жылжып өтіп жаздың тұні,
Таң құлан күн шығыста иектенді.
Алтын Күн алыстағы арайынан
Жарқырап шығып жерге сөлем берді.
Қол тұрды, ауқаттанды, хабар құтті,
Ерлердің еріккені аңға жүрді.
Қол құтті, уақыт өтті, ерікті ерлер,
Ауыр ой биледі Абылай кеменгерді.

Қол құтті, уақыт өтті. Күн батар шақ,
Жерде еді қой көшіндегі қалың қалмақ.
Кен ойлы Абылайдай данышпанды
Қу қалмақ кеткені ме шын-ақ алдап?!

Қүн кірді арайына, шапақ батты,
Қап-қара толқындарға толды жан-жақ.
Қол тынған бір толқынсыз тұнғиықтай,
Мүшкіл боп, Абылайға бір сөз салмақ.
Інірдің соңын ала хан Абылай
Серпіліп, ерлеріне қылды жарлық.

Ерлерін жиып Абылай — ел ағасы,
Сұрайды: «Мынау істің не шарасы?»
Қырандар әрі-бері толқысқан соң,
Қанайы Қарауылдың — топтың басы
Саңқылдал сурылып сөйлей берді:
«Қытайдың қол ұсыным шекарасы.
Қалмақты Қытай кірген зерттер болсақ,
Қазақтың бірі қалмай мерт боласы!..»
Тұнжырай қалса-дағы хан Абылай,
«Қайту!» деп сөздің болды бітуанасы.

Таң ата қол қозгалмақ кейін қарай,
Ұрылған көңілі қаяу хан Абылай.
Қол жатқан, жым-жырт басқан, Тәнірі таяу,

Жалғыз-ақ жатқан ояу Баян бала-ай:
«Алрым-ай, алаш арын жоқтамастан,
Жөңкіліп бұл қайтудың мәні қалай?» —
Деді де, атып тұрып топ ішінен,
Ерлерден от екпінді, жолбарыстай
Жүз жасты жолдас қылып, тарта берді
Таң ата: «Қайдасың, — деп, — қалың Қытай!»

Қол қалды. Жүз жолбарыс майданды ойлап,
Тартады шабуылмен Іле бойлап.
Алдында ақ сұңқардай батыр Баян,
Екпіні қауға тиген өрттей ойнап,
Бедеулер болат түяқ желден үшқыр
Алысып, ауыздықты қарш-қарш шайнап.
Сәскеде сағымменен көрді Баян
Көп қалмақ Іле бойын жатқан жайлап.
Жүз бөрі аз дамылдап алысты да,
Ат қойды қалың жауга «Абылайлап».

Жүз қыран мың сан қолға араласты,
Оргыған асқар таудан судай тасты.
Шыдамай жүз екпінгे, шулай беріп,
Қалмақты ә дегенде қара басты.
Аздан соң есін жиып бөріккен ел,
Қару ап, қара құрттай құжынасты.
Аз болса, бір қазаққа жүз қалмақ кеп,
Ат қойып, қиқу салып, қамаласты.
Тер саулап тебінгіден, қылыштан қан,
Шаң, тұтін будақ-будақ аспанға асты.

Аз қазақ көп қалмаққа салды тойды,
Көк аспан қара тұтін шаңға тойды.
Алдаспан ажалменен бәсеке боп,
Қанішер қайқы қара қанға тойды.
Жып-жылы адам қаны бұлкіл қағып,
Қуалап жылжи берді ойдан-ойды.
Көк көбе шүберектей шүрк-шүрк болып,
Жыртқызыды ерлер дал-дұл тұла бойды.
Анадай дөң басында Ұса, Серен
Қуыршақ құдайына қасқа сойды.

Шаңқай тұс. Қызыл-жалын бір жел ескен,
Зәндем от, өуе айналып жерге түскен.
От түбі тоқтап қалған, жылжымайды,
Аспанда жоқ бір жапырақ бұлт та көшкен.
Сол кезде қара бұлттай қалың қалмақ
Кажытты жұз қыранды жаннан кешкен.
Қазактың көбін аттан түсірген соң,
Қалмақтың қуаныш пен қиқуы өскен.
Сол кезде қалың топтың ортасында
Шықты шу: «Мұнда Баян! Баян!» — дескен.

Қалың қол ортасында батыр Баян,
Баянның батырлығы алашқа аян.
Екі көз екі қызыл шоқ боп кеткен,
Аузынан көбік болып бүркырап қан.
Оң-солға алдаспанды сілтегенде,
Бұлактай қалмақ қанын бүркыратқан.
Жанында жалғыз жолдас — жас Жанатай
Қансырап, зорға ғана кірпік қаққан.
Түзеліп отыруға халі қалмай,
Қисайып бара жатты құлап аттан.

Жолдас дер ердің ері-ақ қан майданда,
Жан беріп жолдасы үшін алдаспанға,
Еңкейіп сүйемек боп батыр Баян
Жолдасы Жанатайға айналғанда,
Бір қалмақ еңгезердей көк найзамен, —
Білмеген, сірә, тою қызыл қанға, —
Қапыда қайран ердің сүбесіне
Бойлатып сұрып тұрып бұлғағанда,
Ер Баян Жанатайды алдына алыш:
«Қыларың, қатын қалмақ, тағы бар ма?» —

Деді де, сұрып ап жау найзасын;
«Алаштың әруагы, — деп, — қайдасың?!» —
Жыландаид жарқ еткізіп алдаспанды,
Түсірді топ еткізіп қалмақ басын.
Бұлактай аспанға атып қан шапшыған
Жараға тығып тұрып бармақ басын,

Қасқып қан майданда тұрып қалды
Қайран ер, қайсар Баян жолбарысым!
Алайда уақыт өтті, құлап түсті
Құшақтап Жанатайдай жан жолдасын.

Жер мен кек шыр айналып араласты,
Көз алдын қара тұтін тұман басты.
Тәтті бір жазғы таңда қалғығандай,
Ер көзін оқтын-оқтын жұмып ашты.
...Көргендей болды ашулы Абылайды,
Қалың қол: «Әне, Абылай!» — деп шуласты.
Тағы ашты жұмған көзін, тағы көрді
Алдында жас ұлан мен Толқыншашты.
Екеуі құшақтасып жап-жақын тұр,
Басымен ишара етіп амандасты.

Сұлудың сексен сырлы жұмбақ жаны-ай,
Ерніне әлде болса құлкі алғандай.
Жоқ... Құлкі жоқ... бетінде тамшы қан жоқ,
«Агалап» жанұшырып жалбарғандай.
Жоқ... өзі Жолдызекте жортады-мыс,
Алыста екі қара көз шалғандай...
Үмтүлды оқ жыландай... садақ пен қан,
Кезерген ердің ерні қозгалғандай:

«Козімнен неге ақпайды қан боп жасым,
Жан беріп, жазғаным гой жан жарасын.
Кетсе де жаннан жара, қан кетпек пе?
Дариға, жазамнан да күнәм басым!
Күнәмді Тәңірі кешпес, кешер бірақ
Жауында жан берген соң алты алашым!» —
Қайран ер аласұрып, жанұшырып,
Көтеріп, көз жұмулы, алып басын,
Жан бауыры жас Ноянға ым қағып ед,
Жас Ноян құша түсті Толқыншашын.

Екі жас қайғысы мол құп-ку жүзді,
Екеуі құр қарап тұр алмай көзді.
Көкесі жан бергенде, бөбек Ноян
Тұрганы мөні қалай құшып қызды?

Дариға, беті қара сорлы Баян
Шығарған өз қолымен екі көзді:
«Іс өтті. Ажал жетті. Енді не бар?
Қоштасып, айтысалық соңғы сөзді!
Келіндер, қарақтарым, кешіндер!» — деп,
Ер Баян әлсіз гана қолын созды.

Көз алды енді мәңгі тұман болды,
Жабырлап жан-жағына қалмақ толды.
Баянды балағаттап, ісіп-кеуіп,
Бір қалмақ қалды теуіп созған қолды.
Сылқ етіп созылған қол жерге түсіп,
Жұзінің бірте-бірте нұры солды.
Баянның басын бірі кесіп алып,
Бұлғады наизага іліп онды-солды.
Қуанып қос қонтайшы — Ұса, Серен,
Алғысқа көмді елірген қалың қолды.

Көңілінен Ұса, Серен кеткен қауіп,
Қуанып, сырнай-керней қылды сауық.
Алайда Абылайдан сескенген соң,
Жөнелді ертеңіне Қытайға ауып.
Алаштың ардагері батыр Баян
Бір қырда қала берді топырақ қауып.
Жаудан да мейірімді боп жылады жел,
Күніреніп ер денесін құммен жауып.
Іленің толқындары әлі күнге
Айтады ерге жырау ауық-ауық...

Ерлерді ұмытса да ел, сел ұмытпас,
Ерлерді ұмытса да ел, жел ұмытпас.
Ел үшін жаннан кешіп, жауды құған
Ерлерді ұмытса да ел, шөл ұмытпас.
Ел жауын зерттеп, өрт боп тынбай жортқан
Ерлерді ұмытса да ел, бел ұмытпас.
Ел үшін төккен ерлер қанын жұтқан,
Ерлерді ұмытса да ел, жер ұмытпас.
Арқаның селі, желі, шөлі, белі
Ерлерді ұмытпаса, ел де ұмытпас!

КОРҚЫТ

Алтайға жер жүзінде тау жоқ жеткен,
Алтайға бетегедей алтын біткен.
Бейіштей алтын Алтай етегінде
Ертеде алаш елі мекен еткен.

Ол күндер көз жетпейтін ерте күн ғой,
Ерте күн ертегідей ерке күн ғой.
Откен күн — ұстаптайтын сұлу сағым,
Жалғыз-ақ желден жүйрік жетеді ой.

Откен күн ертегімен таласқандай,
Уа, дүние, ол күндерде алаш қандай?!
Ой-қырдан орғып-қарғып еріккенде,
Алтайда ойнақ салып жүрген андай.

Сол күнде бір ер бопты алты алашта,
Қаны бір қалың елмен, жаны — басқа.
Елікпей ес білгелі еш нәрсеге,
Өзіндей үйірлімеген албырт жасқа.

Корқыт деп қойған екен ердің атын,
Оңған ел ер деп атар азаматын.
Талайлар танданыпты күнде көріп
Корқыттың міnezінің тым-ақ жатын.

Корқытқа ес білгелі бір ой түскен,
Айнымас сол ойымен күнде у ішкен.
Ой билеп, үйден, елден безіп кетіп,
Жұрт оны әуезі ғып жынды дескен.

Ежелден белгілі ғой көптің сыры,
Боласың, көптей болсаң, көптің ері.
Көпке егер ісің, ойың үйлеспесе,
Күмән жоқ, кім болсаң да согар «пері».

Корқыт та ерте атанды «пері соққан»,
Корқыттың жан болмады жайын үққан.
Ой екен қандай ғана Корқытты улап,
Айырған дос, туыстан, елден, жүрттан?

Қорқыттың мынау ой ед есін алған,
Жанына ерте құннен жара салған:
«Топырақ боп ертең шіріп қалмақшымыз,
Өміріміз неге шолақ тәтті балдан?

Әншейін өмір деген ермек үшін,
Күні ертең соғар жүрек сөнбек үшін.
Ойланып, қалай ғана уланбассын,
Берілсе адамға өмір өлмек үшін?

Бір кезде көл тасады құрымақ үшін,
Күні ертең гүл гүлденед солмақ үшін.
Біраз күн адам тұрады, өмір сүреді,
Құртқа жем, шіріп, сасып болмақ үшін.

Сары суға қан берілген айналмаққа,
Ой менен тіл берілген байланбаққа,
Әлпештеп, ардақтаған денең шіріп,
Желменен топырақ боп айдалмаққа.

Көз ашып жүмгандай-ақ өмір шолақ,
Алдыңды көз ашсаң-ақ ажал қамап.
Өмірде мынау шолақ неге керек
От-үміт, ойын-күлкі, таудай талап?

Әлдекім адам деген ермек үшін,
Жүректе от ойнайды сөнбек үшін.
Ойланып, қалай ғана уланбассын,
Берілсе адамға өмір өлмек үшін».

Қорқыттың жүйрік жанын жай тасындей
Жанышқан осы ойлар ед қорғасындей,
Паршалап тілім-тілім, ерте өртеп
Кіршіксіз жас жүрегін көз жасындей.

Ой билеп, жап-жас Қорқыт елден безді,
Түгел ол ойын-күлкі, қойды сөзді.
Елікпей, үйірлмей еш нәрсеге,
Алтайдың алаптарын жалғыз кезді.

Алтайдың Қорқыт кезді алаптарын,
Ешкімге ұқтыра алмай жанның зарын,
Ата-ана, дос-туысқан бәрін тастап,
Талақ қып қара көзді қарәктарын.

От-адам отпен ойнап сынар бағын,
Жүйрік жан қажу білмес, қуар сағым.
Тағы боп, құніреніп кезіп кетті,
Қорқыт та шешпек болды жан жұмбағын.

Аяңдап алдыменен тауға келді,
Асқарға: «Өмір не?» — деп сұрау берді.
Жаны — тас, жүргегі — тас тау не десін,
Өзінен: «Өмір не?» — деп сұрады енді.

Бұрылып таудан ақырын, орман барды,
Оған да: «Өмір не?» — деп сұрау салды.
Ежелден ой білмеген меңіреу орман
Қақып қарагайы аң-таң қалды.

Сұраса суга келіп: «Не, — деп, — өмір?»,
Беті құр соғылғаннан жыбыр-жыбыр.
Желге айтып еді, ол не деуші еді,
Басы жок, аяғы жоқ сыбыр-сыбыр.

Құн анау ешбір үнсіз алас үрған,
Ай да бір — өгіз де бір аузын буған.
Қылмыңдап қар қатындаі көзін қысқан
Жұлдыздар тазарта ма жүректі удан?!

Не керек, Қорқыт кезді тынып жатпай,
Ешбір зат тастамады зарын шақпай.
Көл мылқау, жері мылқау — бәрі мылқау,
Өртенді ер жұмбағына жауап таппай.

Тұнерді бұрынғыдан Қорқыт бетер:
«Есалан ғасын желдей өмір өтер.
Құмәнсіз өлерінді біле тұрып,
Дүниеде талаптану, тұру бекер.

Көз ашып, өмір шолак, жұмумен тең,
Тағы да өз өмірің соққандай сең.
Арандал қарсы алдында аузын ашқан
Жоқ па екен шыныменен ажалға ем?

Кім білед, өлмейтүғын ел бар шығар,
Кім білед, ажалға да ем бар шығар.
От-сусы, топырағы қасиетті,
Кім білед, өлтірмейтін жер бар шығар.

Әуесі уланбаған өлімменен
Сөз де жоқ, өлу түгіл, «өлем» деген,
Адамзат таппаса егер ажалға айла,
Не қылмақ пайдасы жоқ білімменен?!» —

Деп ойлап, қайырылмай ешбір затқа,
Ажалдан қашып шығып құтылмаққа,
Айрылып Алтайынан кетті Қорқыт,
Өлімнен аман-есен жер таппаққа.

Түзеді күншығысқа Қорқыт бетін,
Адамға жаяу, жалғыз жол тым шетін.
Арыды, ұшырасты сансыз жаумен,
Сонда да ол үзбеді еш үмітін.

Талса да тоқтамады, Қорқыт жүрді,
Бетпақ шөл өтті талай қырды, өрді.
Қажыған, қаны кепкен мезгілінде
Алыстан мұнарланған қара көрді.

Жапанда бір буалдыр қарандаган,
Жасаған Қорқыт жанын тындырмаған...
Қараға жылдам басып жетіп келді,
Қорқытты қайғы басты түннен жаман.

Козінен сорғалады жас бұлактай,
Жапанда қағулы бір қара тақтай.
Тақтайдың түбінде бір қазулы көр,
Тастаған үнірейтіп, бетін жаппай.

Әлдекім жапан түзде бір көр қазған,
Басына тақтай қойып, сөздер жазған:
«Өлімнен құтылмайсың қашқанменен,
Мынау көр — сенің көрін, Қорқыт жазған!»

Мына сөзді оқып ол түн боп кетті,
Басқандай жүргегіне болды шокты.
Кел болып көздің жасы төгілгенмен,
Заулаған баса ала ма ол жандагы өртті?!

Ой өсті, қалың өрттей уын шашты,
Ауыр ой қорғасында жанды жанышты.
Қарсыдан қазылған көр шыққаннан соң,
Бұрылып Қорқыт кейін қадам басты.

Түзеді енді бетті батыс жаққа,
Қайғылы, қажу бар ма, ол бейбакқа?!
Жапанда жалғыз өзі құбірлейді
Сөздерді тақтайдағы алған жатқа.

Алым-ай, табылмас па ажалға айла,
Өмірден, табылмаса, қандай пайда?!
Жүрістен дene түгіл, жан шаршады,
Өлімнен аман ел мен жері қайда?

Бір жан жоқ қыбырлаған, дала, дала...
Келеді Қорқыт сорлы жаны жара.
Ай-жыл өтіп, ер әбден арыған шак,
Алыстан бұлдырлайды тағы қара.

Қорқыттың ынтасы өлген, көңілі қаяу,
Қараға баяу басып келді таяу:
Тағы көр, тағы тақтай, тағы жазу,
Тәнірі Ие-ау, тегі, сенде бар ма аяу?!

Терең ғып тағы біреу бір көр қазған,
Басына тақтай қағып, жазу жазған:
«Өлімнен құтылмайсың қашқанменен,
Мынау көр — сенің көрін, Қорқыт жазған!»

Корқыттың қайғысы енді болды басым,
Жаздың не, жазбадың не жан жарасын?!
Есі ауып байтақ уақыт жатқаннан соң,
Котеріп бір мезгілде алды басын.

Ойменен пара болған жан жыртылып,
Мерт болған ессіз жүрек айға ұмтылып:
Кеудеде құр әншейін шықпана жан,
Тұрды да кетті Қорқыт сүйретіліп.

Алыста сөнген оттай үміт өлді,
Сүм тағдыр қатты қақты созған қолды.
Сонда да қажу білмес ойлы Қорқыт
Дүниенің төрт бұрышын кезбек болды.

Қалмады жер жүзінде бармаған жер,
Қорқыттың қанды жасы тамбаған жер.
Басса да қайда қадам сорлы Қорқыт,
Алдынан қарсы шығады қазылған көр.

Қазылған, онға барса, онда да көр,
Қазылған, солға барса, солда да көр.
Шоңқып көрге қонған күшігендей,
Көресін, қара тақтай қағулы түр.

Алдынан кез келеді бір көр қазған,
Басына тақтай қағып, жазу жазған:
«Өлімнен құтылмайсың қашқанменен,
Мынау көр — сенің көрін, Қорқыт жазған!»

Дариға, табылмақ па ажалға айла?!
Жерде бір өлік көрмес болу қайда?!
Алдыңнан, қайда барса, көр шығады,
Өлімге, сорлы Қорқыт, белің байла!

Не пайда шомылғанмен қанды жасқа?!

Не пайда басты үрганмен тау мен тасқа?!

Дүниеде ажалдан еш күшті болмас,
Көрмессің кезгенінде көрден басқа.

Шықпаған кеудесінде шыбын жаны,
Қасықтай кеуіп, бітіп қалған қаны:
Аяндап, аруақ боп Алтайына
Күнірентіп қайтты Қорқыт жерді зары.

Қайтса Алтай, баяғы Алтай күнірентген,
Асқарға аспан төніп еміренген.
Керіліп бұлтпенен бал алысқан
Еркенің не ісі бар ой-шерменен?!

Мелшиген баяғыдай меңіреу орман,
Ойнаған асав бұлақ шапшып ордан.
Жел анау көрінгенде бір сүйсе де,
Жар таппай жаны бірге «мәңгі» он ұрган.

Ел мынау баяғыдан малын баққан,
Малындаі алдындағы жусап жатқан:
Қайғысы, қуанышы бәрі де ойсыз...
Сырдай бәрі өкіріп, бәрі шапқан.

Қайтты да айналғандай есалаңға,
Ләм-мим деп бір сөз қатпай тірі жанға,
Күніреніп жер бауырлап жатып алып,
Үйқысыз қосты Қорқыт таңды таңға.

Бір күні шошып тұрып көргендей тұс,
Кесіп ап қарағайдан қылды қобыз,
Қыл тағып қобызына, сөйлетіп ед,
Алтайды күнірентіп шықты лебіз.

Қобыздан мұнды дыбыс сорғалады,
Майпандалап ә дегенде жорғалады;
Бірсек асав тайдай ойнақ салды,
Бірсек сары нардай ыргалады.

Дуылдал қырдан жерге түйілгендей,
Долданып дауыл құмды үйіргендей,
Басылып біраздан соң сылқ-сылқ құлед,
Дүшпанын мұқатқанға сүйінгендей.

Біресе жүйрік желдей кетеді есіп,
Асқарды аттап өтті, дария кешіп.
Біресе әлдекімге тіл қатқандай,
Желменен жапырақтай құбірлесіп.

Біресе от сықылды аспанға асқан,
Жоқ әлде ор қоян ба оргып қашқан?!
Біресе құрсінгендей, құңғренгендей,
Жандай-ақ қап-қараңғы қайғы басқан.

Қобыздың сарнағаны зарлағандай,
Қан шашып әлдекімді қарғағандай.
Жүргегі мың жара боп паршаланып,
Күйініп көзінен жас парлағандай.

Құңғренді, жылады зарлап қобыз,
Жанды өртеді толқынды, мұнды лебіз.
Жасын төкті көл қылып шерлі Қорқыт,
Жан жыласа, жыламай қала ма көз?!

Қобыздан осылайша шықты сарын,
Бірде мұз, бірде дауыл, бірде жалын...
Қарағай мен қыл сырнай не деуші еді,
Шығарды сарынменен Қорқыт зарын.

Таба алмай жерді кезіп ажалға айла,
Дариға, ажалға айла болу қайда?!

Азырақ улы ойларын бөлмес үшін,
Жабысты шерлі Қорқыт қарағайға.

Қызырып ашуменен күн батқанда,
Ерініп, еркеленіп таң атқанда,
Қарны тоқ, қайғысы жок, жаны тыныш
Малдай-ақ қор-қор үйықтап ел жатқанда;

Байлары малман-малман мал баққанда,
Батырлар балпаң-балпаң ел шапқанда,
Ішкені — мас, жегені — тоқ, бәрі де мәз,
Кедейлер көк есектей зыр қаққанда...

Корқыттан серпілмейді қалың уайым,
Қолынан тастамайды қарагайын.
Қобыздың лебізінде мұн молайды,
Зымырап өмір шіркін озған сайын.

Өмірде жүрген жерін қанды ор гып,
Шеше алмай жан жұмбағын шерлі Корқыт,
Жұбанды қолындағы қобызымен,
Көрге де қобызымен кірді Корқыт.

Откен күн ертегі ғой, тамаша таң,
Ойласаң өткен күнді, жұбанар жан.
Байқасаң, адамзатта болған ба ақын
Корқыттай атасынан бата алмаған?

Ақын — жел, есер, гулер жүйрік желдей,
Ақын — от, лаулап жанаң аспанға өрлей.
Қиялы, жан-жүргегі — ойнаған от,
Ақынды аласұрттар тыныштық бермей.

Жай адам қияға ондай қол сермей ме?!

Ақынға аз нәрсе ауыр ой бермей ме?!

Қиялмен арманға үшқан, сағым құшқан

Жүйрік жан алдында ылғи көрмей ме?!

Жел жүрсе, терен теніз тебіренбей ме?!

Көрсе көр, ақын жаны құніренбей ме?!

Көргенін кенес қылып құніренсе ақын,

Тындаған тірі жанға шер бермей ме?!

Құшақтап қарагайын сарнаса ақын,
Толғанып, жасы төгіп, зарланса ақын,
Шеткерек тұрып біраз тындағайсын,

Баспалап, төніп, жаншып келме жақын.

Жақындық қажет емес жүйрік ойға,
Шер-сикыр, алыстан-ак тарамай ма?
Ақынды алыс тында, көп тілейтін
Қағылып кете көрме қарагайға!

Ақынның қарагайы — жары да сол,
Ата-ана, малы-мұлкі, жаны да сол.
Сезімпаз қарагайдың нәзік қылы
Ақынның жүргегіне жалғанған ол.

Сорғалап сиқырлы үн шығар ішектен,
Шықпақшы ішектен емес, үн жүректен.
Үзілсе ішек, үзілмес нәзік жүрек,
Сондықтан ,сұрағаным, тында шеттен.

Серпілмес терең жанда қалың уайым...
Түсірмес қолдан ақын қарагайын.
Үнінде қарагайдың мұң молаяр,
Зымырап өмір шіркін өткен сайын.

Атасы ақындардың — ақын Қорқыт
Өмірде жүрген жерін қанды ор қып...
Шомылып көз жасына сарнай, зарлай,
Құшақтап қарагайын жатыр Қорқыт.

* * *

Ол күндер көз жетпейтін ерте күн ғой,
Ерте күн ертегідей ерке күн ғой...
Откен күн — ұстаптайтын сұлу сағым,
Жалғыз-ақ желден жүйрік жетеді ой...

Откен күн ойды әлдилеп тербеткендей,
Ойынды Алтай бойына өрлеткендей.
Тыңдасаң құлагың сап сар даланы,
Қорқыттың сарыны, әні қүніренткендей...

Тыңдасаң, есітесің жаныңменен,
Сар дала күніренеді сарынменен.
Ерте естіп сол сарынды, ерте улап,
Мен сорлы көптен әуре зарыңменен.

Ес білдім — аласұрдым сағым куып,
Жете алмай, бетті талай жаспен жуып.
Артымда — ор, алдымда — көр, өтеді өмір...
Дариға, бесігімнен көрім жуық.

Көп заман жетеледі жынды жүрек,
Ойладым: «Жүрек жетер, ой не керек?!»
Тәтті у еді, сол удан неге айныдым?
Дарига, үміт өлмек, жүрек сөнбек...

Бір күнде жолдас болдым ойынменен,
Өмірді алмақ болдым ойынменен.
Ойын тынды, жолдасым жоқ боп кетті,
Бұл күнде уланамын ойынменен.

Енді менің жолдасым — жалғыз қобыз,
Сарна, қобыз, мұң-зарлы шығар лебіз!
Сен жыласаң, жылармын мен де бірге,
Жан жыласа, жыламай қала ма көз?!

Өмірде арманым жоқ — Қорқытқа ерсем,
Қорқыттай жанды жаспен жуа білсем,
Жас төгіп сүм өмірде зарлап-сарнап,
Құшақтап қобызымды көрге кірсем!..

ҚОЙЛЫБАЙДЫҢ ҚОБЫЗЫ

Ертеде ел бар екен қалың Найман,
Қытайға қалың Найман қанат жайған.
Қалың Найман ішінде Бағаналы,
Қазақта бақсы асқан жоқ Қойлыбайдан.
Қойлыбай жын жүгендер, пері мінген,
Алдында жорғалаған шашты шайтан.
Қойлыбай қобыз алса-ақ қалбаландалап,
Қақаман жалғыз көзді жынның ері,
Ерегіссе, тау-тасқа салған ойран.
Дарқанның Нәдір пері — аға жыны,
Ардақтап оған Шолақ деп ат қойған.
Қойлекенің үшінші жан жолдасы —
Шайтанның шу асасу батыр Шайлан.

Қойлыбай бақсы болған қазақ асқан,
Жынменен жолдас болған бала жастан.
Азырақ әңгіме үшін соғ қозғайын
Қалың Найман жиылған бір зор астан.

Бір асқа жиылышты Найман тамам,
Бай, биі, батырлары балпаң басқан.
Ішінде сол жиынның Барак та бар
Аузынан арыстандай жалын шашқан.
Бәйгеге екі жүздей ат жіберіп,
Күрес сап жиылған жұрт ұрандасқан.
Ерігіп аңғал батыр, маңғаз байлар:
«Бәйгеге қобызың қос», — деп сұрасқан.
Қалқасы қалың Найман қалаған соң,
Қойлыбайың бәйгеге қобыз қосқан.

Найманның ұлы дүбір сол асында,
Өлеумет алқа-котан дөң басында.
Айнала ығай-сығай, жақсы-жайсан,
Қойлыбай қобызымен ортасында.
Бас болып батыр Барак қалаған соң,
Бәйгеге бақсы қобыз қоспасын ба?!

Қойлыбай сонда айтады шақырып ап
Ыңғайлы бір бозбаланы өз қасына:
«Ат шабатын жерде бір сексеуіл бар
Жарып өскен жапанның жартасына.
Қобызды сексеуілге байладап таста,
Мен сенем жын Қақаман жолдасыма».
Қалың Найман бәйгеге қобыз қосып,
Шуласып отырысты дөң басында.

Бір кезде ат келетін мезгіл жетті,
Бозбала ат алдынан шауып кетті.
Сол уақыт жай отырған Қойлыбайды
Аруақ қалшылдатып, дірілдетті.
Аузынан қанды көбік бүрк-бүрк етіп,
Жап-жалаңаш қылышты қобыз етті.
Көздері қып-қызыл бол қанға толып,
Сарыны сар даланы күнірентті.
Бір мезгіл екліндеп, долдандырып,
Бір мезгіл жыны буып күбірледті.
Қалың құмды қап-қара бұлтқа қосып,
Қызыл жел құйындарып дүрілдетті.
Жан-жақты ың-жың, у-шу дауыс қаптап,
Шапқылап жын-перілер дүбірледті.

Осылай ойнап, сарнап бақсы жатты,
Қалжырады, қал-қара терге батты.
Сол кезде ат келетін құба жонды
Түтіндей будақ-будақ бір шаң жалты.
Сол шаңың ортасында бір сексеуіл
Ербендең ойнақ салып келе жатты.
Екі басы жерді ұрып кезек-кезек,
Сабалап қырды жол гып жаралапты.
Байланған сексеуілге қобыз берік
Көз ашқанша жиынға келіп қапты.
Сексеуілді қопарып алып келіп,
Қақаман жұбатады ерке қартты.
Қобыз келді, Қойлыбай көзін ашты,
Қалың ел тамашадан тас бол қатты...

ТОҚСАННЫҢ ТОБЫ

Құмдықөл басы қара құрт,
Қара құрт емес, қалың жұрт,
Қалың жұрт құба дөңесте.
Арам, кірлі құбір жок,
Самбыр сөз бар, сыбыр жок,
Жұрт ақжарқын кеңесте.
Ауылдан аулак, оңаша,
Жиын түрі жаңаша,
Ескі адыра алыста.
Сапырылған қымыз жок,
Сойылған бағлан, семіз жок,
Жұрт ынтасты жұмыста.
Түрлі сөзді қолға алып,
Талқылайды толғанып,
Кезекпен сөйлеп кеңесте.
Бажыл болса баяғы,
Керіспен тынар аяғы,
Кеңесті кеңес демес те.
Осылайша көп түрі,
Сөз күрделі, саз ірі,
Кеңесіп жата тұрсын топ.

Мен айтарлық сөз мұнда:
Осы кеңес тобында
Кімдер бар да, кімдер жоқ?
Кімдер жоқтан бастайын,
Қысқа қайырып, саспайын.
Танаудан тізіп санайын:
Жалпы айтқанда, жоқ жауыз —
Жатып сорар жалмауыз
Еңбекші момын маңайын.
Балдырлайтын ардалап,
Пара алатын арбалап —
Атымен обыр ұлық жоқ.
Сары обырдың серігі,
Жеті басты жебірі —
Қарғылы құтпан болыс жоқ.
Буаз бие қарынды,
Пара алмаса, арынды
Баяғының биі жоқ.
Топтан тәбет айдалып,
Тілі-қолы байланып,
Бидің енді күйі жоқ.
Ұлықта тамақ табатын,
Арсаландаپ шабатын
Ауылнай атты құшік жоқ.
Аш қанышықтай кезеген,
Жалғайтын жұлып өзегін —
Сүм, сүркия, пысық жоқ.
Үйірлеп малай жалдайтын,
Жалдамайтын, жалмайтын —
Еңбексіз, обыр сасық жоқ.
Көлемі күйек сәлделі,
Көк мұздай жылтыр көлделі
Ишан атты пасық жоқ.
Түкірік жағып көзіне,
Жұртты улайтын сөзімен
Өгіз көзді молда жоқ.
Екі беті торсықтай,
Борсандаған борсықтай
Бай баласы — бұл да жоқ.

Созылған сөздің қысқасы,
Қысқа сөздің нұсқасы —
Обыр, жебір, сүмдар жок.
Еңбексіз жейтін ит те жок,
Бейнетсіз жейтін бит те жок,
Жалпы айтқанда, жындар жок.
Жоқтарды осылай көгендер,
Танаудан тізіп түгендеп,
Кімдер барға келейін.
Санасам бәрін, сөз үзар,
Ұзын сөзге орын тар,
Біразын атап берейін.

Бұл жиында кімдер бар?
Ал айтайын, жаттап ал:
Жалпы еңбекші, жарлы бар.
Тап талтұсте таланып,
Тірі қүйі тоналып,
Соғым болған сорлы бар.
Туғалы таңы атпаган,
Тұрмыста тұшы татпаган,
Өмірде өңшең өгей бар.
Өмірдің ішкен у сыйын,
Кер шолакты, кең киім,
Кеуреген көп кедей бар.
Жасықтан өзге жемеген,
Тең еңбегім демеген
Аш-жалаңаш, арық бар.
Аталмаған адам деп,
Аталған жәутік-жаман деп,
Кем-кетік, қасер-ғаріп бар.
Құс табанын тас тілген,
Екі бетін жас тілген,
Бейнет баққан жалшы бар.
Өгізден өзге мінбеген,
Мінсе, мырза міндеген
Қабагы қатқан малшы бар.
Сусынын сумен қандырған,
Білегін тегін талдырған,

Құлдай болған қоңсы бар.
Шай-шайлап еңіреп зыр қаққан,
Сар далада зар қаққан,
Қатқан тонды қойшы бар.
Өмірде топқа кірмеген,
Тепкіден өзге көрмеген,
«Бағасы — байтал» әйел бар.
Дейтіндер десін, «Ой, Алла!»
Әйел енді оянды,
Болмаса былтыр, биыл бар.
Кеңестің бұл бергені:
Ердің екі ермегі —
Бәйбіше мен тоқал бар.
Ер апшысы қуырлып,
Биыл топқа суырылып,
Сөз сөйлемі тоқалдар.
«Үш-ш-ш-шүкір» дейтін асықпай,
Қоргасын құйған асықтай
Бүйрек бетті бала бар.
Жұғыннан өзге жемейтін,
Арыздым, аштым демейтін
Желекті келін және бар.
Көйлексіз етке күн киген,
Бейнеттен көзі кіртиген,
Шеккені шер мен ыза, зар,
Итаяқтан ас ішкен,
Ас ішпеген, жас ішкен
Сауыншы сорлы қатын бар.
Ұзын сөздің түйіні —
Бұл тоқсанның жиыны,
Жұзден тоқсан түгел бар.
Жұзден тоқсан — еңбекші,
Он тоқсанға көнбекші,
Көнбесе, жаныштар жігер бар.

Ес біліп ойлап, толғанып,
Қолыма қалам алғалы
Сейлеген емен жасыра:

Мен мұндымен мұндастым,
Адассам, ел деп адастым.
Он деген емен, асылы.
Он демедім, демеспін,
Ой кезінде қөмескі
Жырладым елді жалпылап,
Жасырмай, жүзді жоқтадым.
Тоқсанға енді тоқтадым,
Толғанып, ойлап, талқылап.
Сөздің тоқтар түйіні:
Бұл — тоқсанның жиыны,
Осы армансыз білгенім.
Тоқсаннан сонау он аулак,
Сонау оннан мен аулақ,
Мен тоқсанмен біргемін.

ЕРТЕГІ

Бүгін жаным өртке оранған жанға ұсал,
Бүгін жаным тым аңсады от құшақ.
Жынды жүрек тығылады аузыма,
Тілім-тілім тілсе келіп у пышақ...

Бүгін жүрек отты қарақ іздейді,
Бүгін жүрек күшті арақ іздейді.
Құшар едім... ішер едім... жылар ем...
«Сен» деуші жоқ. Бәрі де шет: «Сіз» дейді...

Аласұрад, жынданады жас жүрек,
Қарақ керек. Арақ керек! Не керек!
Бәрі де жоқ, жалғыз жолдас — қиялым,
Жұбатады айтып маған тәтті ертек...

Ертек, ертек, ертек, ертек — ерте екен,
Ерте күнде ешкі жүні бөрте екен...
Хан Абылай немересі Кене хан
Аспанға өрлең заулап жанған өрт екен.

Ертедегі адамдардың бәрі де ер,
Түн жағында ел бар екен орыс дер.

Орыс елі Арқаға қол салған сон,
Жас Кененің жүрегінде қалың шер.

Елім дейді, жерім дейді, жанады,
Жеткіншегі Ер Наурызбай баланы
Ертіп алып, қорғамақ бол қазағын,
Абылайдың ала туын алады.

Ту алады, орыс елін шабады,
Ер талмайды, аста тұлпар талады.
Ел-жұрт іздел Алатауға барғанда
Өз бауыры қыргыздан қаза табады...

Ертек, ертек, ертек, ертек — ерте екен,
Есіл Кене заулап жанған өрт екен.
Жас бөріден, сол ерінен айрылып,
Алты алаштың жүрегінде дерт екен.

Ертек, ертек, ертек, ертек — ерте екен,
Хан Кене өлді, Науан да өлді ақбөкен.
Тұлпар өлсе, қалмай ма оның тұяғы,
Тартып туған артында ұлы жоқ па екен?!

Кене артында жас арыстан Сыздық бар,
Төс үстінде желкілдеген қара жал.
Ерден туған ердің жолын қуады:
Ер иманы — ел, айнымайтын елім — жар.

Жап-жас Сыздық қорғамақ бол қазағын,
Ту көтеріп, қарға ілді садағын.
Балаусасың қанды майдан көрмеген,
Құтты қадам болғай еді, қарагым!

Сыздық батыр тұлпар атын ерттеген,
«Алты алашым, енді маған ер!» — деген.
Көп соққы жеп, сұле болған сорлы алаш,
Алты алаштан алты адам да ермеген.

Алты алаштан алты адам да ермеген...
Алаш сорлы келешегін көрмеген.

Орыс алды, қымылдаған қазақ жоқ,
Қайран Сыздық құса болды шерменен.

Қайран Сыздық елден үміт үзеді,
Жап-жас Сыздық елден, үйден безеді.
Жатып өлмей, жортып жүріп өлем деп,
Түркістанның бетпақ шөлін кезеді...

Ертек, ертек, ертек, ертек — ерте екен,
Сыздық ердің жүргегі шер, дерт екен...
Арып-ашып бір қопаның бойына
Келген кезде — қас қарайған, ымырт екен.

Қаранғы тұн жерге кебін төседі,
Қонайын деп Сыздық аттан түседі.
Қоректенбек болып жатар алдында,
Қанжығадан қос қоржының шешеді.

Коржын іші бөлек-бөлек қалта бар,
Қалта толған мейіздейін малта бар.
«Шөл далада жалғыз отыр ер балаң,
Жел-ау, жел-ау, алты алашқа айта бар!»

Мойынға алса, адам көнбек қынға,
Жалғыз өзі қалың қопа бойында
Шақлақ шағып, от тұтатып Сыздық ер
Отыр еді, ешнәрсе жоқ ойында.

Тұкті қабақ жауып түскен кезіне,
Ұшқын шашып, от ойнап түр көзінде.
Қырлы мұрын, қырмызы ерін, қап-қара
Тікенектей түк шығып түр жүзіне.

Кол — иекте, басы төмен иілген,
Тегі, ойда гой батыр жаны құйінген...
Бір мезгілде... сылдыр-сылдыр... қамыстар,
Жел ме әлде қамысты құшып иірген...

Жел білінбейд, сылдыр... сылдыр... көп қамыс.
Сылдыр... сылдыр... жақындарды жат дыбыс.

Дыбыс тынды. Бұ не болды? Не екен?
Әлде ерге шапқалы түр жолбарыс?

Сол мезетте қамыс ақырын ашылды,
Әлдекімге тәжім қылып, бас үрдыш.
Ай мен күндегі бір келіншек сыланған
Шыға келді, балқып нұры шашылды.

Сыздық отыр ой үшіна шыға алмай,
Кім екенін, не болғанын үға алмай.
Сыланған сұлу келіншек келді де,
Амандасты қолын жеңнен шығармай.

Женін беріп сұлу келіншек сыланғап,
Тал шыбықтай жүзге иіліп бұранғап,
Сызылып қана жанған оттың басына
Отырды ақырын жүлдіздайын жымында.

Сыздық сонда кәрмен қабақ түйеді,
Сұлу келіншек босатпады жүйені.
Көзінен от, қабағынан қар жауды,
Бір көз салып, кім екенін түйеді.

Хас батыр гой, қысылмады, саспады,
Сынамаққа бір малта алып тастады.
Сұлу келіншек былқ-сылқ етіп қылмында,
Малтаны алды, жеңін тағы ашпады.

Көңіл түйген нәрсе енді болды анық,
Сыздық батыр қабағынан қар жауып,
Келіншекке қаһарменен: «Кет!» — деді,
Беліндегі садағын шешіп қолға алып.

Сұлу келіншек «хи-хи-хи» деп күлгендей,
Дыбысы шықпай, ішегі қатып өлгендей,
Былқ-сылқ етіп түрегелді судырап,
Судыр-судыр жансыз жібек жүргендей.

Сылдыр-сылдыр сыйырласты көп қамыс,
Тек тұрмайтын, жыбырлайтын желауыз.

Сылан-сылаң сұлу келіншек жоқ болды,
Сыбыр тынды. Жыбыр қалды. Жоқ дыбыс...

Отқа қарап отыр Сыздық, көзі — от,
Қарасады, арбасады от пен от.
Айнала өлім. Құм жамылған үнсіз шөл,
Күбірлейтін, жыбырлайтын жел де жоқ.

Құм астында демі біткен бетпақ шөл,
Сұлу келіншек — жеңтирақ қой қанішер.
«Тырнағымды көрсө, біліп қалад», — деп,
Женінен қолын шығармаған мәні сол.

Жеңтирақтың тырнағы бар өткір жез,
Алып, күшті, жүгіріп кетсе, желден тез.
Пері менен диюодың ойнас баласы...
Бола алады аң да, құс та, шал да, қыз.

Бүгін келіншек болып кепті Сыздыққа,
Алдап-арбап батпақшы ғой қызыққа.
Жемекші ғой өлтірген соң қытықтап,
Ер жүрегін малып-малып түздыққа.

Қырмызы ерні қыбырлады батырдын:
«Неге өлі мен «Кет!» деп соған ақырдым?
Құлген болып, көнген болып, әурелеп,
Ойынын көру керек еді пакырдын.

Сөз жоқ, енді ол намыстанып, арланып,
Кетті ыза боп: «Қап, бәлем!..» — деп қарғанып.
Біраздан соң, тұн ортасы кезінде
Келмес пе екен дауылданып, кәрленіп», —

Деді-дағы ер қаранды жан-жаққа,
Маң-маң басып жүріп біраз ар жақта,
Тауып алды дөңбектей бір қара тас,
Ер қолына дөңбек тасың қаңбақ та!

Дем шығарма, салса да тас салмагын,
Кары түгіл, ауыртады бармағын.

От басына тастады да, дөңбекке
Сыздық батыр жапты қара қапталын.

Атын алып кетті өзі анадай,
Сескеніп бір жан-жағына қарамай.
Тұсаулы аттың тасасында отырды,
Бұғып қана тоңған қойшы баладай.

Ашыққан ат үзіп жатыр күріс-күріс,
Ол үзгені тырбық-тырбық баялыш.
Айнала — өлім, жыбырлаған жел де жок,
Естіледі жалғыз ғана дем алыс.

Естімейді құлақ ешбір тықырды,
Әлде пері әпсүн оқып түкірді?
Бетпақ шөлдің көгі де бір сүр кебік,
Айы нұрсыз, жұлдызы үнсіз сықылды.

Тым болмаса, сылдырласа қамыстар!..
«Әлдеқайда, Қырда, Сырда алаш бар...»
Шулаған аң, шұбырган мал, шалқар көл,
Мұнарлы тау, балдай бұлак, ағаш бар.

Сыздық мынау елден безген ел үшін...
Сыздық мынау шөлге көмген жас күшін...
Бетпақ шөлде Сыздық өлер, құм көшер...
Жүректе у... жарып қарап кім ішін...

Өлер батыр... тастар оны құм көміп...
Қарға-құзғын үстінде жүрер үңіліп...
Сыздық өлер... алаш құрыр... есіл ер...
Бір мезгілде кетті ме көзі ілініп.

Бір мезгілде жындан ойнап жел шықты.
«Фию-фию» деді. Тілін кім үқты?
Сыбырлады, жыбырлады жорғалап,
Шөл шулатып, құм аузына құм тықты.

«Фию-фию, фию-фию» есті жел.
Бұғып жатқан баялышты құшты жел.

«Жынды неме, мұның не?» — деп, мырсылдап,
Селк-селк күліп, селкілдеді сексеуіл.

Сылдыр-сылдыр қамыс басты сылдырға,
Жел сүйсе оны, жан кіреді құрғырга.
Жел — жас жігіт, қамыс қыз ғой көңілшек,
Еркі қалып, салған «қойшы, құрғырга».

Уледі жел, дауылға ол айналды,
Кекке қою қара бұлттар байланды.
Қыбырлады тұншығып жатқан құмшықтар,
Серпілді де, ер садағын қолға алды.

Әр дыбысқа енді құлақ түрулі,
Көз тігілді, қолда садақ құрулы.
Жеэтырнақ қой келе жатқан кәрленіп,
Диу ашулы, пері жүріс, жын шұлы.

Сол секундта жаншып жап-жас қамысты,
Жындей, тұндей қап-қара бір албасты
Жымып қана келді дөңбек жанына,
Сол секундта батыр көзін қан басты.

Тартайын деп онтайланды садағын,
Сонда албасты: «Ә-ә, Сыздық қарағым,
Жатырмысың үйықтап қаннен-қаперсіз?
Мына маған қалай кәрмен қарадың?!

Келдім. Кеттім. Орныңнан да тұрмадың!
Кім ұмытар сенің тұқымың қылганын.
Кене — әкемді, Абылай ағамды өлтірді,
Балам, сенің құрытайын үрпағың!» —

Деді де ол, көзі оттай жайнады,
Жез тырнағын өз тісіне қайрады.
Қайрады да көмді тасқа тырнағын...
Ессіз шіркін қайдан білсін айланы.

Сол арада «талдау жердің тұсы» деп,
Сол арада «дөл жүректің басы» деп,

Көзі қан боп, қарт бурадай қалышылдап,
Дәлдеп тұрып тартып қалды ер Сыздық.

Тырнақ тіліп тас шыңғырып — «шак!» деді,
Сол секундта тартылды садақ — «так!» деді.
Тәлтіректеп, аузынан кесек қан атып,
Жезтырнағым «аһ» деді де, «қап!» деді.

«Сыздық сүм-ай, орарынды біліп ем,
Ордың да сен тындың. Болды тілегің.
Бір сұрауым: тағы да атар ер болсан,
Бір оғыңмен азаптанып өлемін».

Сөз орнына Сыздық сақ-сақ қүледі,
Екі атса ғой Тырнаққа Құдай береді!
Біраз тұрып, тәлтіректеп жезтырнақ,
Сүйретіліп қопаға қарай жөнеді.

Жол берді оған, қамыс тағы ашылды,
Намысы жоқ қамыс тағы бас үрды.
Біраз сыбыр. Біраз жыбыр. Дыбыс жоқ.
Көк айықты, жел де енді басылды.

Ешбір үн жоқ. Үнсіз өлік — бетпақ шөл,
Жыбыр-жыбыр. Жанын берді, өлді жел.
Тұншыққан құм. Мәңгі бүкқан баялыш,
Қатып қалған, селкілдемейд сексеуіл.

Айнала өлім, егі-шексіз шөл де шөл...
Шөл мен өлім арасында бір-ақ жол.
Ер Сыздықты тағы ойлар биледі,
Иекте түр жаңа садақ тартқан қол.

Әлдеқайда, Қырда, Сырда алаш бар...
Мұнарлы тау, балдай бұлақ, ағаш бар...
Есіл елді, есіл жерді жат алды...
Ойлы ұлына бұл кен дүние болды тар.

Ойлар басты, жүйрік жанға ой батты...
Ұзамады, ағарып ақырын таң атты.

Ұры ойлар жанды жеді, қанатты,
Тарам-тарам алма беттен жас ақты...

Күні кеше айбынды Абылай бабасы,
Ақылы кен, алты алаштың агасы,
Шын хан еді-ау, қорғаны еді-ау қазактың,
Өлді Абылай, солды қазақ даласы.

Θз өкесі Кенесары кім еді?
Заулаган өрт, ойнаған от, Күн еді.
Алаш деп — у, қазагым деп қан жұтып,
Қаза тапты, қазағым, күнің тұн еді!..

Сыздық мынау қайғы қыуып, шөл безген,
Кім біледі, көмер оны құм кезген.
Бүйткенше ол, неге жүріп кетпейді
Кене, Науан салып кеткен қанды ізбен?

Өлім ізден адам белін бусын да,
Ерден тұған ердің жолын қусын да.
Жолбарыс ер жалғыз өлсін майданда,
Жаспен емес, қанмен бетін жусын да!..

Осы ойлармен ерттеді атын мінгелі,
Шөлден безіп, қанды жолға кіргелі,
Алаш елі, сары сайран жері үшін,
Жапанда емес, жау қолында өлгелі.

Осы ойлармен Сыздық атын ерттеген,
Тап сол кезде ер жүрегі өрт екен...
Заман озды, адам тозды, ерлер жоқ...
Заман озды, ер заманы ерте екен...

Ертек, ертек, ерте, ертек — ерте екен,
Ерте күнде ерлер екпінді өрт екен.
Хандарынан, ерлерінен айрылған
Алты алаштың жүрегінде дерт екен!

Ертек, ертек, ертек, ертек — ерте екен,
Хан заманы, ер заманы ерте екен.

Ерте заман, алаш аман — айбынды ел...
Ерте күнде ешкі жұні бөрте екен...

Ертек, ертек, ертек, ертек — ерте екен,
Ерте күнде ешкі жұні бөрте екен.
Күніреніп құрсін де, алаш, тыңдай бер,
Ертегі айтад дерпті балаң Жәжекен.

Бітті ертегі. Аласұрад жас жүрек,
Қарақ па әлде? Арақ па әлде? Не керек?
Арағы да, қарағы да құрысын!
Қиялтайым, айтшы тағы, тағы ертек!..

ОҚЖЕТПЕСТІҢ ҚИЯСЫНДА

Арқада Бурабайға жер жетпейді,
Басқа жер ойды ондай тербетпейді.
Бурабайдың көлі мен Көкшетауды
Көрмесең, көкіректен шер кетпейді.
Қиясымен бұлт құшқан Оқжетпестей
Басқа тау ойды аспанға өрлетпейді.
Арқада Бурабайға жер жетпесе,
Алашта Кенекеме ер жетпейді.
Көкшеде күніренген Кенем қайда?!
Дарига, жүргегімді дерт өртейді.

Көкшені күндіз-тұні мұнар басқан,
Қап-қара бұлттармен құшақтасқан.
Алдында бүйра жалды бөлек тау тұр,
Көкшеге қосылмаққа қойнын ашқан.
Мәп-мәлдір, дәп-дәңгелек көл ортада,
Жел ойнап, ақ бетіне меруерт шашқан.
Сол көлдін жағасында Оқжетпес бар,
Жасаған мұнарадай құйып тастан.
Найзадай Оқжестпестің қиясына
Жалғыз-ақ Кенекем гой қадам басқан.

Алашта талай-талай ерлер өткен,
Ерлерде Кенекем кім бар жеткен?

Сүйремей елін өрге, көрге сүйреп,
Ер емес, «ершіктер» ол елді еңіреткен.
Жалғыз-ақ Кенекем гой қайрат қылған,
Қазақты құтқарам деп қалың өрттен...
Бір кезде Кенекемді ойлар билеп,
Бір өзі Бурабайды кезіп кеткен,
Артында Оқжетпестің ұнгір тау бар,
Сол тауда бірнеше күн мекен еткен.

Бір тұні тым құтырып жел ойнайды,
Жынды жел қатты сақ-сақ құле ойнайды.
Бетінен жел кеп сүйіп алғаннан соң,
Көбіктеніп құлегеш көл ойнайды.
Сол тұні сонау ұнгір тау ішінде
Қабағын қарс жауып Кене ойлайды.
Қамалған қазагына жол таппакқа,
Жүрегін тілім-тілім тіле ойлайды.
«Қазағым, ханың да мен, қараң да мен,
Сен үшін жаным құрбан», — деп ойлайды.

Кенекем құлаштаған ой теңізін,
Бұлдыртқан бұлдыр заман қыран көзін.
Бір кезде серпіледі, шыгарған соң
Ойлардың «үх» деген у лебізін.
Келеді маң-маң басып Оқжетпеске,
Құмдарға жолбарыстай тастап ізін.
Көзін жұмып, қияға шықсам-ау деп,
Ойлайды жоғарыға жөндеп жүзін.
Сол минут Оқжетпестің қиясында,
Жіберсе көзін ашып, көреді өзін.

Кенекем көзін ашып, таң боп қатты,
Қараңғы, кез көрмейді ешбір затты...
Нажағай маңайында жарқ-жүрқ етіп,
Қарагай, сыпсың біткен шулап жатты.
Төменде, Оқжетпестің етегінде
Толқындар тасты сабап, туласап жатты.
Кішкене сескенгендей болғаннан соң,
Кенекем аузына алды аруақты.

«Аруақ» деп алғанша аузын жиып,
Көреді қарсы алдында әппак қартты.

Қарт сонда қозғағандай болды басын,
Қолыменен көтерді түкті қасын.
Ойнаған ақ бұлттай денесі әппак,
Жасаған бұлт ішінде барлық жасын.
Күнірекен көлдердің көбігімен
Жуғандай әппак қылып сақал-шашын.
Ізгі қарт «а» деп аузын қозғағанда,
Төмөндө судың шуы болды басым.
Қарт сонда күніренип: «Аманбысың,
Кенежан, елдің ері жолбарысым!

Кенежан, берірек кел, сырттан балам,
Ел үшін елсіз жерде жортқан балам.
Сақтайтын қолдан, тілден сендей ерді
Ата пір қасиетті мен қарт бабан.
Өз қолыммен төмөннен тартып алдым,
Қияда күтіп сені сансыз заман.
Ел үшін еңіреп туған жолбарысым,
Білемін, жүргегінде бар бір жараң.
Сені улаған қазақтың қайғысы ғой,
Дарига, қазағыңың күні қаран.

Алаштың алдын қара тұман жапқан,
Мынау орыс обыр ол еміп жатқан.
Заман азған шағында адам азбақ,
Көп ерлер жаумен бірге елін шапқан.
Кешегі Абылайдан азып туған
Үәли анау қар қатынмен басы қатқан.
Шормандай шолтандаған шолақ билер
Орыстың шекпеніне елін сатқан.
Кенежан, елің қалды жау қолында,
Алып кет алашынды осы жақтан.

Тайсалма, тәуекел қыл, батыр балам,
Арсыға дүға асырап мен қарт бабан.
Еңіреген ерге серік жолдас болар

Балауса жас жолбарыс — інің Науан.
Жау қалың: азғантай ел, азғантай шак,
Болғай ед аруақ жар, Құдай панан.
Мерт болсаң мақсұтыңа жетпей егер,
Сол сағат мен осы жерде тасқа айналам.
Алашта тағы сендей ер туудын
Төбеде тас боп шөгіп күтіп қалам».

Осы сөздерді айтып қарт ғайып болды,
Таудың үсті тамаша нұрға толды.
Тербеліп, күніреніп қара бұлттар,
Жер мен көк қасиетті жырға толды.
Бұлтты айдал, сылдыратып сумен ойнап,
Ерке жел тасты құшып сақ-сақ күлді.
Аллалап ну қарагай шулай-шулай,
Төменде тулай-тулай толқын өлді.
Тамашадан тас болып біраз тұрып,
Көзін ашып, Кене өзін жерде көрді.

Сол кеткеннен Кенекем кете барды,
Жаңына жас жолбарыс Науанды алды.
Алашты алып шығып ел қылмаққа,
Орысқа аш бөрідей ойран салды.
Үйсін, Дулат, қыргызбен қол үстасып,
Қытаймен қатынаспаққа ой ойланды.
Біле алмай надандықпен ердің ойын,
Сорлы қырғыз мерт қылды арыстанды.
Арыстан Алатауда мерт болғанда,
Оқжетпесте тұрган қарт тасқа айналды.

Содан бері бірталай заман өтті,
Алашты улай-улай жаман өтті.
Тұлпар — тулак, ер арып аруақ боп,
Сарыарқа сайран жердің сәні кетті.
Жолбарыстар жортатын сар далада
Қорсылдаған доныздар мекен етті.
Жалғыз-ақ Оқжетпестің киясында
Шеккен қарт күншығыска түзеп бетті,
Көп заман талмай-тозбай тау басында,
Алаштан Кенекемдей бір ер күтті.

Арқада Бурабайдай жер болмайды,
Алашта Кенекемдегі ер болмайды.
Кене Арыстан мезгілсіз мерт болды гой,
Алашқа бұдан да зор шер болмайды.
Ел азды, Арқа тозды, қайғы басты,
Күніреніп біздей бейбақ жыр толғайды.
Құдай-ау, мәңгілікке қарғамасан,
Кенедей енді неге ер тумайды?!
Кене жоқ, ізін басар іні де жоқ,
Дарига, жүргімді дерт улайды.

ЖҰСІП ХАН

Бар екен де, жоқ екен,
Аш екен де, тоқ екен,
Ертек, ертек, ертекте:
Ала қарға — азаншы,
Кара қарға — қазаншы,
Шымшық терген шөпшекті.

Қарлығашы қалбандаپ,
Жапалагы жалбандаپ,
Көрсетілті комегін.
Құс атаулы, әйтеуір,
Болыпты бәрі әбігер,
Мен білем бе себебін?!

Сөз бұл емес, сөз кейін,
Бұл сөздерім әншейін
Кеуде кернеп дем алыс.
Бұл — бұлаңы тұлқінің,
Бұл — бастапқы бұлкілім,
Болғаннан соң жол алыс.

Тағы да айтам: бұл жерде
Жазбақ емен сендерге
Құстардың не қылғанын.
Бұл — әшейін қомданып,
Даярланып домбыра алып,
Тамагымды қырғаным.

Ал тамақты қыралық,
Бөрікті жерге үралық,
Кіріселік кенеске.
Кенес мынау ұнаса:
Жер жүзінде тамаша
Талай жер бар емес пе?

Оңтүстікте алыста,
Үндістанга барыста
Иран дейтін бір жер бар.
Жер болғанда, ерке жер,
Жердің құты — серке жер,
Не керегің табылар.

Күні жерге үнілген,
Жері гүлге көмілген,
Бір гүл сайын бір бүлбүл.
Асты бір гүл жайнаган,
Үсті бүлбүл сайраган,
Мейлің жыла, мейлің күл.

Бал бұлақты тауы бар,
Бүйра-бүйра бауы бар,
Бауы толған жеміске.
Бір жемісі жақұттай,
Бір жемісі ақықтай,
Бір жемісі күміс пе?!

Бір жақ беті қандай бол,
Бір жақ беті тандай бол,
Үйліп жатқан алмасы.
Бәрінен де бүл өжеп,
Саусағынды бірге жеп
Қоятындей алуасы.

Қойтұяқтай — түймедей,
Елі жейтін үймелей
Әсіресе шапталы.
Тағы елінде жібек көп,
Талайының жібек дейд
Еру киген қапталы.

Иран жері, не керек, —
Жеміс, бұлбұл, гүл, жібек,
Төрт түлегі сай бопты.
Сай болғанмен, мәлім ғой,
Елінің дені қу кедей,
Бір уыс-ақ бай бопты.

Қашанда надан көп кедей,
Бір уыс байға беттемей,
Құл бол қызмет қылмай ма?
Желіккен байлар құл айдап,
Еріккен байлар хан сайлап,
Әңгіме-дүкен құрмай ма?

Иранда сонау құт қонған,
Байға ғана құт болған
Бопты дейді Аббас хан —
Жасын тақта жасаған,
Құшігенге ұсаған,
Құлқы бұзық қақпас хан.

Елін бақпай, тақ баққан,
Бар жұмысы — тек жатқан
Алтын сарай ішінде.
Әйел жиған үйірлеп,
«Әйел!» деген күбірлеп
Өңінде де түсінде.

Шараптан ылғи шала мас,
Тажындағы тізген тас
Гауһар, күннің көзіндей...
Арамтамақ Аббас хан,
Өз құлқына тап басқан,
Уәзір жиған өзіндей.

Сүм-сүркия уәзірлер
Хан керегін әзірлер
Шауып, шанышып, ел талап.
Бұқара қасқа бүгжендер,

Табанда ылғи тепкі жер,
Құл боп құрдай жоргалап.

Күндер өткен осылай,
Тістесіп құйрық ай мен ай,
Жылдың ізін жыл басып,
Күндерде бір күн хан Аббас,
Шарап ішіп шала мас,
Өзімен өзі сырласып

Отыр екен сарайда,
Тірі жан жоқ маңайда.
Кіріп кепті бас уәзір.
Қос шиқандай томпақ ұрт,
Дорба сақал, құйрық мұрт,
Депті уәзір: «Иә, тақсыр!

Ұзак болсын жасыңыз,
Сізге құрбан басымыз.
Келгенімнің мәні бұл:
Бас балшысы тұскірі
Балына не түскенін
Сізге айтқалы келіп тұр».

«Кірсін!» — депті сонда хан,
Сонда оқтай зырлаған
Балшы ұшып кіріпті.
Кіріп құрдай жоргалап,
Құлдық ұрып ұш қабат,
Тұрып сөйлей беріпті.

Сырласқаны көк аспан,
Жұлдыз қарап, бал ашқан
Тәуіп екені тағы бар.
Депті: «Алдияр ханымыз!
Сізге құрбан жанымыз!
Келдім алып сүм хабар.

Жұлдыз маған не деді?
Жұлдыз жақсы демеді,
Қатер айтты ханыма.

Қатері сол, қысқа сөз:
Ханға қаза қатасыз
Оныншы күн таңында».

«Не? Не?» — деді, хан құп-ку,
«Не? Не?» — деді, қысты ашу,
 Қалшылдады, қақалды.
Ықылық атты, қыық деді,
«И-и-и-и-еет!» — деді,
 Сапсандағатты сақалды.

«А, құтырған бадырақ құл!
Бұл былшылың қай былшыл?
 Кет! Көрінбе! Шық! Жоғал!
Мен тілінді қырқайын!
Тұқымынды құртайын!
 Жендет! Жендет! Басын ал!».

Желден үшқыр жын ба еді —
Жетіп келіп жендеті,
 Жалаңдатып қылышын,
Алыл-ғұпыл, әп-сәтте
Тап береді шаппаққа.
 Құрысын балы! Құрысын!

Балшыда үрей қала ма,
Көзі сыймай шараға,
 Кемсек қагып, жандармен:
«Ханым! Ханым! Сұлтаным!
Бір қасықтай қи қаным!
 Аллаға аян, созім шын.

Балға түскен күн толар,
Жұлдыз сөзі сөз болар,
 Не пайда өліп мен төбет?..
Бірак, ханым, ойлаймын,
Ақылдассақ, айламен
 Жұлдызды алдап үрмас па ек?»

Хан бетіне қан жүрді,
Қисын қалай өмірді,

Арағы бар, қарағы!
Көзі сәуле шалғандай,
Дереу жұлып алғандай
Жендетіне қарады.

«Тоқтай түр» деп ым қақты,
Жаны біраз жай тапты.
Алдамаққа жұлдызды,
Машайығын, молдасын,
Үәзір, қазы, қолбасын,
Бірін қоймай жиғызды.

Жаранына жиылған
Аббас былай бүйірган:
«Тез ақылға салындар!
Жұлдызды алдау жөні не?
Сейтіп, тірі, олі ме, —
Қалап, затымды алындар!»

Бәрі жерге үнілді,
Бәрі ойға комілді,
Сақалдары салбырап.
Машайығы сүмиіп,
Молдалары мөлиіп,
Бере алмады бір жауап.

Хан бетінен қан қашты.
Жұрт та жым-жырт. Хан састы.
Алақ-жұлақ екі көз.
Сонда, анау балшыдан
Құлдық ұрып, бас үрган
«Ханым!» деген шықты сөз.

«Ханым! — деді, — Алдияр!
Қайғырманызы, үміт бар,
Ойдан айла табылар.
Арыстаным, тірегім,
Қасық қаным тілегім,
Мен дәметпен дүние-мал».

Үміті құрғыр жылт етіп:
«Сөйле! — деді хан зекіп, —
Сөйле! Күнәң кешілер!»
Балшы сонда тоқтап аз:
«О, сұлтаным, шахыбаз,
Жұмбақ былай шешілер:

Онынши күн таңында
Иран елі ханына
Қаза жетпек қатасыз.
Айла мынау сізге, хан,
Тап қазіргі сағаттан
Тақты тастап кетесіз.

Сіз кетіңіз, падиша,
Он күн біреу уақытша
Хандық құрсын тағында.
Жұлдыз сөзі дөп келер:
Тақта отырған хан өлер
Онынши күн таңында».

Хан қуанып қопаңдал,
Қоразданып қоқаңдал,
Жалт қарады уәзірге:
«Қанатым сен, құйрығым,
Жұрт билеуге жүйрігім,
Сен хандық құр әзірге.

Айта қалса, хан қайтпас!
Қарсы келсөн, мынау бас
Осы жерде кесілер!»
Уәзір сонда сабазың,
Кұлық-сұмдық сабагың
Судай ішкен есіл ер,

Жұзіне қуаң өң кіріп,
Көзді тоқсан төңкеріп,
Қолды жайып жіберіп,
Бейне маймыл маймандал,

Біресе бейне жайнаңдап,
Біресе бейне тұнеріп:

«Сұбхан Алла! Сұлтаным,
Сізге құрбан жан-тәнім.
Күнім туды оқынан!
Бірақ... Алла, ханым-ай,
Мендей сордың ойы сай,
Келмес хандық қолынан!

Сондықтан таққа қария,
Оқымысты-дария
 Қазы лайық болар-ау!..»
Енді қазың қақалды,
Салалады сақалды,
 Желпілдетіп қос танау:

«Астапыралда... әзірмін.
Сөзінде бірақ уәзірдің
 Бір қата бар болмашы:
Аюға ақыл қонар ма?
Келтексіз тентек онар ма?
 Лайық болар қолбасы!»

Екі беті шиқандай,
Дәл қораздай қойқаңдай,
 Басып, жаншып, қиратып
Ілгері шығып ентігіп,
Қызырып, ісіп, бір тынып,
 Едірей мұртын ширатып,

Барқыллады қолбасы.
Не керек, сөздің қысқасы,
 Басқага о да сілтеді.
Ақырда хандық кеңесі
Жұзі қара немесі —
 Жендетке барып жетеді.

Болғанмен қанша шала есті,
Оған да дереу ой түсті:
 Хан болсын қалай жан қыып!

Өзі кетті ырбиып,
Ерні кетті дүрдиіп,
Қолы қалды тырбиып:

«Е! Құрмалдық мен бе екем?
Он күн деген күн бе екен?
Адыра қалсын бұл хандық!...»
Сөз тоқталды. Жұрт жым-жырт.
«А, Құдайым! Құтқар!» — деп,
Айтысты іштен құрмалдық.

Сонда балшы сөйледі,
Сойлегенде бүй деді:
«Бұған да амал табылар.
Ұнатсаныз, халайық,
Бұл он күнге лайық
Жүсіп деген бір сүм бар.

Базарда ылғи ер істер,
Өзі шебер мініскер,
Нағыз найсап, шаян тіл.
Осы отырған бәрінді,
Жазаласа ханымды,
Ұры-қары дейтін ол!

«Хан, ханшасы, қолбасы,
Үәзір, қазы, молдасы, —
Өңшең ұры обырлар.
Бұқара елді еңіреткен,
Кедей қылып құңіренткен
Солар», — дейтін ол мұндар!

Мен ойлаймын, падишам,
Тал сол Жүсіп уақытша
Хандық құрсын тағында.
Жұлдыз сөзі іске асар:
Жүсіп жанмен қоштасар
Оныншы күн тақында».

Жұрттың аузы шешілді:
«Мұндай итті, кесірді

Жермен-жексен қылмас па?!

Дұрыс, дұрыс! Сол сүмнан

Өз қанына сусаған,

Таққа лайық кім басқа?!» —

Десті осылай, сөз тынды.

Біз де ақырын сөзді енді

Жөнелтелік Жұсіпке.

Жүкең қайда шаян тіл?

Қайда болушы ед? Базарда ол

Қақталып, қасқа, ыстыққа.

Шаңқай түс. Шым-шым шағыл күн.

Базар ызың, ың да жың.

Жабыр-дабыр сансыз жұрт.

Саудагер сүм жаны — мал,

Шиқан бетті, жұн сақал,

Сатқан, алған шартпа-шұрт.

Сәлде, шапан шұп-шұбар,

Ардандаған арбалар.

Есек, молда мөніреген.

Дәруіш, балшы, ойынши,

Ақсақ-тоқсақ, қайыршы,

Жетім бала еңіреген.

Қап-қара бет, сүр дене,

Доп-домалақ бірдене.

Бұл — әйелі Иранның.

Сол базарда бар Жұсіп,

Отырды Жұсіп шай ішіп

Жолдасы біраз адаммен.

Отыр екен деп Жұсіп:

«Біз көреміз, не керек,

Хан, қазы, әкім, байлардан.

Кедейге күн жоқ таң атар,

Кедей сорлы жұбанар

Осы деп бізге жазған зан.

Ойласаңшы, о жазған,
Сол занды өзі кім жазған?
Хан емес пе қазымен?..» —
Дей бергенде осылай,
Әскер көрінді анадай,
Сырнай-керней сазымен.

Су ете түсті жүргегі,
Сұп-сұр болды рені:
Кімге жаққан тұра айтқан.
«Болмаса игі ед бір сүмдық!» —
Деп күбірлеп, жым болып,
Жұсіп көзін қаша атқан.

Қарай қалды қол жаққа,
Қол келеді бүл жаққа.
Дүріл-күріл, ызы-шу
Самсаған қол. Сары дала.
Қызыл-жасыл, ақала.
Арғымақ, Сырнай. Дабыл. Ту.

Сәлде. Сақал. Дулыға.
Құлдар қолдың жолына
Кілем төсеп қайқандап,
Уәзір, қари, молдасы,
Қоразданған қолбасы
Қол алдында қойқандап.

Базар халқы қым-қиқу,
Енді жым-жырт... жығылу.
Бәрінің тілі байланып...
Жүртпен бірге Жұсіп те
Демін алмай, мысықтай
Болып, басы айналып,

Көзін жұмып, енді ашса,
Бүл не деген тамаша!
Уәзір оған бүйдеп тұр:
«О, сұнқарым, сұлтаным,

Саган құрбан жан-тәнім,
Тұр тезірек, таққа жүр!

Ханга құр су ұнай ма!
Саган даяр сарайда
Шербет, шарап, не тамақ...»
Сонда Жұсіп: «Тақсыр-ай,
Бізге арам ғой ол сарай,
Қылмаңызышы ақымак!»

Сумандалды уәзір сүм:
«Тәнірі күө, сөзім шын,
Иран ханы енді сіз.
Аббас тақтан түсті өзі,
Сен хандық құр, іш те же.
Біз-ақ елді билерміз!»

Тұсі ме, бұл өні ме?
Күдік кіріп көңіліне,
Жүкең ұртын шымшиды.
Жок, оп-ояу, үйқы жок,
Зырлап кетті ойы — оқ...
Қонды атқа, құнтиды.

«Олай болса, дұрыс, жүр!
Мен енді — хан, сендер — құл.
Шу! Сарайға тартындар!»
Кетті. Ызғытты аргымақ,
Жетті. Жауһар асты тақ.
Ершің енді — алдияр!

Үлде-бұлде киінді,
Сімірді, жеді, тоіынды.
Үйренді тақтың тәртібін.
Көні кепкен сұр кедей,
Біраз күн сөйтіп ләм демей,
Басқаннан соң қарқынын,

Бастады Жүкең бір істі:
Ел билеуге кірісті
Жақтап жарлы, жалшыны.

Сыпырғандай тезекті
Өңшен залым-кезептен
Еңбекші елді аршыды.

Жарлықты Жүкең жаудырды,
Уәзірді жер аудырды.
Казының басын алдырды.
Машайығын, молдасын,
Қойқандаған қолбасын
Абақтыға салдырды.

Мұнапық талай мұндардың,
Елді сорған сұмдардың
Қырықтырды басын түймедей.
Байларды айдал жигызды,
Тұмылдырық кигізді.
«Uh!» деді көп кедей.

Осылай өтті біраз күн,
Бай мен бекті соқты жын.
Алдында бар не сұмдық!
Оны Жүкең не қылсын?
Оның ойы: ел көрсін
Бір күн де болса өділдік.

Не керек, солай хан Жүсіп
Залымның қанын жосылтып,
Сорлының сорын ашқандай.
Мырза, молда, бай бәсен,
Бәрі жуас, бәрі әсем,
Аяқты байқап басқандай.

Кезептерді қылды жым,
Бұқара байтақ халықтың
Болды Жүсіп қалқаны.
Қуанған байтақ балаша:
«Мың жаса, Жүсіп, мың жаса!» —
Деп шуылдан алқады.

Күн артынан күн өтті,
Тірі қалған төбеттер

Есін жия бастады.
Тоғызынышы күн тұнінде
Кірісті олар күбірге:
«Мынау Жұсіп шошқаны

Қойғанымыз ба осылай,
Қорлық көріп осындай?
Қара табан, тексіз ит
Не бекзатты боздатты,
Байды, бекті, боздақты
Байлап қойды жіпсіз, ит.

Күшікті басқа секіртті,
Кедей итті қекітті,
Құтырған мынау мұндар құл.
Шейіт кетті-ау не серке...
Бізге де кезек күні ертең
Келмесіне кім кепіл?..

Шіркін, Аббас ат еді-ау!
Заттың ісі жат еді-ау:
Жұмысы жоқ бір істе,
Жатушы еді сарайда,
Арак, қарақ, маңайда...
Не тілесен, соны істе...

Қой! Қорлықты көрерміз,
Бауыздалып өлерміз.
Жер бастырмас Жұсіп сүм.
Тап ертеңгі тұн бар ма? —
Құтырған ол мұндарға
Жалғыз қанжар жалынсын!..»

Кеңес тынды, таң атты,
Күн де батты, ел жатты.
Жұсіп жалғыз тағында
Отыр еді қатерсіз,
Балға тұскен қатесіз
Оныншы күн таңында.

Көп төбеттен бір төбет
Кіріп, басып біртелең,
Қадап қалды қанжарды.
Жүсіп ұнсіз сылқ етті,
Хан кілемі бұлк етті,
Ханды жұтты, олжа алды.

Болды бектер кенесі,
Жүсіп сордың денесі
Кескіленді, көмілді.
Абыр-сабыр басылды,
Жүргә жарлық шашылды:
«Қаза жетті, хан өлді».

Жұрт жыласты, жиылды,
Бектер булагай қүйінді:
«Алда, дүние-ай! Күн қараң!
Біз қалдық-ау сорменен!
Барса, келмес жолменен
Кетті-ау сұңқар Жүсіп хан!

Татып ажал шербетін,
Өлді Жүсіп. Ел — жетім!
Байтаққа кім болар бас?
Жәрдем берсін бір Құдай...
Уа, жамағат! Алақай!
Аббас келді! Хан Аббас!»

Сол арада бұрыштан
Құжырайған, құрысқан
Хан Аббасың бүкендең
Шыға келді, о, қасқа!
Жүрген екен тау-таста,
Қашып-зытып Жүкеңнен.

Мырза, шора шуласты,
Көтеріп Аббасты,
Тағына алып барады.
Жүрт тұнеріп түрді да,

«Қап!» — деп санын ұрды да,
Үн-түні жоқ тарады.

Аббас таққа шонқиды,
Қол тоқпағы қоңқиды:
«Шүкір, шүкір, Алла! — деп. —
Енді тілден тыймайын,
Қалағанын сыйлайын,
Балшым қайды, бар ма?» — деп...

Сөйтіп, Иран тағына
Өңшен сүмның бағына,
Тағы отырды Аббас хан —
Жасын тақта жасаған,
Күшігенге үсаған,
Құлқы бұзық қақпас хан.

Ел бақпады, тақ бақты,
Бар жұмысы — тек жатты
Алтын сарай ішінде.
Әйел жиды үйірлеп,
«Әйел!» деді күбірлеп
Өңінде де түсінде.

Шараптан ылғи шала мас.
Тажындағы тізген тас
Гауһар Күннің көзіндей.
Арамтамақ Аббас хан
Өз құлқына тап басқан
Уәзір жиды өзіндей.

Сүм-сүркия уәзірлер
Хан керегін әзірлеп,
Шапты, шанышты, ел талап.
Бұқара сорлы бүгжендеп,
Табанда ылғи тепкі жеп,
Жүрді жасы сорғалап.

ҚАНЫШ БАЙ ҚИССАСЫ¹

Үнар, ұнамасын қайдам,
Қисса айтайын Қаныш байдан —
Дорба сақал, тырбық тапал,
Талайыңа таныс байдан.

Қаныш байың қойлы бопты,
Қойлы бопты — ойлы бопты.
Оның ойы оймақ ауыз
Бір тоқал гой, тойлы бопты.

Тойлы бопты, тоқал апты,
Қаныш байың қарқылдапты.
Ұл табуға міндettі екен,
Тоқал қасқа қысыр қапты.

Қысыр қапты тоқал қасқа,
Байдың енді пейілі басқа.
Басқа пейіл — басқа сойыл,
Тие берген таяқ басқа.

Таяқ басқа тие берген,
Таяқ тоқтар кезі келген.
Әрі бата, әрі қата
Тиіп, бір күн тоқал өлген.

Тоқал өлген тұлғынан,
Қаныш тағы аласұрган.
Тәңірі сонда: «Тоба!» — депті,
Қаныш байдың құлғынан.

Тәңірі сонда күйіп тіпті:
«Көрмедім, — деп, — мұндан итті.
Тосқыны жок, тасқыным жок,
Қой, Қанышым, болмас!» — депті.

¹ Сыр қазагы өмірінде корлық көріп өлген адам, көбінесе әйел, өлген соң, корлық көрсеткен адамды қарақұрт болып келіп шағады деседі (М.Жұмабаев ескертпесі).

Тишу бір түн. Майдың айы.
Бұлт бүркенген көгінде айы.
Жел тұншығып, жер тұншығып,
Сұп-сұлық боп сулы сайы;

Су өліктей сұп-сұлық боп,
Жүрегі жай соғып лұп-лұп,
Жағада іштен «жасын» оқып
Шәкірттерше шөбі мұлгіп;

Шөбі мұлгіп, қалғып қамыс,
Жансыз бұлтқа қайда жарыс,
Дүние тып-тын. Тишу бір түн.
Осынау түнде қайда Қаныш?

Қайда Қаныш? Қаныш үйде.
Қаныш бірақ күйсіз күйде.
Тынши алмай, дөңбекшіпті,
Төсек-орын үйқы-түйқы.

Үйқы көрмей, құрсілдепті.
«Түні құрсын! Құрсын!» — депті.
Жұдырығы бәйбішеге
Әлсін-әлсін дүрсілдепті.

Дүрсілдепті кесек-кесек.
Кесек болмай: Қатын есек?!
Алайда ырсыл басылмапты,
Салғызыпты тысқа төсек.

Салғызыпты, жатып қапты.
Бір тұтам таң атып қапты.
Таңмен бірге жел оянып,
Әуе біраз салқындалты.

Салқындалты Қаныш бай да,
Бір балбырау тарап ойға.
Көрпеге енді көміле түсіп,
Қаныш байың кіреді ойға.

Ойға кіред, үйқы аралас...
Құшағында тоқал дейд жас...
Тоқал үзіліп барад дейді,
Кірпігінде мөлтілдеп жас.

Кірпігінде жасы мөлт-мөлт...
...Үйқы женді, ойы құңгірт.
Құңгірт ойы — көмескі тұс...
...Келеді ақырын бір қарақұрт.

Қарақұртқа қарап отыр...
Әр қадамын санап отыр...
Құртты бұрын бір көргендей...
Көзін көзге қадап отыр...

Қадап отыр... құрт та жетед...
Қаныш таң боп, есі кетед.
Кәдімгі бір қарақұрттың
Көзінде жас мөлт-мөлт етед!

Көзі мөлт-мөлт. Келді? Жатты!
Өлген тоқал! Құдай атты!
Қаныш сасад. Қашпақ болад...
Аяқ-қолы тас боп қапты...

* * *

Тас боп қапты. Қайда қашад?
Құрт ақырын төске басад.
Басады да, дәл жүрекке
Көзіндегі жасын шашад.

Дәл жүрекке жасын шашад.
Жасын шашад, көзін басад.
Жылжып түсед... жоқ болады,
Қаныш: «Уһ!» — деп, көзін ашад.

Көзін ашад. Кеудесі ісік.
Күйіп барад денесі ысып.
Қалшылдапты Қаныш байын,
Құп-қу болып, құты ұшып.

Құп-ку бопты Қаныш байың.
Қозғапты енді бір Құдайын.
«Қаныш қатаң» дегеннен сон,
Жылылпты бар ағайын.

Жылылпты ауыл-аймақ.
Қаныш сонда: «Мен бір мойнақ
Болдым. Мұндай күйге түстім,
Тоқал алып аузы оймақ.

Білесіндер: өлді... — депті, —
Қарақұрт боп келді, — депті. —
Жүргіме жасын жақты,
Өлуім хақ енді, — депті. —

Жұртым, тоқал алма! — депті, —
Әсіре сөз шалма!» — депті.
Сөйдепті де Қаныш байың,
Ықылыш атып: «Алла!» — депті.

ӘTİPIK ЕРТЕК¹

Бір дегенім білеу ғой,
Екі десем — егу ғой,
Үш дегенім үскі ғой,
Төрт дегенім төсек қой,
Бес дегенім бесік қой,
Алтыны асық десіп қой.

Жетім желке емес пе,
Сегізім серке емес пе,
Тогызым торқа болмай ма?
Он дегенім оймақ қой,
Он бір қара жұмбақ қой.
Жұмбағым, балалар, үнай ма?

Иә, жұмбақты тасталық,
Басқа кенес басталық.

¹Бұл ертек сұлу суретші Арлаудың «Мысық, тышқан» деген он төрт суреті бойынша жазылған (М. Жұмабаевтың ескертпесі).

Үй артында дөңеске
Алқа-қотан отырып,
Шуды қойып, жым болып,
Кіріселік кеңеске.

Ерте, ерте, ерте екен,
Ешкі жұні бөрте екен.
Сөз бастайын ертеден.
Сейтіп кеңес қозғайын,
Бірақ сөзді созбайын,
Қайырайын келтеден.

Арқаның оң бетінде,
Құба қырдың шетінде
Талай бетпақ дала бар.
Сол шөлдерден көп ары,
Таулы жерде жоғары,
Шираз дейтін қала бар.

Бұл Ширазым — сол Шираз,
Тамашасы мол Шираз:
Көгіне алтын себілген.
Көміп сәүле селіне,
Құні күліп жеріне,
Жерге жауһар төгілген.

Бұл Ширазым — сол Шираз,
Гүл, бұлбұлға мол Шираз,
Гүлі қызыл лағылдай.
Гүлге қонған бұлбұлы,
Бұлбұлының бал үні
Жазғы сұлу сағымдай.

Осынау Шираз еркеде,
Ертегідей ертеде
Болған талай ақындар.
Үні бұлбұл үніндей,
Сөзі Шираз гүліндей,
Қайда олардай ақын бар?

Жырлап кетсе жорғадай,
Сөз төгілсө сорғалай,
Төгілгені — шекер, бал.
Жырына адам мас болар,
Көзіне ыстық жас толар,
Бойың балқып, шымырлар.

Бұл Ширазым — сол Шираз,
Тамашасы мол Шираз,
Баулары бар бүйра бұлт.
Бұл бір бауда тізілген,
Адам үзбей үзілген
Қандай-қандай жеміс жоқ!..

Шираз қала — дәу қала,
Айналасы бау қала,
Бауы жеміс сыңсыған.
Үзімі еріп білінбей,
Тәтті дәмі тілінді
Шымырлатып шымшыған.

Өзім көрдім көзіммен,
Шираз елі үзімді
Бауырсақтай асайды.
Асауды місе қылмайды,
Кеп құрмай олар тұрмайды,
Үзімнен арақ жасайды.

Шираз елі — молда елі,
Молдалары сәлделі
Арақты шарап деседі.
Таңырқай мұртты коп тақсыр,
«Шарап — шипа», — деп тақсыр,
Кеу-кеулемесіп ішеді.

Сонымен, Шираз елінде,
Екі-үш күннің бірінде
Құмыршаға құюлы
Шарап тұрад быжылдал,

Құмыршасы тым сәнді-ак,
Әшекейлі, оюлы.

Сөз — бұл емес, сөз кейін,
Тақсырларға тимейін,
Кезек келер бір күні.
Тыңдаушы неге демесін,
Мысық, тышқан кенесін
Айтпақшымын бұл жолы.

Күндерде бір күн бір тышқан,
Сықси көзді сұр тышқан
Кіріп келді бір үйге.
Үй болғанда, оңаша,
Тізілген қаздай құмырша,
Таң болды тышқан бұл күйге.

Мойнын тығып мықшиып,
Жылти көзі сықсиып,
Жалт-жұлт етті, қаранды.
Қаранды да таранды,
Тамсанды да жаланды,
Тыя алмады аранды.

Сілекейі сорғалап,
Шықты жылжып жорғалап,
Болар-болмас жалады.
Тағы татып қарады,
Тәтті у бойға тарады,
Бойы балқып барады.

Татқан сайын тәтті су,
Тәтті суы — тәтті у,
Жылти көзі жайнады.
Күш қосылды күшіне,
Мысық түсті есіне,
Тышқан тілді шайнады.

Қолды сермен жіберді,
Үйдің іші түнерді,

Күнгірт тартты көз алды.
Ықылыш атты, «ық» деді,
«Тоқта, тоқта, тоқ!» — деді,
Өзінен өзі сөз алды:

«Ай, дүние жалған-ай,
Іште кетті-ау арман-ай,
Не көрмедік мысықтан?!
Қанымызды ішті ғой,
Баста қайғы құшті ғой,
Өтті-ау өмір құсып қан!..

Аңдып тұрып тап беред,
Тап бергенде шап беред,
Талайға ол сүм салды ауыз.
Не қылмады қанды ауыз?!
Не қылмады жалмауыз?!
Не қылмады ол жауыз?!

Әттен, дүние-ай, не керек,
Көп жаманга кез болып,
Десіп жүр ғой ол жаман!..
Бір көрінсе көзіме,
Көрсетер ем өзіне,
Қалмас еді ол да аман!

Мынау батыр жүрекпен,
Мынау балуан білекпен
Алып ұрып, байлар ем!
Танытар ем әкесін!
Шағар едім шекесін!
Қос құлағын шайнар ем!»

Тышқан солай көпірді,
Көпірді де кекірді,
Ықылыш атты, «ық» деді.
Тап сол жерде мысық сүм
Тыңдал түрган болып жым:
«Тоқта, тоқта, тоқ!» — деді.

«Тоқ!» — деді де, тап берді,
Тап бергенде, шап берді,
 Тап сауырдан салды ауыз.
Сауыр ауызға ілікпей,
Құйрығынан сұліктей
 Тістеп қатып қалды ауыз.

«Танимысын әкенди?
Шағатүғын шекемді
 Сен екенсін, көрейін!..
Жаман мұндар, есіріп,
Мұнша сөйлеп кесірді...
 Сазайынды берейін!»

«Алди, алди, алдияр!
Бір-ақ ауыз сөзім бар,
 Тыңдал, басым кесініз.
Айтқызады ғой жастық ит,
Жастық емес, мастық ит,
 Қасық қаным кешініз!

Айық болсам, сізге мен
Тіл тигізіп, жынды емен...
 Патшасына әлемнің.
Маган анау су қылды,
Су емес-ау, у қылды,
 Түк жазықсыз өлем мен...»

Сөйдел тышқан зарлап түр,
Көзінен жасы парлап түр,
 Жерге мөлт-мөлт тамады.
Шиқыллады шашалып,
Қиқыллады қақалып,
 Бүйірі бұлкіл қағады.

Бұлтыннадады, бұлқынды,
Жан ұшырды, жұлқынды,
 Күлді мысық мұртынан.
Үш босатты, бас салды,

Бес босатты, бас салды.
Сілекей шұбырды үртynан.

Тікен мұрты тікіді,
Шегір көзі шікіді,
Бір «ап» деді, жеп қойды.
Сілекей шұбырды үртynан,
Бір мырс етті мұртынан,
«Құтырған құл!..» — деп қойды.

Сөйтіп, мысық қылғыды,
Қылғыды да қалғыды,
Пысылдады, кекірді.
Қалғып кетті қорылдап,
Баспалатты мырылдап
«Шүкір, шүкір, шүкір-ді».

Солай үйықтап тұн өтті,
Тұн де өтті, күн де өтті,
Тышқан бойға тарады.
Тамақ керек тағы да,
Не кез келер бағына?..
Мысық жалт-жұлт қарады.

Мұртты тілмен жалап қап,
Алақтады, жалақтап,
Татарға түк көрінбей.
Сілекейін жұтыпты,
Тышқан заты жытыпты,
Ешбір тықыр білінбей.

Жердің бетін тұн басты,
Мысық оймен мұндасты...
Кұлді, ойланды күбірлеп:
«Қой, бұл істі тастайын,
Мен бір істі бастайын,
Тек таң атсын сібірлеп».

Сібірледі күміс тан,
Жетті мысық жалма-жан,

Тартты тура мешітке.
Кірді жымып үндеңей,
Мінді ақырын мінбеке,
Кірісті бір көсіпке.

Мырылдады азандай,
Сәлде салды қазандай,
Тасбиқ алды қолына.
Тап сопыдай сүмиді,
Тап молдадай мұлиді,
Кірді тәубе жолына.

Кіргені оның қалайша?
Кіргені оның былайша:
Қазан сәлде қаңқиды.
Таңырай мұрты таңқиды,
Қос құлагы салпида,
Бір момын боп маңқиды

Бір күрсінді, бүйдейді:
«Күй, күй, жаным, күй! — дей
Асты бастан күнәйім.
Қалай сабыр қылайын?!
Мейірімі мол Құдайым,
Бір өзіңе жылайын!..

Не қылғаным, Жасаған,
Талай тышқанды асағам,
Сенен қалай жасырам?!

Мейірімінді түсір деп,
Күнәйімді кешір деп,
Дәргаһыңа бас үрам.

Мейірімі мол Тәңірі Ие,
Мынау мешіт үйінде
Ант ішемін атыңмен:
Тіпті арамдық етпен деп,
Тұмсығына шертпен деп
Енді тышқан затының!

Сүттей аппақ ниетпен
Бір өзіңе ант берем:
Енді өмірімде ет жемен!
Ұшыраса аш тышқан,
Тәжірибесіз жас тышқан,
Етімнен кесіп ет берем».

Осылайша сүм мысық
Көзді қойып бір қысып,
Күнірентті үйді сөзімен.
Бар көнілі бағанда,
Қарап қояд бағанға
Құйрығымен көзінің.

Қарамайды-ау бағанға,
Қарап отыр тағамға,
Тағамымыз — бір тышқан:
Құжырайып, құнтиып,
Тыңдал отыр жылтиып
Сүлік құйрық сүр тышқан.

Көріп мысық сәлдесін,
Естіп антын-тәубесін,
Ұйып мысық — молдаға,
Қос құлагы ербиіп,
Қос танауы дедиіп,
Тартты тышқан ордаға.

Келді де айтты: «Осылай,
Осылай да осылай.
«Тәнірі, құнәм!» ауыр деп
Мысық зарлап жас текті,
Бізге тимеске ант етті, —
Тышқан маған бауыр деп».

Орда тышқан үрпиді,
Бәрінің көзі жыртиды,
Ә дегенде таң болды.
Ұзамады, мәз-мәйрам,

Бастады у-шу той, мейрам,
Үйдің іші даң болды.

Отағасы, балақай —
Бәрі де айғай, алақай,
Бәрі ордаға ағылды.
Шәрбат, шарап, бал, сыра,
Сырнай, керней, домбыра,
Дабыл даң-дүң қағылды.

Гүжілдеді қобызы,
Безілдеді сыйызғы,
Бұрқыллады қорқоры.
Үзім, алма алқызыл,
Өрік, анар қан қызыл,
Шаптал, інжір, алқоры.

Соныменен, сөз қысқа,
Опыр-опыр топ тышқан
Ию-қиу тойда отыр.
Жалғыз-ақ бір қария,
Өзінше ойы дария,
Тойда отырып ойда отыр.

Қария айтты: «Әлеумет,
Құтты болсын қаниет!»
(Күнгірт көзін көтерді).
«Сонықі сүмдық болмасын!..
Сол сүм алдап ұрмасын!..
Малданбалық бекерді».

Арақ ішкен өңшең мас,
Есі шала өңшең жас,
Дүрсе қоя берісті:
«Көр көрінед көзіңе,
Өз ақылың — өзіңе!
Сен бүйдеме иғі істі.

Кері тартпа көрісін,
Етек басу — бар ісін,

Қой сөзінді, оттамай!
Құй шарапты көпіртіп!
Бас сырнайды, лепіртіп!
Тарт, күрілдет, тоқтама!»

Ойшыл қария жұдеді,
Шиқыл-қиқыл ұдеді,
Ию-кию бар халық.
«Мысық күнәсі ауыр гой,
Бұғін бізге бауыр гой,
Оған тарту тарталық!» —

Деді еліріп бір тышқан,
Сұлік құйрық сүр тышқан.
Қабылдды қалың жұрт.
«Пәлі!» — десті, елірді,
Сағым ішіп семірді
Сыры ежелден мәлім жұрт.

Соныменен сөз бітіп,
Сөз біткенде, тез бітіп,
Кеңес тынды, тарады.
Енді елшілер кешікпей,
Тартты тура мешітке
Алып тарту-таралғы.

Кірді елшілер мешітке,
Сұмдық болар десіп пе?!

Ентелесті молдаға.
Көзді жұмып сүр мысық,
Оң жақ көзін бір қысып,
Басты «Алла! Аллаға».

Топ-топ болып түр елші,
Сөз бастады бір елші:
«Тақсыр, мұнда келіпсіз.
«Еткен күнәм ауыр, — деп, —
Тышқан маған бауыр», — деп,
Антпен уәде беріпсіз.

Қуанып соган, қылдық той,
Өзінізге мәлім ғой
Бейбақ біздің халіміз.
Сізге әкелген тарту бар,
Асымызды, алдияр,
Көптей көріп алыңыз.

Оныңыз рас: күнә ауыр,
Енді бізбен сіз бауыр.
Тарту — достық белгісі.
Міне алма алқызыл,
Үзім, анар қан қызыл», —
Келді мысық құлкісі.

Бір мырс етті мұртынан,
Сілекей шұбырды үртynан,
Көзін қызыл қан жапты.
Бір «ап» деді, тап берді,
Тап бергенде, шап берді,
Топыр қылды жан-жақты.

Алла қалды адыра,
Сөлде қалды адыра,
Үшты тәубе тәсбімен.
Көмді тырнақ мырылдаپ,
Қанды жұтты қырылдаپ,
Топ тышқанды қылды жем.

Елші түгел тұтылды,
Екі-ақ тышқан құтылды,
Зытты екеуі жорғалап.
Тек шықпаған жанымен,
Ордасына ханының
Жетті жасы сорғалап.

Өкпе ауызға тығылды,
Жетті екеуі, жығылды:
«Осылай да осылай».
Тақта отырган хан, уәзір —

Қабак қарын екі дүр
Десті: «Апым-ай, бұл қалай?!»

Хан бүйірді таянды:
«Осылай болу аян-ды...
Мысық бола ма, өйтпесе?!
Ойла жылдам, әй, уәзір!
Осыған ақыл тап қазір,
Басынды алам, өйтпесе!»

Ханның басы қақида,
Уәзір көзі ақида,
Беті күлдей болды қу.
Құп-құ болды, бозарды,
Терлеп кетті, қызарды,
Айтты: «Амал — соғысу.

Тышқан деген қалың ел,
Ерлігімен мәлім ел,
Алты өлемге даңқы бар.
Айбынды, айбарлы арыстан,
Ойы — дария, данышпан
Сіздей дана ханы бар.

Аттаналық қол болып,
Қол болғанда, мол болып,
Жауға соғыс ашалық.
Қанды судай шашалық,
Мысық жынын басалық,
Ұстап, дарға асалық!»

Хан бүйірді таянды:
«Осылай болу аян-ды...
Мысық бола ма, өйтпесе?!
Жауға аттансын ел тегі!
Қанын төксін көл-теніз,
Басын алам, өйтпесе!»

Соныменен күн батты,
Түн түнерді, таң атты,

Қол қозғалды, ағылды.
Жер қайысты дірілдеп,
Сырнай, керней ғүрілдеп,
Дабыл даң-дұң қағылды.

Қара ағаштай көп найза,
Күнде ойнады көк найза,
Алдаспандар жарқылдан.
Желкілдеді жалаулар,
Желпілдеді танаулар,
Хан қақалды қарқылдан.

Ордасында хан қалды,
Ханмен біраз жан қалды:
Ақсүйектер, төрелер —
Қалың елді құл қылып,
Бұзықтығын пұл қылып,
Жатып ішер немелер.

Кетті сөйтіп қалың қол,
Қалың қолы — қалың ел.
Көбі — ойлы, азы — мәз.
Талайы барад түңжырап,
Талайы барад қан жылап,
Көбі — жаяу, аттысы — аз.

Соныменен, қол кетті,
Қол кеткенде, мол кетті.
Барды, кірді соғысқа.
Мұны өтірік демендер,
Күнірәнді көк пен жер,
Өзге соғыс соғыс па?!

Будақ-будақ бу шықты,
Бу ішінен ту шықты,
Шыпқылдаған шықты шу.
Шүрк-шүрк болды көбелер,
Дал-дұл болды денелер,
Айқай-үйқай, ызы-шу.

Соныменен, сөз қысқа,
Шәйіт болды көп тышқан,
Мысықты үстап ,байлады.
«А, қанішер неме!» — деп,
Басқа, көзге төпелеп,
Ханға, ордаға айдады.

Хан бүйірді таянды:
«Осылай болу аян-ды...
Көрсетпе итті көзіме!
Жап зынданға қараңғы!
Қатыр аштан арамды,
Қыл бұрау сал өзіне!

Ертең әпкел ордаға,
Сот құрармыз ордада,
Бүгін пәлен демелік.
Бүгін өңшең майталман —
Қаза тапқан майданда
Шәйіттерді көмелік!»

Айтты да хан тоқтады,
Жұрт хан сезін құптады,
Шақырылды елге азан.
Молда келді мөлиіп,
Сопы келді сүмиіп
Сәлделері бір қазан.

Қылмың қақты, қуанды,
Білектерін сыбанды,
Аруланды өліктер.
Өлік көрсе молдалар,
Сілекейі соргалар,
Өтірік десен, өліп көр.

Табытқа өлік салынды,
Қара тулар алынды,
Көшті молда бастады.
Қолына алып құранды,

Бір әннен соң бір әнді
Түйдек-түйдек тастады.

«Тәбәрікті» тұқыртып,
«Жасынды» ашып сыпсыртып,
Суылдатып келеді.
Аузында — Алла, ойында:
«Қанша түсөр қойынға?..
Жуырда кім өледі?»

Жетті табыт бейітке,
Түсіріліп шейіттер,
Көрге дереу көмілді.
Көрге көлгір молданың,
Жұртты алдағыш жорғаның
Өтірік жасы төгілді.

Соныменен, күн батты,
Дамылдады, ел жатты,
Хан тұн бойы қылды той.
Талай халық қаралы,
Талай халық жаралы,
Хан үйі — той, елде — ой...

Тоймен, оймен өтті тұн,
Таң білінді, дүние — тын.
Ұлы сөске ел түрдь!
Зындандағы мысықты
Қарғылап ап күшіктей,
Жендет ордага ап журді.

Ханның көзі жыртиып,
Қабақ қарны бұлтиып,
Тақта жатыр жантайып.
Қасында отыр уәзірі,
Тақсырлауга әзір-ді,
Қос құлағы қалқайып.

Хан қорқорын тартады,
Алдында айбалталы

Жендеттер түр қақып.
Хан қарады мысыққа,
Қарады оған мысық та
Ашулы көзі ақып.

Хан уәзірмен кеңесті,
Кеңескенде не десті:
«Тұқымын мұның құрталық!
Жалпы жұртқа жар қылып,
Майданға анау дар құрып,
Дереу дарға тарталық!»

Дереу жарлық берілді,
Майданға дар құрылды,
Мысық та алып барылды.
Хан да келді қолымен,
Ыңс-ырс етіп, қолымен
Сипап қабақ қарынды.

Хан таяққа таянды:
«Осылай болу аян-ды...
Сал арқанды! Сал! — деді. —
Жендет, енді жақында!
Көм қылышты батырга!
Ал! Ал басын! Ал!» — деді.

Сонда мысық бұлқынды,
Жан үшырды, жүлқынды,
Көзі шоқтай жайнады.
Тұсауды үзіп күшімен,
Қыл арқанды тісімен
Бытыр-бытыр шайнады.

Босанды да тап берді,
Тап бергенде, шап берді,
Бірді белден тістеді.
Тышқан тырым-тырақай...
Әттен ғана дүние-ай,
Хан ауызға түспеді.

Мысық кәрмен қарғыды,
Ерсіл-қарсыл орғыды,
Шиқылдатты талайды.
Дар майданнан жын ойнақ
Күлдү мысық әп сәтте-ақ
Жып-жылмағай манайды.

Сейтіп, мысық топыр қып,
Демін алып отырды.
Соз сөйлемді бұлайша:
«Жүрсейші иттер тек босып,
Олар — тышқан, мен — мысық,
Женеді олар қалайша?!

Өңшең шірік, пасықтар!
Ажалына асықтар,
Көрді көрмей қазулы!..
Олар — менің азығым,
Бұл — Құдайдың жазуы,
Өзгерпек пе жазуды?!

«Анау көрім қазылған,
Бұл әзелде жазылған», —
Де де, үндемей жүре бер!
А, құтырган құлдар-ай!
Иесін қапқан мұндар-ай!
Ал, ендеше, өле бер!» —

Деді мысық, демікті,
Демін алды, тынықты,
Тұрды, кетті жайына.
Есін жиды көп тышқан,
Таққа тағы мінді хан,
Хан кірісті тойына.

Шәрбет, шарап алдырды,
Шарапқа сусын қандырды,
Сырнай-керней ойнатты.
Деді жүртқа: «Ит түге!»

Ханның осынау иттігі
Елді ауыр ойлатты...

Ел ел болсын дегендер,
Елдің қамын жегендер
Біріне бірі сөз салды.
Аулақ үйге жиылды,
Ортаға үстел қойылды,
Дереу мәжіліс басталды.

Отырысты көп аға,
Қоңырау қақты топ аға,
Бүйірі бұлқіл қақты кеп.
Құжырайды, құнтиды,
Жырти көзі жылтиды,
Сөз аузынан акты кеп...

«Ау, әлеумет, сөз мынау:
Мысық — бізге ата жау,
Бұл туралы қысқа сөз.
Ендігі сөз, хал мынау:
Арақ ішкен хан мынау,
Осыны ойлар келді кез.

Мысықты ата жау деуші ек,
Ханды асқар тау деуші ек,
Кімге пана болды хан?!
Даналығы осы ма?!

Паналығы осы ма?
Елді жалмап, сорды қан.

Елдің көзі ылғи жас,
Хан тағында ылғи мас,
Бар білгені — бас алад.
Еңіреп жерді күнірентіп,
Бұқара қасқа қан жұтып,
Өз қанына шашалад.

Елді үрысқа айдалы,
Қарқылдады, қайрады,

Өзі қалды ордада.
Ел қазалы, көзі жас,
Хан тағында тағы мас,
Баққа ма осы? Сорға ма?

Күні кеше мысықты
Ұстасымен, кешікпей,
Керек еді дарға асу.
Зынданға оны жапқызды,
Тынықтырып, жатқызды!
Ақымақ ханда жоқ сасу...

Хан қырағы данам деп,
Ханның тілін алам деп,
Қырылды ғой ел бейбак!
Ау, әлеумет, ойландар!
Ойлап қана қоймандар!
Қырыламыз ба хан деп-ақ?!

Қой, хан деуді қоялық!
Ханның көзін жоялық!
Мысық та жау, хан да жау.
Біреуі оның тыстан жау,
Біреуі оның іштен жау;
Жаудың ісі — ел талау...»

Кенесті осылай көсемдер,
Шерді ағытты шешендер,
Сөз бір жерге құйылды.
Жеті түнде қараңғы
Бүгеженде, қараңдал,
Жұрт майданға жиылды.

Жұрт жиылды, кенесті,
Кенескенде не десті:
«Ханды қазір байлалық?!

Онсын ұстал мысықты ап,
Хан, мысықты қосақтап,
Қанғырталық, айдалық!» —

Десті осылай дүркіреп,
Көшкен бұлттай жөңкіліп,
Жұрт жөнелді ордаға.
Арақ ішіп, қылжандап,
Өзінен өзі ыржындалап,
Хан отыр ед ордада.

Ел қазалы, азалы,
Азалы ел — ызалы,
Қылды орданы күл-талқан.
Ықылық атып қақалып,
Қол-аяғы мatalып,
Домаланып қалды хан.

Жұрт жөнелді жөңкіліп,
Жалаулары желкілдеп,
Аттан салып қиқулап.
Будақ-будақ бу шықты,
Бу ішінен ту шықты,
Шуылдады шиқылдал.

Лап қойысты мысыққа,
Атып тұрып мысық та
Тап-тап берді маңайға.
Талай жүндер жұлышынды,
Талай жері тілінді,
Ажал жетті талайға.

Көзді оттай ойнатты,
Ә дегенде тым қатты
Сүм мысықтың қарқыны.
Соғыса алмай кесіліп,
Қалың тышқан қырылып,
Қара қанға қалқыды.

Соныменен, сөз қысқа,
Айдалап кеп ордага,
Мысықты үстап, байлады.
Шөп те болса көп тышқан,

Ханды қосып, ордадан
Екі сұмды айдады.

Қол үстасып хан, мысық,
Екеуі де қан құсып,
Тұннен бетер тұнерді.
Қираң басып жөнелді,
Алақайлап ел енді,
Қуанышқа кенелді.

Едірейіп, қалқып,
Тырбық бұты талтиып,
Сөз сөйледі қаптесер:
«Бірің сенің — тыстан жау,
Бірің сенің — іштен жу,
Кет, қанішер! Баскесер!

Кет, екі жау! Қаңғып өл!
Еркін қалдың, қалың ел!
Еңіреме енді, жасың тый!
Енді сені талау жок!
Енді құл гып қанау жок!
Өзіңе өзің болдың би!»

Соныменен, хан, мысық
Кетті қаңғып қан құсып,
Қуанышта қалың жүрт.
Деп: «Бұғаудан босандық!»
«Жасасын, — деп, — бостандық!»
Қол согылды шарт та шұрт.

Біреу тұрды, биледі,
Біреу керней күйледі,
Дабыл дан-дүң қағылды.
Бітті осымен кеңесім,
Тыңдаушы енді демесін:
«Онсын тышқан не қылды?..»

Енді ертегім байыды,
Ертегімнің айыбы:

Кемі — өтірік, көбі шын.
Жоламас ем азға да,
Керек болды аз ғана
 Отірік қосу көп үшін.

Бұл аздың да, оқушым,
Қайта оқышы, бәрі шын.
 Шыны мынау — бұл мысал.
Ертегімнің басында
Бала біткенге ашына
 Жұмбағымды есіңе ал.

Бір дегенім білеу ғой,
Екі десем — егей ғой,
 Үш дегенім үскі ғой.
Мысық талаушы екені,
Ханның қанаушы екені
 Енді есіңе тұсті ғой.

Екі жауын осынау
Қылған кейін ханталау
 Қалың тышқан — қалың ел.
Төртімді енді тәсек деп,
Бесімді енді бесік деп,
 Өзің енді тарта бер.

Тоғызымды торқа де,
Сегізімді серке де,
 Жетімді енді желке де.
Ерте, ерте, ертеде,
Ешкі жүні бөртеде,
 Құйрығы оның келте де!

ТОЛҒАУ

Тек ел деген сөзі үшін,
Ергенде, ердім ұранга.
Болмаса, аян досыма,
Досым түгіл, қасыма:
Аты бар деп атшы боп,

Кошемет қып, қосшы бол,
Ел бастаған ағаға
Адъютант болып ермедім.
Адъютант болып адамға
Ермеуіме коп белгі.
Көп белгіден бір белгі:
Ағаның азы қасарып,
Аузына ауыр тас алып,
Тұншығып оймен жатқанда;
Талай аға тез жүдеп,
Жоңкіле жүкті тартқанда;
Жеммен жүрер жабыдай,
Құрбының көбі тез түлеп,
Топырлап топқа шапқанда,
Жапанда жалғыз күніреніп,
Мен ойыма ергемін.
Еділ кездім, шөл кездім,
Кезгенімде не кордім:
Қайда барсам, көр көрдім.
Айдарлысы құл болып,
Тұлымдысы тұл болып,
Еніреген ел көрдім.
Қаралы коптің ішінде,
Қара салып басыма,
Елмен бірге еңіредім.
Бұл айып деуші дей жатар,
Мен мұны айып білмедім.
Мен еліме басшы емен,
Мен еліме қосшымын.
Құлкісін ғүлге бөлейтін,
Жыласа, бірге жылайтын,
Жаны бір жолдас жыраумын.
Жылағанда жалпы жүрт,
«Жылама, құл!» — дегенде,
Коне алмадым, конбедім.
А дегеннен асылды
Тебіренген толқын бетінде
Көремін деп асықтым.
Асыққаннан не пайда,

Толғаксыз туар бала жоқ.
Ту баста толқын бетінде
Асығып күткен асылды
Көре алмадым, көрмедім.

Бұлқынған толқын бетінде
Қалқыған қу тезектей,
Бір күн бура болғышыл
Бұзықтар болды көргенім.
Көргенім анық, алайда
Тезекке бола толқыннан
Ат-тонымды ап безбедім.

Бұл безуден саулығым:
Жұзден тоқсан толқында ед.
Анда-санда ес кіріп,
Сұрадым тоқсан саулығын.
Ақталмаймын, қалайда,
Толқынға жоқ-ты жаулығым.
«Жау» деген — жаудың жаласы,
Әділ болсан, өмірімді
Ақтарып әділ қарашы.
Отыз жыл өмір бойында
Жазғанымды жайып сап,
Екі жар гып санаши.

Тексеруді отызды
Ауырсынсан, қояйын.
Бір сөзімді есіңе ал:
Мен толқынға жау болсам,
Жеті жыл бұрын осыдан,
Төңкерістің таңында
Алты алашқа әйгілеп:
«Не бостандық, не құлдық,
Не езілу, не тендік,
Не патшалық, не Кеңес —
Екіден бір!» дер ме едім?!



МАЗМУНЫ

<i>Магжанның ақындығы хақында</i>	5
Өлеңдер	
Тұған жерім — Сасықкөл	7
Бір күні	8
Қарағым	9
Орал таусы	10
Есімде... тек таң атсын!	11
Гүлсімге	13
От	15
Пайғамбар	18
Күншығыс	20
Алыстағы бауырьма	22
Тез барам	23
Қазақ тілі	24
Жер жүзіне	25
Мен жастарға сенемін	25
...ға	26
Откен күн	27
Айға	30
Жұмбак	31
Айда атынды, Сәрсембай	32
Бесік жыры	34
Сүйемін	37
Мен кім	38
Ескендірдің екі мүйізі	39
Откен — аяулы	42
Құрбым	43
Көк теке	43
Төбет	44
Бүгінгі күн өмір, өлім — менікі	45

Сырым	46
Сүй, жан сәулем	47
Төгілген шашы	48
Күміс нұрлы Ай	48
Шолпы	49
Сен сұлу	49
Біраз Фетше	50
N...ға	51
Хор сипатты қарындас	57
Жас сұлуға	57
K...ге	58
Гұлсім ханымга	59
...ға	59
Қарындаста	60
Ж...ға	61
Ф...ға	63
Ғазизага	65
З...ға	66
Анама	68
Қарангырық қоюланып келеді	69
Сағындым	69
Баланың қабір тасына	72
Әмір	72
Толқындарап ойнап	73
Жұлдыздарға	73
Жазғы тунде	74
Кекшетау	75
Толқын	76
Қайын	77
Қысқы жолда	78
Жазғы жолда	79
Жазғытұрым	81
Жаз келеді	82
Жиіленді қара орман	84
Махаббат не	84
Шылым	85
Александр Блок	85
N... альбомына	87
Алдамышы әмір	88
Айрылғанда	89
Күзді күні	89
Болса гұлсіз..	91
Ой	91

Жан сөзі	92
Мені де, өлім, әлділе	95
Тірілдім	99
Жұлдызды — жүзік, Айды алқа ғып берейін	100
Берниязға	101
Сырдағы алашқа	103
Туранның бір бауында	104
Алатау	107
Түркістан	110
Сәрсембайдың жыры	113
Әже	115
Жылқышы	116
Ақ қала	117
Жатыр	119
Шын сорлы	120
Жазғытыры	121
Бұлбұл	122
Өлең	123
Ләzzат қайда	124
Жазғы таң	125
Жас келін	126
Атақты ақын — сөзі алтын Хакім Абайга	127
Сорлы қазақ	128
Өнер-білім қайтсе табылар	128
Толған Ай	130
Зарлы сұлу	130
Балалық шағы	131
Тіршіліктің көркі — ерік	132
Қазағым	133
Мысық, пен ет	134
Сүйгеніме	134
Құр қалыптын	136
Жоғалған алтын	136
Оразада	137
Тілегім	138
Күз	139
Осы күнгі күй	140
Мен сорлы	141
Алданған сұлу	142
Туган жер	142
Көніл	143
Жарыма	144
Тәбет	145

Зар	145
Дін үйреткенге	146
Орамал	147
Орал	149
Жер жұзін топан басса екен	150
Ақсақ темір созі	151
Жаралы жан	151

Дастандар

Батыр Баян	155
Корқыт	180
Қойлыбайдың қобызы	190
Тоқсаның тобы	192
Ертегі	196
Оқжетпестің қиясында	205
Жұсіп хан	209
Қаныш бай қиссасы	225
) Өтірік ертек	228
Толғай	250

Жұмабаев Мағжан

ЖАН СӨЗІ

Әлеңдер мен дастандар

Редактор *Е. Дүйсенбайұлы*

Суретші *Б. Серікбай*

Техникалық редактор *Г. Есімбекова*

Компьютерде беттеген *Г. Есімбекова*

Теруге 14.02.05 жіберілді. Басуға 30.03.05 қол қойылды.

Калпы 84×108^{1/2}, Қазақы оғсетті. Қаріп түрі «Таймс».

Есептік баспа табагы 16,4. Таралымы 2000 дана. Тапсырыс № 1814.

«Раритет» баспа компаниясы, 050022, Алматы қаласы, Масанчи кошесі, 98,
оф. 14, тел.: 92-87-18, 60-67-08, тел./факс 92-88-36

Тапсырышының диапозитивінен

Казакстан Республикасы «Атамұра» корпорациясының

Полиграфия комбинатында басылған,

480002, Алматы қаласы, Макатаев кошесі, 41

Нағыз ұлт ақыны деп ұлы лирик
Мағжан Жұмабаевты айтамыз.
Қазақ өлеңіне ішкі қуаты, оттай
жанған сезім бүрқанысы мол жан
сөзін — жүрек поэзиясын тұңғыш
әкелген жырларында және эпикалық
күйлі-сазды дастандарында да
Абайдан кейінгі әдебиетте оған
тендесер тұлға болған емес.



ISBN 9965-663-78-5
9 789965 663789

